

# БОРИС ВАСИЛЬЕВ

## ТОНГЛАР ЭДИ СОКИН БУ ЕРДА...<sup>1</sup>

*Ҳайдар Иброҳимов таржимаси*

### 1

171-разъездда ўн икки хонадону ўт ўчирувчилар саройи билан аср бошида харсанглардан қурилган пастак, узун омбор омон қолди. Сўнгги бомбардимон пайтида сув минораси қулаб тушиб, поездлар бу ерда тўхтамай ўтадиган бўлди. Немислар энди разъездни бомбардимон қилас, лекин разъезд устида душман самолётлари ҳар куни чарх уради. Шу сабабдан, қўмандонлик ҳар эҳтимолга қарши бу ерда иккита зениг тўртлигини<sup>2</sup> сақлаб турарди.

1942 йилнинг май ойи эди. Гарбда (салқин тунларда у томондан артиллериянинг бўғиқ гумбури эшитиларди) ҳар икки тараф икки метрлик окоп қазиб позицион уруш олиб боришга мажбур бўлиб қолганди; шарқда немислар канал ва Мурманск йўлини кечаю кундуз бомбардимон қилишарди; шимолда денгиз йўллари учун беомон жанглар бора, жанубда қамалда қолган Ленинград жон-жаҳди билан курашни давом эттиарди.

Бу ер эса оромгоҳни эслатарди. Осойицталик, бекорчиликдан солдатлар ҳаммомнинг иссиқ хонасида бўлган одамлардек бўшашиб юришарди. Ўн икки хонадонда самогон пишириш бобида йўқни йўндирадиган ёш жувонлар ва бевалар туришарди. Янги келган солдатлар уч кунгача ухлашар, шароитни кузатишарди, аммо тўртинчи кунга бориб, кимларнингдир туғилган кунини нишонлаш бошлихар, бутун разъездни қўлбола боданинг чучмал ҳиди босиб кетарди.

Разъезд коменданти — бадқовоқ Васков, команда

<sup>1</sup> Тақризчи Зуҳриддин Исомиддинов.

<sup>2</sup> Тўртаси бирлаштирилган зенит пулемёти.

устидан тинмай шикоятнома ёзарди. Шикоятномалар сони ўнтарга етгач, бошлиқлар Ваксовга навбатдаги ҳайфсанни ёпиштиришиб, ичкиликдан шишиб кетган нимвзводни алмаштиришарди. Бу орада коменданант бир ҳафтагача ёлғиз қолиб, бир ўзи ишни амаллаб турауди. Кейин яна ҳаммаси шу қадар аниқ тақорланаардики, старшина олдинги шикоятномалардаги фамилия ҳамда числоларни ўзгартириб, уларни кўчириб қўя қоларди.

— Бекорчи ишлар билан шуғулланяпсиз! — деб бақирди сўнгги шикоятнома бўйича келган майор. — Ёзув-чизувга муқкадан тушиб кетгансиз! Коменданант эмас худди мирза!..

— Бизга ичмайдиганлардан юборинг! — туриб олди Ваксов; у бақироқ бошлиқлардан ҳайиқарди, лекин қайсарлик қилиб, ўз билганидан ҳам қолмасди: — Ичмайдиганлар ва ҳалиги... аёллар масаласига...

— Бичилганларни демоқчимисан?

— Бу ёгини ўзингиз биласиз, — деди старшина эҳтиёткорона.

— Майли, Ваксов! — деди майор ўзининг қаттиқ-қўйл әканидан қизишиб. — Сенга ичмайдиганларини юбораман. Аёллар масаласи ҳам рисоладагидек ҳал қилинади. Лекин, эҳтиёт бўл, старшина, уларни ҳам уddyalай олмасанг...

— Тушунарли! — тўрслик билан деди коменданант.

Майор қуюшқондан чиққан зенитчиларни олиб кетаркан, Ваксовга хайрлашайтиб, аёлларни ҳамда самони кўрганда ундан — старшинадан бурунроқ тескари қарайдиган аскарлардан юбораман, деб яна бир карра ваъда берди. Аммо бу ваъдани бажариш унчалик осон иш эмасакан, уч кунгача бирорта одам келмади.

— Бу анча мураккаб иш, — тушунтириди старшина ўзи турган уйнинг бекаси Мария Никифоровнага. — Иккита бўлинма — бу ичмайдиган йигирматача одам дегани. Бутун фронтни титкиласа ҳамки, ҳозир шунча одамни топиб беришларига кўзим етмаябди...

Бироқ унинг бу гумони асоссиз бўлиб чиқди, чунки эрталаб уй бекаси зенитчилар етиб келишганини жабар қилди. Унинг овозида қандайдир гайирлик оҳангиги бор эди, лекин старшина уйқусираб тургандан, буни сезмади, у ўзини қизиқтирган мавзуда гап очди:

— Командирлари билан келишдими?  
— Командири кўринмайди, Федот Евграфович.  
— Худога шукур! — Старшина ўзининг комендантилик лавозимини жуда қадрларди; амални бўлашишдан ёмон нарса йўқ.

— Элбурутдан бекорга қувоняпсиз,— сирли табасум қилди уй бекаси.

— Қувонишлар урушдан кейин бўлади,— Федот Евграфич bekанинг гапига шундай ўринли жавоб бериб, фуражкасини кийганча, уйдан чиқди.

Чиқди-ю, донг қотди: уй олдида ҳориб-чарчаган қизлар икки қатор бўлиб саф тортиб туришарди. Старшина ҳамон уйқусираётган бўлсам керак, деб кўзларини пирпиратди, аммо жангчиларнинг гимнастёркалари солдат уставида кўзда тутилмаганда баъзи ерда дўмпайиб, пилоткалар остида турлича тартибига солинган калта-узун соchlар ёйилиб турарди.

— Ўртоқ старшина, алоҳида зенит-пулемёт батальони бешинчи ротаси учинчи взводининг биринчи ва иккинчи бўлинмалари обьектни қўриқлаш учун сизнинг ихтиёргизга келди,— рапорт берди ингичка товушда уларнинг бошлиғи.— Доклад қилаётган взвод командирининг ёрдамчиси сержант Кирьянова.

— Хў-ўш,— деди уставга мос келмаган тартибда комендант.— Демак, ичмайдиганларни топишибидида...

Куни бўйи унинг қўлидан болта тушмади: зенитчи қизлар хонадонларда туришга рози бўлишмагани саббли, ўт ўчирувчилар саройида сўри ясади. Қизлар тахта ташишар, унга кўмаклашишар, зағизондек тинмай сайрашарди. Старшина буларнинг олдида обрўсизланиб қолишдан қўрқиб, қовоғини уйиб олган эди.

— Мендан сўрамай разъезддан бир қадам ҳам четга чиқилмасин,— деб кўрсатма берди у, ҳамма нарса тайёр бўлгач.

— Ҳатто мева тергани ҳамми? — дадил сўради малла бир қиз. Зенитчилар келган заҳотиёқ Ваксов бу қизнинг шаддотлигини сезганди.

— Ҳали мева пишгани йўқ,— деди у.

— Шовул териш мумкинми? — қизиқсиниб сўради Кирьянова,— бизга иссиқ таомсиз қийин бўлади, ўртоқ старшина; озиб кетамиз.

Федот Евграфич таранг тортиб кийилган гим-

настёркаларга иккиланган бир ҳолатда назар ташла-ди, аммо бунга рухсат берди:

— Фақат сойдан нарига ўтилмасин. Сой бўйида шовул тўлиб ётипти.

Разъездда осоиишталик бошланди; лекин бундан энди комендантнинг аҳволи енгиллашмади. Зенитчи-лар шўх ва ҳазилкаш қизлар экан, старшина ҳар да-қиқа ўзини чўғ устида юргандек ҳис этар, ноўрин гап айтишдан, иотўғри бирон иш қилиб қўйишидан қўрқарди. Қизлар ётоқхонасига эшик тақиллатмай кириш ҳақида эса гап ҳам бўлиши мумкин эмасди. Мабодо эшик қоқишини унудиб қўйса борми, қизлар шундай чийиллашардики, старшина ташқарига қандай чиқиб кетганини ўзиям билмай қоларди. Федот Евграфич қизларнинг унга мойиллик билдиришиб қилган ишо-ралари, ҳазилларидан ҳаммадан кўпроқ ҳайиқарди. Шу сабабли худди бир нарсасини йўқотиб қўйгандек, ер сузиб юрарди.

— Бунча тумтайиб юрмасангиз, Федот Евграфич,— деди уй бекаси, унинг қўлостидагилар билан қандай муомала қилаётганини кузатиб.— Улар сизни ўзаро чол деб аташяпти, сиз ҳам шунга яраша иш ту-тинг.

Федот Евграфич бу йил баҳорда ўттиз иккига кирди, ўзини қарияга чиқаришларини албатта, ҳазм қи-лолмасди. Ўйлаб-ўйлаб, бундай гаплар уй бекасининг ўзидан чиққан, мавқеини мустаҳкамлаш учун гапир-япти деган холосага келди; бека баҳор тунларидан бирида комендант юрагидаги музни эритишга эришган, энди эса табиийки, эгаллаган мэррасини мустаҳкам-лашга интиларди.

Зенитчи қизлар тунлари учиб ўтаётган немис само-лётларига қаратса саккизга пулемётдан баравар ўқ узишар, кундузлари кир ювишгани ювишганди; ўт ўчирувчилар саройи атрофида доим уларнинг қандайдир кийим-кечаклари ёйиглик турарди. Старшина қизларнинг бундай кир ёйиб қўйишлигини ножоиз ҳисоблаб, бу тўғрида сержант Киръяновага лўнда гап қилди:

— Сизлар маскировкани бузяпсизлар.

— Биз буйруққа асосланамиз,— деди Киръянова ўйланиб ўтирамай.

— Қанақа буйруқ?

— Тегишли буйруқ. Унда, ҳарбий хизматдаги әйләрга барча фронтларда кийимларини қуритишларига рухсат берилади, дейилган.

Комендантнинг нафаси ичига тушиб кетди: ҳе, жин урсин бу қизларни! Буларга гап топиб бериш қийин; ўринсиз гап қилсанг, қиёматгача ҳиринглаб юришади...

Кунлар дим, қылт этган шамол йўқ; чивин шунақаям кўпайиб кетгандики, қўлда новда тутмасдан бир қадам ҳам юриб бўлмасди. Ҳарбий кишининг новда кўтариб юриши ғалатироқ туюлса ҳамки, бунга парво қилмаслик мумкин эди. Аммо комендант сўнгги пайтлар ҳар қадамда томоқ қириб, йўталиб қўйишга одатланган, бундан у ростакам чолга ўхшаб қолганди; ана шуниси бир оз хижолатли эди.

Унинг бундай юриши жазирама май кунларидан бирида омборга кирганидан бошланди. У ўшанда бехос турган жойида қотиб қолганди: қаршисида шунақа оппоқ, шунақаям диркиллаган, бунинг устига бир эмас, саккизта баданин кўриб, Ваксовни тер босганди: биринчи бўлинма қизлари ўз командирлари кичик сержант Осянина бошлиқ брезент устида вужудларини офтобга солиб, худди онадан янги туғилгандек чўзилиб ётишарди. Одоб юзасидан чинқириб ҳам қўйишмади; брезентга юзларини босишиб, миқ этмай ётишибди; Федот Евграфич кимнингдир полизига ўғринча кирган боладек, секингина орқасига тисарилди. Уша кундан буён у қўйиўтал бўлган одамдек, ҳар қадамда ўҳ-хўлаб юрадиган бўлиб қолди.

Ваксов қизлар ичидаги Осянинанинг бошқача эканлигига олдиндан эътибор берганди: бу жуда жиддий қиз эди. Ҳеч қачон кулмасди, фақат лаблари салгина табассумга келар, аммо ўшанда ҳам кўзларида бирдек жиддият акс этарди. Бироқ Осянинанинг юриштуриши бир оз ғалатироқ экани ҳам Федот Евграфичнинг диққатини жалб қилганди; уй бекасига аёллар тўғрисида гап очиш унча маъқул иш бўлмаса ҳамки, бу қизни орқаваротдан суриштириб кўришни буюрди.

— У бева экан,— бир кундан кейин маълум қилди Мария Никифоровна лабини алланечук буриб.— Хуллас, расмана хотин, кўнглини олишингиз мумкин.

Старшина индамади: барибир хотин кишига тушунириб бўлмайди. Болтани олиб, ҳовлига чиқди:

хаёл суреб олиш учун ўтии ёришдан қулайроқ иш йўқ. Ўйлайдиган гаплар эса тўпланиб қолган, уларни сарак-пучакка ажратиш керак эди.

Хўш, энг аввал — интизом масаласи. Тўғри, бу жангчилар ичишмайди, аҳоли билан кўнгилхўшлик ҳам қилишмайди, булар ишнинг яхши томони. Аммо тартиб йўқ: «Люда, Вера, Катенька — соқчиликка! Катя, сен разводяший» эмиш...

Шу ҳам команда бериш бўлдими? Соқчиларни жойжойига, албатта, тартиб билан, уставга мувофиқ тайинлаш керак. Бу ерда эса масхарарабозликнинг ўзгинаси, бунга барҳам бериш лозим, лекин қандай қилиб? Бу ҳақда қизларнинг бошлиғи Киръянова билан гаплашиб кўрмоқчи бўлди, бироқ унинг жавоби маълум:

— Бизга рухсат берилган, ўртоқ старшина. Қўмондоннинг шахсан ўзи рухсат берган.

Нуқул кулишади, шайтонлар...

— Роса жонингни куйдириб ишлайсанми, дейман, Федот Евграфич?

У қайрилиб қараб, ёнига ташриф буюрган қўшини аёл Полинка Егоровани кўрди. Раъзъеддаги аёллар орасида ашаддийси мана шу. Утган ойда тўрт марта туғилган кунини нишонлади.

— Сен ўзингни кўп қийнайверма, Федот Евграфич. Зот учун қолдирилгандек, орамизда бир ўзингсан, биргина жонсан.

Шундай деб, хахолаб кулади. Ёқасининг тугмаси ҳам солинмаган; кўйлаги ичида худди қўш олма қалқиб турибди.

— Энди сен подачига ўхшаб ҳовлима-ҳовли айланасан. Бир ҳафта бир ҳовлида, кейин яна бошқасида. Биз, хотинлар, сенинг хусусингда, шундай келишиб қўйдик.

— Полина Егоровна, сенинг виждонинг борми ўзи? Солдатнинг аёлимисан ёки аллақандай хонимчамисан? Ўзингга ярашадиган гапни гапир.

— Уруш, Евграфич, ҳамма нарсани кечиради. Солдатларни ҳам, солдатларнинг хотинларини ҳам.

Мана қанақа гаплар бор дунёда! Бундайларни аслида бадарга қилса арзиди, лекин қандай йўсинда? Граждан ҳокимияти ўз кучини кўрсатса-чи? Комендантга эса булар бўйсунишмайди: шу тўғрида у ҳатто бақироқ майор билан ҳам гаплашганди.

Ха, қисқаси, ўйлайдиган гаплар тўлиб-тошиб, битга сандиққа сифмайдиган бўлиб қолди. Бунинг устига, ҳар бир жумбоқни алоҳида таҳлил қилиш даркор. Алоҳида таҳлил қилиш...

Унинг деярли саводсиз экани, ҳар ҳолда, анча халал етказяпти. Ўқиши, ёзиши, асосан, қўлидан келади; ҳи сиблашни ҳам умуман тўрт синф ҳажмида ўрганганд, аммо бундан нарига ўтолмади; худди шу тўртинчи синфни тугатай деяётганида, отасини айиқ эзғилади. Қизлар айиқ воқеасини билиб қолишсами, ундан роса кулишар! Шунақаси ҳам бўларканда; жаҳон урушида газдан, гражданлар урушида қиличдан, қулоқларнинг қирқма милтиғидан омон қолган одам ниҳоят ўз ажали билан ўлмай, нақ айиқ панжасида жон берса! Бу қизлар айиқни, эҳтимолки, фақат ҳайвонот боғида кўришгандир...

Федот Ваксов, сен деярли саводсиз бўлсанг ҳам комендантилкка етишгансан. Булар эса — оддий аскар бўлганларига қарамай, билимдон: ошириб мўлжал олиш, квадрант, снос бурчаги нималигидан хабардор. Гапларидан сезилиб турибди, еттинчи синфни, ҳатто кўпчилик тўққизинчини битиришган. Тўққиздан бешни чиқариб ташласа — тўрт қолади. Демак, булардан анча орқада қолгани аниқ.

Ўйлар унчалик қўнгилли эмасди, шунинг ўчун Ваксов жон-жаҳди билан ўтин ёришга тушганди. Унинг қолиб кетгани учун кимни айблаш керак? Ҳалиги шафқатсиз айиқдан шикоят қилишнинг ҳожати бормикан?..

Қизиқ, шу вақтгача у ўзини омадли деб биларди. Ҳамиша бирдай иши юришавермаса ҳам, ортиқча зорланмасди. Ҳар ҳолда, тўлиқсиз тўрт синф маълумоти билан полк мактабини ўқиб битирди ва ўн йил хизмат қилиб, старшина даражасига кўтарилиди. Бу жиҳатдан ёмон бўлгани йўқ, лекин бошқа томондан тақдир уни сир оз қисиб қўйди; икки марта унга қарата ўзининг бутун тўпларидан баб-баравар ўт очди, аммо Федот Евграфич тақдир зарбаларига барибир бардош берди. Чидади...

Фин урушидан сал олдин гарнизон госпиталида хизмат қилган санитар қизга уйланди. Хотини жуда оғатижон эди: унга дунёда қўшиқ айтиш, рақс тушиш, вино ичиш бўлса бас эди. Нима қилганда ҳам,

унга бир ўғил туғиб берди. Отини Игорь қўйиши. Игорь Федотич Ваксов. Ўшанда фин уруши бошланиб қолди. Ваксов фронтга кетди; иккита медаль билан қайтиб келганида тақдир биринчи марта унга зарба берди: у фронтда қор кечиб юрганида, хотини полкдаги мол доктори билан дон олишиб, жануб томонга кетиб қолиби. Федот Евграфич дарҳол ҳисоб-китобни тўғрилади, болани суд орқали ўзига олиб, қишлоқча, ойисининг бағрига жўнатди. Бир йилдан кейин бола ўлди, мана ўшандан буён Ваксов бор-йўғи уч мартагина жилмайди: орден топширган генералга, елкасидан снаряд парчасини олиб ташлаган жарроҳга-ю, сезгирилиги учун уй бекаси Мария Никифоровнага.

Хуллас, ўша снаряд парчаси эвазига ҳозирги лавозимни згаллади. Омборда айрим ашёлар қолган, бу ерга соқчи қўйилмаганди, лекин комендантилик лавозимини жорий қилишиб, унга ўша омборни қўриқлашни топширишди. Старшина обьектни ҳар куни уч марта айланиб чиқар, қулфларни текширас ва ўзи тутган дафтарга бир хил қилиб: «Объект текшириб чиқилди, тартибсизлик рўй бергани йўқ», деб ёзиб қўярди. Текширган вақтини ҳам белгиларди, албатта.

Старшина Ваксов хизматни тинч ўтар эди. Деярли шу кунгача умуман тинч эди. Энди эса...

Старшина хўрсиниб қўйди.

## 2

Рита Муштакова урушгача бўлган ҳамма воқеалар ичидаги мактабда ўтказилган қаҳрамон чегарачилар билан учрашув кечасини яхши эслаб қолганди. Ўша кечага машҳур чегарачи Карацупа келмаган, итнинг оти ҳам Индус эмасди, шунга қарамай, Рита бу учрашувни ҳозиргина бўлиб ўтгандай яхши эслар, уятчан лейтенант Осянин кичкина чегара шаҳарчасининг ёғоч ётқизилган йўлқасида у ёнида бораётгандек бўларди. Лейтенант қаҳрамон ҳам эмас, делегация составига тасодифан кириб қолган ва бундан гоят уялар эди.

Рита ҳам шаддот қизлардан эмасди: у на чегарачиларни табриклишда ҳам, бадиий ҳаваскорликда ҳам қатнашмай, залда ўтирас, ёши ўттизга етмаган меҳмонлардан бирортасига биринчи бўлиб гап қотишдан кўра, ер ёрилиб, ер қаърига кириб кетишга рози эди.

Рита лейтенант Осянин билан тасодифан ёнма-ён ўти-риб қолган, иккаласи ҳам қимирлашга қўрқиб, олдинга тикилганча қотиб ўтиришарди. Кейин мактаб кечасини бошқарувчилар ўйин бошлиши, уларнинг яна бирга бўлишига тўғри келди. Кейин умумий ўйинвалъс бошланди, улар рақсга тушиши. Сўнг дераза олдида туриши. Кейин... Ҳа, кейин у кузатиб қўйди.

Ўшанда Рита жуда муғамбирлик қилди; уни энг узоқ йўлдан бошлади. У эса барибир жим борар ва факат чекар, ҳар сафар чекишга ундан тортинибгина рухсат сўрарди. Йигитнинг бу тортинчоқлигидан Ританинг юраги шувиллаб кетарди.

Улар хайрлашаётуб ҳатто, қўл олишмади, бир-бираiga бош иргаб қўя қолиши. Лейтенант заставага жўнаб кетди ва ҳар шанба қисқа-қисқа хат ёзиб турди. Рита эса ҳар якшанба узундан узоқ жавоб хат ёзарди. Ёзгача ёзишмалар шу тарз давом этди: июнда у шашарчага уч кунга келди ва чегара нотинч, бошқа отпуска беришмайди, шунинг учун дарҳол ЗАГСга борамиз, деди. Рита ҳам бу таклифдан ҳеч ажабланмади, аммо ЗАГСда бюрократлар ўтиришган экан, улар рўйхатга олишдан бош тортиши, чунки Ританинг ўн саккизга тўлишига ҳали беш ярим ой бор эди. Лекин улар шаҳар коменданти ҳузурига, у ердан Ританинг ота-онаси ҳузурига бориши ва ўз айтганларини қилиши. Рита синфида гилар орасида биринчи бўлиб эрга тегди. Яна қанақасига денг — чиройли командирга, бунинг устига чегарачига. Дунёда ундан бахти қизйўқ эди.

Заставада уни дарров хотин-қизлар советига сайлаши. ва ҳамма тўгаракларга аъзо қилиб ёзиб, қўйиши. Рита ярадорларни боғлашни, отишни, чавандозликни, граната улоқтириш ва газдан қандай сақланишни ўргана бошлади. Бир йилдан кейин ўғил кўрди, отини Алик — Альберт қўйиши, яна бир йилдан кейин эса уруш бошланди.

Урушнинг ўша биринчи куни беш-олти киши ўзини йўқотиб қўймаган бўлса, улардан бири Рита эди. У умуман босиқ, мулоҳазали эди, аммо ўша кунги хотиржамлигининг сабаби бошқа: Рита ўғлини майдаёқ ота-онасиникига жўнатган, шу сабабли бегона болаларни қутқариш билан шуғуллана оларди.

Застава душман ҳамласига ўн етти кун бардош берди. Рита кечаю кундуз узоқдан отишмани эшитар, кўнглида шу отишмада эри соғ-саломат юрганига, чегарачилар армия қисмлари етиб келгунча бардош беришларига ва биргаликда зарбага зарба билан жавоб қилишларига умид боғларди. Ахир заставада: «Тун кирди; чегарани қоплади зулмат, лекин ундан ўтолмас ҳеч ким, совет ерига душман суколмас тумшуқ...» деб куйлашни севишарди. Аммо кунлар ўтаверди, ёрдам етиб келмади ва ўн еттинчи куни застава жим бўлиб қолди.

Ритани ватан ичкарисига жўнатмоқчи бўлишди, у эса жангга юборишларини сўрарди. Уни ҳайдашар, вўрлаб теплушка вагонга киритиб қўйишар, лекин застава бошлигининг ўринбосари старший лейтенант Осяниннинг қайсар хотини бир кундан кейин яна истеҳкомли район штабида пайдо бўларди. Ниҳоят уни санитаркалийка олишди, ярим йилдан кейин эса полк зенитчилар мактабига ўқишига юборишиди.

Старший лейтенант Осянин эса урушнинг иккинчи куни тонгда бошланган қарши ҳужум вақтида ҳалок бўлганди. Рита буни июлда, чегарачи сержант забт этилган заставадан бир амаллаб ўтиб келгандан кейин билди.

Бошлиқлар қаҳрамон чегарачининг кулги нималигини билмайдиган бевасини қадрлашарди: буйруқларда қайд этишар, намуна қилиб кўрсатишар эди. Шу сабабли мактабни тугатгандан кейин ўша застава турган, эри шиддатли найзабозлик жангига ҳалок бўлган жойга юбориш ҳақидаги шахсий илтимосини инобатга олишди. Бу ерда фронт жиндеккина чекинган: кўлга ёпишиб олиб, ўрмонларни пана қилиб, сошиб застава ва бир вақтлар лейтенант Осянин тўққизинчи «Б» ўқувчиси билан танишган шаҳарча ўртасида ерга қапишиб, қотиб қолган эди.

Энди Рита мамнун: у ниятига етди. Ҳатто эрининг ҳалокати уқубатлари ҳам юрагининг бир бурчагига яширилди; унинг иши, бурчи ва нафратини сочиши учун бутунлай аниқ нишон бор эди. У жим ва шафқатсиз нафратланишни ўрганиб олди, ҳозирча унинг расчёти душман самолётини уриб тушира олмаган бўлса-да, у ҳар ҳолда немис аэростатини илма-тешик қила олди. Аэростат ёниб, пучқайиб қолди;

корректировка қилиб турган душман ўзини саватдан ташлаб, ерга тошдек қулади.

— От, Рита!.. От!.. — деб бақиришарди зенитчи қизлар.

Рита эса тушаётган нуқтани кутиб турарди. Немис ерга яқин қолгач, парашют боғичини тортиб, ўзининг немис худосига шукронга айтаётганда у гашеткани оҳиста босди. Тўрт стволдан баравар отилган ўқ қора шарпани бўлиб ташлади, қизлар қувониб бақириб, уни ўлиша кётди, у эса зўрма-зўраки табассум билан қараб турарди. Туни билан у титраб-қақшаб чиқди, взвод командирининг ўринбосари Киръянова унга чой ичириб, тасалли берарди:

— Ўтиб кетади, Ритуха. Мен биринчисини ўлдирганимда, ўлишимга сал қолган, худо ҳақи, рост. Лаънати бир ойгача тушимга кириб юрди...

Киръянова кўп жангларни кўрган қиз эди: фин урушидаёқ санитар сумкаси билан олдинги мэррода озмунча километр йўлни сургалиб ўтмаган, ордени ҳам бор эди. Рита уни характери учун ҳурмат қилас, лекин унчалик қалин эмасди.

Айтмоқчи, Рита умуман кўпчиликка аралашмас эди: бўлинмаси нуқул комсомол қизлардан иборат эди. Ёш эмас, йўқ, аммо гўр қизлар. Улар на муҳаббатни, на оналикини, на ғамни, на қувончни билишар, топган гаплари лейтенантлар-у, бўса ҳақида эди, бу эса ҳозир Ританинг асабига ёмон таъсир қиласди.

— Ухланглар!.. — деб қисқа буйруқ қиласди у, муҳаббат савдоси ҳақидаги навбатдаги гапларни эшишиб.— Яна бунақа аҳмоқона гапларни эшитсан, соқчиликдан бўшамайсан.

— Чакки қиляпсан, Ритуха.— Киръянова эринчоқлик билан эътиroz билдиради.— Вайсашаверсин, зеरиктирмай ўтиришиби.

— Севиб қолицса — ҳеч нарса демайман. Аммо пана-пастқамда ялашиб-юлқашишларига ҳеч тушунмайман.

— Ўзинг намуна бўл,— деб кулади Киръянова.

Рита дарров жим бўлиб қолади. Бундай бўлишини у тасаввур ҳам қилолмайди: унинг учун дунёда эркак зоти йўқ энди. Фақат бир эркак бор эди — урушнинг иккинчи куни тонгига одами кам қолган заставани

найзабозлик жангига бошлаб борган йигит. Энди Рита ўзини тутиб, дадил бўлишга ҳаракат қилиб яшарди.

Май арафасида расчёт роса қийналди: чақон «мессер»лар билан икки соат жанг қилишди. Немислар қуёш томондан келишар, зениткалар устига шўнғиб, ўқ ёғдиришарди. Ҳамма вақт бировга билдирмай ниманидир кавшаб юрадиган пучуқ, хунук, ўқ ташидиган семиз қизни ўлдиришди, яна иккитасини енгил ярадор қилишди. Дафн этишга қисм комиссари келди, қизлар уввос солиб йиғлашарди. Қабр устида салют беришди, кейин комиссар Ритани бир четга чакирди:

— Бўлинмани тўлдириш керак.

Рита индамади.

— Коллективингиз соғлом, Маргарита Степановна. Ўзингиз биласиз, фронтда хотин кинига ҳамма гап отаверади. Лекин ўзини тута олмайдиган хотинлар ҳам бўлади.

Рита яна индамади. Комиссар оғирлигини у оёғидан-бу оёғига солиб, махорка тутатди да, бўғиқ овозда гапириди:

— Штаб командирларидан бир — оиласлик одам-у, ҳалиги, маъшуқа орттирибди. Ҳарбий Совет аъзоси буни билиб қолиб, ўша полковники исканжага олди, қизни бирор ишга — соғлом, яхши коллективга жойлаштириб қўйишни эса менга топширди.

— Юбораверинг,— деди Рита.

Эрталаб уни кўриб, кўз узолмай тикилиб қолди: қиз баланд бўйли, малласоч, оппоқ эди. Кўзлари эса болаларнидек яшил ва юм-юмалоқ.

— Жангчи Евгения Комелькова сизнинг ихтиёрин-гизга...

Ўша куни ҳаммомга тушиладиган кун эди. Уларнинг навбати келгач, ҳаммомнинг кийим ечадиган хонасида қизлар янги келганга мўъжизага қарагандек тикилиб қолишли.

— Женъка, сув парисининг ўзгинасисан...

— Женъка, баданинг бунча тиниқ бўлмаса...

— Женъка, сенинг қоматингга қараб ҳайкал ясаса бўларкан!..

— Женъка, сийнабанд тақмай юрсанг ҳам бўларкан!

— Вой, Женъка, сени музейга қўйиш керак. Қора

духоба устига ўтқазиб, ойна билан беркитиб қўйиш лозим...

— Бахтсиз аёл,— Кирьянова хўрсинди.— Шундай келишган қадди-қоматни ҳарбий кийим остига яшириб юриш ўлим билан баравар.

— Гўзал,— деди Рита оҳиста.— Гўзаллар камдан-кам бахтли бўлишади.

— Ўзингга ҳам шама қиляпсанми?— Кирьянова жилмайди.

Рита яна жим бўлиб қолди. Ҳа, у взвод командирининг ўринбосари Кирьянова билан дўстлашолмади. Ҳеч ҳам тил топишолмаяпти.

Женъка билан эса дўстлашиб кетди. Бир кун ўзўзидан, ҳеч қандай тайёргарликсиз, синашта бўлмай турибоқ Рита унга ўз ҳаёти ҳақида сўзлаб берди. Ҳам насиҳат қилмоқчи, ҳам ўз ҳаётини мисол келтириб мақтамоқчи бўлди. Женъка эса бунга жавобан на ачинди, на ҳамдард бўлди. Қисқагина қилиб:

— Демак, душманда шахсий ўчинг бор экан,— деб қўя қолди.

Бу гапни шундай айтдики, Рита полковник билан унинг ўртасида бўлган гапларни ипидан-игнасиғача билса ҳам:

— Сенинг ҳамми?— деб сўради.

— Мен — ҳозир ёлғизман. Ойим, синглим, укам — ҳаммасини пулемётдан қириб ташлашди.

— Отишмадами?

— Ушлаб, отиб ташлашган. Комсостав оиласи деб ушлаб олиб, отиб ташлашган. Мени эса рўпарадаги уйга эстон аёли яшириб қўйганди, ҳаммасини кўриб турганман. Ҳаммасини!.. Синглим энг кейин йиқилиди: атайлаб отиши...

— Менга қара, Женъка, полковник-чи?..— Рита шивирлаб сўради.— Қандай ботиндинг-а, Женъка?..

— Ботиндим-да!..— Женъка жаҳл билан малла соchlарини силкитиб жавоб қилди.— Насиҳатгўйликни ҳозир бошлийсанми ёки отбойдан кейинми?

Женъканинг тақдирни олдида Ританики унчалик бўлмай қолди. Шуниси қизиқки, Рита гўё бирор жойи лат егандек, анча бўшашиб қолди. У баъзан ҳатто куллар, қизларга қўшилиб қўшиқ айтар, лекин Женъка билан ёлғиз қолгандагина ўзини эркин сезар эди.

Малласоч Комелькова, бошига тушган фожеаларга

қарамай, гоят одамшаванда, қувноқ ва шўх эди. Гоҳ бўлинмадаги қизларни кулдириш учун бирор лейтенантни ҳазил билан мот қилас, гоҳ бўш вақтларда қизларнинг «ла-ла» лаб жўр бўлишида «Циганочка»га қойил қилиб рақс тушарди, гоҳ бирдан ҳаммани ўз оғзига қаратиб бирорта ишқий саргузаштни ҳикоя қилиб берарди.

— Сен саҳна, учун яратилгансан, Женъка,— Кирьянова хўрсиниб қўяди.— Шундай ажойиб хотиннинг умри бекор ўтипти-я!..

Ританинг авайлаб асраб келаётган ёлғизлиги шу тариқа тамом бўлди. Женъка ҳаммасини остин-устун қилиб юборди. Уларнинг бўлинмасида Галка Четвертак деган кўримсизгина бир қиз бор эди. Озгин, бурни узун, сочи походдан ясалғандек, кўкраги болаларни кидек ясси. Ҳаммомда Женъка уни ювиб-таради, сочини яхшилаб турмаклади, гимнастёркасини қаддига мослаб берди — Галка гўлдек очилиб кетди. Кўзлари бирдан порлай бошлади, табассум ҳам пайдо бўлди. Уша кундан бошлаб Галка Женъкадан бир қадам ҳам узоқлашмайдиган бўлиб қолгани учун энди улар — Рита, Женъка, Галка учовлон бирга юришарди.

Зенитчи қизлар олдинги маррадан обьектга ўтказиш ҳақидаги хабарни норозилик билан кутиб олишиди. Фақат Рита индамади: штабга бориб, харитага қаради-да:

— Менинг бўлинмамни юборинглар,— деди.

Қизлар ҳайрон бўлишиди. Женъка қаршилик қилиб исён кўтарди, лекин эртасига бирданига ўзгариб қолди. Қизларни разъездга боришга ташвиқот қила бошлади. Нима учун, нега бундай бўлганини ҳеч ким тушунмасди, аммо жим бўлиб қолишиди: Женъка айтдими — демак, зарур экан. Гап-сўзлар дарров тўхтади, йўлга ҳозирлик бошланди. Разъездга келишлари биланоқ Рита, Женъка ва Галка бирдан чойни қандисиз ичадиган бўлиб қолишиди.

Уч кундан сўнг Рита разъезддан ғойиб бўлди. Ут ўчирувчилар саройидан сирғалиб чиқиб, уйқуга кетган разъездни шарпа каби кесиб ўтди-ю, шудрингдан нам тортган зиркзорда ғойиб бўлди. Ут босган ўрмон сўқмогидан катта йўлга чиқиб, биринчи юқ машинасини тўхтатди.

— Йўл бўлсин, гўзал қиз? — сўради мўйловдор

старшина. Тунда машиналар фронт орқасига овқат келтириш учун жўнар, уларни уставни учча яхши билмайдиган кишилар кузатиб боришаарди.

— Шаҳаргача элтиб қўясиизларми?

Машина кузовидан ёрдамлашгани қўллар чўзилди. Рита руҳсат кутиб турмай ғилдирак устига оёқ қўйди-ю, бир сакраб юқорига чиқиб олди. Уни брезент устига ўтқазиб, елкасига пахталик ташлаб қўйишиди:

— Қизалоқ, бирор соат мизғиб ол...

Эрталаб эса у яна ўз ўрнида эди.

— Лида, Раја, нарядга!..

Ҳеч ким кўрмади, Киръяновага эса кимдир айтиб қўйди. Аммо у ҳеч нима демади, ўзича қулиб:

— Мағрур қиз бирортасини ортирганга ўхшайди. Майли, балки кўнгли юмшар... — деб қўйди.

Бу ҳақда Ваксовга ҳам бир оғиз гапирмади. Сирасини айтганда, қизларнинг бирортаси ҳам Ваксовдан қўрқмасди, Рита эса умуман тап тортмасди. Ахир Ваксов разъездда пўпанак босган тўнкадек кезиб юради, биладиган сўзи йигирмата, улар ҳам уставдан олинган. Ким уни одам қаторига қўшади?

Аммо форма деган нарса бор, айниқса армияда. Шу форма Ританинг тунги сафарлари ҳақида Женъка билан Галка Четвертакдан бошқа ҳеч ким билмаслигини талаб қиласарди.

Қанд, қотирилган нон, буғдой ёрмаси, баъзан эса гўшт консерваси шаҳарчага «сафар» қиласарди. Омади келганидан эс-ҳушини йўқотган Рита ҳафтада икки-уч марта кечаси шаҳарга югуради, шунинг учун қорайиб, озиб кетди. Женъка унинг қулогига таънаомуз шивирларди:

— Тинканг қуриб қолди, ойиси. Патрулга дуч келиб қолсанг ёки бирорта командир суриштириб қолса — ишинг пачава.

— Жим бўл, Женъка, мен омадлиман!..

Ўзининг эса баҳтдан кўзлари порлайди: бунақа аёл билан жиддий гаплашиб бўлармиди? Женъканинг гина кўнгли нотинч эди:

— Эҳтиёт бўл, Ритка!..

Ўзининг тунги сафарларидан Киръянова хабардорлигини Рита дарров сезиб қолди: қараашларидан, кинояларидан сезди. Гўё Рита старший лейтенантига чиндан ҳам хоинлик қилгандек, Киръянованинг киноя-

лари уни жиғибийрон қиласы. Жаҳли чиқиб, силтаб ташламоқчи бўлди-ю, Женъка йўл қўймади. Маҳкам ёпишиб, четга олиб чиқди:

— Майли, Рита, нима деб ўйласа ўйлайверсин!..

Рита ўзига келди: Женъканинг гапи тўғри. Ҳар қанақа ифлос гап тўқиса ҳам майли, ишқилиб жим юрса, халақит бермаса, Ваксовга чақиб қўймаса бўлгани. Ваксов минғиллаб, шундай эговладиди, ёруғ дунё кўзингга қоронги кўриниб кетади. Буни аллақачон билиб олишган: биринчи бўлинмадан икки дугонани старшина дарё ортида ушлаб олди. Тўрт соат — тушликдан кечки овқатгача насиҳат қилди: устав, инструкция, қўлланмалардан цитаталарни ёддан ўқиб берди. Қизларни шунчалик йигламоқдан бери қилдик, энди дарёнинг нариги томонига ўтиш у ёқда турсин, ҳовлидан ташқарига чиқмасликка қасам ичишди.

Лекин Киръянова ҳозирча жим юради.

Оқ туналар бошланди. Шамол эсмасди. Кечки шаф-ақдан тонггача узундан-узоқ нимкоронғиликда гуллаётган ўтлар иси анқир, зенинчи қизлар эса хўroz иккинчи марта қичқиргунга қадар ўт ўчирувчилар саройи олдидаги қўшиқ айтишар эди. Энди — Рита шаҳарчага қатнашини фақат Ваксовдан сир тутар, кечки овқатдан кейин кўп ўтмай ғойиб бўлар, тонготарда қайтиб келарди. У икки кун оралатиб шаҳарчага борарди.

Рита разъездга қайтишни ҳамма нарсадан ҳам яхши кўтарди. Патрулга дуч келиб қолиш хавфи энди орқада, этикни бир-бирига боғлаб, елкасига ташлаб олиб, муздек шудрингда яланг оёқ, хотиржам юриш мумкин.

Шудринг кечиб, келгуси учрашув тўғрисида, онасининг шикоятлари ва келгуси бесўроқ кетиш ҳақида ўйлаш нақадар лаззатли. Келгуси учрашувни бошқаларнинг аралашувисиз ёки унга қарам бўлмаган ҳолда ўзи белгилай олишидан Рита баҳтиёр эди.

Лекин уруш давом этар, у инсон ҳаётини ўз билганича истаган кўйига солар, кишилар тақдири бир-бири билан чалкаш ва тушуниб бўлмайдиган даражада туташиб кетган эди. Кичик сержант Маргарита Осянина сокин 171-разъезд комендантини алдаб юрганда СД империя хизматининг С 219/702 номерли «ФАҚАТ ҚЎМОНДОНЛИК УЧУН» деб белги қўйил-

ган директивасига имзо чекилгани ва амалга оширила бошлаганидан мутлақо бехабар эди.

### 3

Бу ерда тонглар жуда сокин эди.

Рита яланг оёқ юриб борар, елкасида этиги тебранын туарарди. Ботқоқдан қалин туман тарқалиб, оёғини музлатар, кийимига ўтиарарди. Рита эса разъездга яқинлашгач, таниш түнкага ўтириб, қуруқ пайпоги ва этигини кийиб олишини мамнунлик билан ўйларди. Йўловчи машина келишини узоқ кутиб қолганидан ҳозир шошилиб борарди. Старшина Ваксов эса тонг ёришмаёқ ўрнидан туриб, омбор қулфини текширгани жўнар эди. Рита худди омбор олдидан чиқиши керак эди: унинг таниш түнкаси ёғоч девордан икки қадамча нарида, бута орқасида эди.

Иккита муюлишдан ўтиб, ольхазордан тўғри кесиб чиқса, түнкага етади. Рита биринчи муюлишдан ўтди-ю, қотиб қолди: йўлда одам туарди.

У тескари қараб турибди: новча, холдор плашч-платкада, елкасида нимадир букирга ўхшаб дўппайиб чиқиб турибди. Ўнг қўлида тасма билан тортиб боғланган узунчоқ тугун, кўкрагида автомат осиғлиқ.

Рита ўзини бута орасига олди, бута силкиниб, унинг устига шудринг ёғилди, лекин у ҳеч нарса сезмади. Нафасини ичига ютиб, сийрак барглар орасидан худди, тушида кўраётгандек, йўлда қимиirlамай турган бегона кишига қаради.

Ўрмондан иккинчиси чиқди: бўйи сал пастроқ, кўкрагида автомат, қўлида худди ҳалигидақа тугун. Улар баланд пошнали, шнуурли ботинкалари билан шудрингли ўтлар устидан шарпасиз тўғри Рита томон юриди.

Рита муштумини оғзига тиқиб, оғрийдиган даражада тишлади. Ишқилиб беихтиёр қимиirlамаса, бақириб юбормаса, буталар оралаб қочиб қолмаса бўлгани. Улар ёнгинасидан ўтиб кетишиди: четдагиси Рита яширинган бутага тегиб ўтди. Индамай, овоз чиқармай, соя каби ўтишди-ю, гойиб бўлишди.

Рита кутиб турди: бошقا ҳеч ким кўринмади. Оҳиста чиқиб, йўлни кесиб ўтди-да, буталар орасига шўнғиди, яна қулоқ солди.

Сукунат.

Ҳансираб, йўлни кесиб тиккасига югуrdи: этиги орқасига урилиб борарди. Посёлкада яширинмай чопиб кетди, тақа-тақ ёпилган эшикни тақиллатди:

— Ўртоқ комендан!.. Ўртоқ старшина!..

Ниҳоят эшик очилди, галифе шимда, яланг оёғига шиппак илиб олган Ваксов бамазий ичкўйлакда осто-нада кўринди. Уйқу қочмаган кўзлари пирпиради.

— Нима?

— Ўрмонда немислар!..

— Хўш... — Федот Евграфич майнавозчилик қиляпти шекилли деб ўйлаб, ишонқирамай кўзларини қисди.— Қаердан билдинг?

— Ўзим кўрдим. Иккита. Автомати бор, маскировка халатида.

Йўқ, алдаётганга ўхшамайди. Кўзларида қўрқув бор...

— Шу ерда туратур.

Старшина ўзини уйга урди. Ёнгин чиққандек шошилиб этигини, гимнастёркасини кийди.

— Нима гап, Федот Евграфич?— деб сўради бека қўрқиб.

— Ҳеч нарса. Сизга алоқаси йўқ.

Тўппонча осиғлиқ камарини боғлаётиб, кўчага югуrdи. Осянина жойидан қимиirlамай, этигини ҳамон елкасидан олмай тураиди. Старшина беихтиёр унинг оёғига қаради: ҳўл, қизарив кетибди, бош бармогига хазон ёпишиб қолибди. Демак, ўрмонда яланг оёқ юрибди, этигини елкасига осиб олибди. Ҳозир, демак, шунақа жанг қилишаркан-да.

— Команда бер — ҳамма қуролини олсин: жанго-вср тревога. Киръянова ҳузуримга келсин. Тез!..

Икки томонга югуриб кетишди: қиз — ўт ўчирувчиilar саройига, у эса — темир йўл будкасига, телефонга. Ишқилиб алоқа узилмаган бўлсин-да...

— «Қарагай», «Қарагай!..» Ҳа, онангни эмгур... Ё ухлашяпти, ё бузилган... «Қарагай!..», «Қарагай!..» Ҳу сени!..

Таъсир қилди!..

— «Қарагай» эшитади.

— Ҳун еттинчи гапирияпти. Учинчини ула! Тез бўл, ЧП!

— Улайпман, бақирма. ЧП эмиш...

Трубкада нимадир узоқ шитирлади, хириллади, кейин узоқдан эшитилган овоз сўради:

— Ваксов, сенмисан? Нима бўлди?

— Худди шундай, ўртоқ Учинчи. Ўрмонда, бизга яқин жойда немислар. Бугун пайдо бўлишди, икки киши...

— Ким кўрди?

— Кичик сержант Осянина...

Киръянова кирди: пилоткаси йўқ. Зиёфатга келгандек бош иргаб сўрашди.

— Мен тревога кўтардим, ўртоқ Учинчи. Ўрмонни титкилаб чиқмоқчиман...

— Титкилашга шошилма, Ваксов. Ўйлаб кўриш керак: объектни қаровсиз қолдирсак — бошимизни силашмайди. Немисларингни афти-башараси қанақа ўзи?

— Айтишларича, маскхалатда, автоматлари бор. Разведка...

— Разведка дейсанми? Улар нимани развелка қиласди? Бека билан қучоқлашиб ётишингними?

Шунаقا, ҳамиша Ваксов айборд. Ҳамма заҳрини Ваксовга сочади.

— Нега индамайсан, Ваксов? Нималарни ўйлайпсан?

— Уларни тутиш керак, ўртоқ Учинчи. Узоққа кетмай туриб тутиш керак.

— Тўғри ўйлабсан. Командадан беш кишини олгин-да, ҳали изи ўчмасидан орқасидан жўна. Киръянова ўша ердами?

— Шу ерда, ўртоқ...

— Трубкани унга бер.

Киръянова гапни қисқа қилди: икки марта «Эштаман», деди-ю, беш марта бош иргади. Трубкани жойига қўйиб, гаплашиб бўлдик, дегандек, босиб қўйди.

— Сизнинг ихтиёрингизга беш киши ажратиш буюрилди.

— Менга анави немисларни кўрганни бер.

— Осянина бошлиқ бўлиб боради.

— Жуда соз, одамлар саф бўлсин.

— Саф қилинган, ўртоқ старшина.

Шу ҳам саф бўлди-ю. Бирининг сочи худди ёлдек белига тушиб турибди, бошқасининг бошида қанақа-

дир қоғозлар. Жангчилар эмиш!.. Бунақалар билан ўрмонни титиб, автоматли немисларни тутишнинг ўзи бўладими!..

Уларнинг қўлларида эса 1891—1930 йилги намуна асосида тайёрланган қадрдан милтиқ.

— Вольно.

— Женя, Галя, Лиза...

Старшинанинг афти бурушди:

— Осянина, тўхтанг! Балиқ тутгани эмас, немисларни ушлагани кетяпмиз. Жилла қурса отишни била-диганларни...

— Билишади.

Васков, билганингни қил, деб қўл силтамоқчи бўлди-ю, ўзини тутиб қолди:

— Яна бир гап. Балки бирортангиз немисча биларсиз?

— Мен биламан.

Сафдан чийиллаган овоз эшитилди. Федот Евграфич жуда хафа бўлиб кетди:

— Мени нимаси? Мен дегани нимаси? Доклад қилиш керак.

— Жангчи Гурвич.

— Ох-xo-xo... Қўлингни кўтар дегани, уларнинг тилида қандай бўлади?

— Хенде хоҳ.

— Тўғри,— старшина ниҳоят қўл силтади.— Ут бу ёқса, Гурвич...

Бештаси саф бўлди. Болалардек жиддий, лекин ҳозирча чеҳраларида қўрқув сезилмасди.

— Икки кунга кетяпмиз, менинг мўлжалим шундай. Қуруқ паёқ, беш обоймадан ўқ олинсии. Тартибга солинглар ўзларингни... Яъни тўйиб овқатланинг, пой-афзални одамлардек кийинг, ўзларингга қаранглар, тайёрланинглар. Ҳаммасига қирқ минут вақт бераман. Тарқал!.. Киръянова, Осянина, мен билан юринглар.

Жангчилар нонушта қилиб, сафарга тайёрланишашётганда старшина сержантларни уйига кенгашга олиб кетди. Хайриятки, бека қаёққадир чиқиб кетибди. Лекин ўринни йигиб қўйманти, иккита ёстиқ ёнма-ён турибди... Федот Евграфич сержантларни шўрва билан меҳмон қилди ва эски, букилган жойлари титилиб кетган уч верстли харитани кўздан кечирди.

— Демак, манави йўлда учратибсан-да?

— Мана бу ерда,— Осянинанинг бармоғи харитага енгил тегди.— Ёнимдан катта йўл томонга ўтиб кетишиди.

— Йўл томонга?... Эрталаб соат тўртда сен ўрмонда нима қилиб юргандинг?

Осянина жавоб бермади.

— Шунчаки, ҳожатга чиққан,— деди Кирьянова старшинага қарамай.

— Ҳожатга?— Вакковнинг жаҳли чиқди: шунақаям ёлгон гапиришадими!— Бунинг учун шахсан ўзим ҳожатхона қуриб берганман. Ёки унга сифмаяпсизларми?

Иккаласи хўмрайиб туришарди.

— Биласизми, ўртоқ старшина, шунақа нарсалар борки, хотин кишининг уларга жавоб бериши шарт эмас,— деди яна Кирьянова.

— Бу ерда хотин киши йўқ!..— бақирди комендант. Ҳатто кафти билан столни енгил шапатилади.— Йўқ! Бу ерда жангчилар ва командирлар бор, тушунарлими? Уруш кетяпти, уруш тугамагунча ҳаммамиз, эркак ҳам, хотин ҳам эмас, ўрта жинс бўлиб юрамиз..

— Шунинг учун ўрнингиз ҳалигача йиғиштирилмай турган экан да, ўртоқ ўрта жинс старшина...

Оҳ, бу Кирьянова, заҳарнинг ўзи. Бир сўз билан айтганда тикан қадалади қолади.

— Катта йўлга кетишиди, дедингми?

— Катта йўл томонга...

— Йўлда нима қилишади: у ерда фин урушидаёқ икки томондаги ўрмонни кесиб ташлашган, у ерда дарров қўлга туширишади. Йўқ, кичик командир ўртоқлар, уларни катта йўл қизиқтирмайди... Сизлар шўрвани ичаверинглар, ичинглар.

— У ерда — бутазор ва туманда менга шундай туулгандир,— деди Осянина.

— Туюлган бўлса, чўқиниш керак эди,— деб тўчифиллади комендант.— Тугунлари бор эди, деганмидинг?

— Ҳа. Оғир бўлса керак, ўнг қўлларида кўтариб кетишарди, яхшилаб, пухта боғланган.

Старшина маҳорка ўраб чекди, у ёқдан-бу ёққа юрди. Унга бирдан ҳаммаси равшан бўлди, шунчалик равшан бўлдики, ҳатто ўзи уялиб кетди:

— Фикримча, улар тол олиб кетишяпти. Агар қўл-

ларидаги тол бўлса маршрутлари катта йўл эмас, балки темир йўл. Демак Киров темир йўлига.

— Киров темир йўли яқин эмас,— деди Кирьянова ишонқирамай.

— Узоқ бўлгани билан ўрмон орқали борилади. Бу ердаги ўрмонлар эса бепоён: иккита одам эмас, бутун армия яширинса ҳам бўлаверади.

— Ундаи бўлса....— Осянина ҳаяжонлана бошлади.— Ундаи бўлса, темир йўлдаги соқчиларга хабар қилиш керак.

— Кирьянова хабар қиласди,— деди Вассков.— Мен ҳар куни соат йигирма учда гаплашаман. Менинг номерим «17». Осянина, сен овқатингни е, еявер. Кун бўйи юришга тўғри келади...

Қирқ минутдан сўнг қидириув группаси саф тортди, лекин бир ярим соатдан кейин йўлга чиқди, чунки старшина қаттиққўл ва инжиқ эди:

— Ҳамма этигини ечсин!..

Худди ўйлаганидек: ярмиси юпқа пайпоқда, ярмиси пайтавани сочиқдек ўраб олган. Бунақа этикда кўп жанг қилолмайсан, нега деганда, бу жангчилар уч километр юришлари биланоқ оёқлари шилиниб кетади. Майли, ҳеч бўлмаса уларнинг командири сержант Осянина пайтавани тўғри ўрабди. Нега энди бошқаларга ўргатмайди?..

Пайтавани қандай ўрашни ўттиз минут ўргатди. Яна ярим соат милтиқларни тозалашга мажбур қилди. Кўз ёши қилишмадими, шунисига шукур, отишга тўғри келганда нима бўларкин?..

Сўнгги ярим соатни старшина кичик лекцияга бағишилади. Унинг фикрича, лекция жангчиларга ишнинг моҳиятини тушунтириши керак эди:

— Душмандан қўрқманглар! У бизнинг ичкари мизда юрипти, демак ўзи қўрқади. Лекин яқин келишига йўл қўйманг, чунки душман бақувват эр киши ва яқин масофада жанг қилиш учун маҳсус қуролланган. Агар у яқин келиб қолса, яхшиси пусиб олинг. Фақат қочманг, худо сақласин, қочиб кетаётганни автоматдан отиш — роҳатнинг ўзи. Доим жуфт бўлиб юринг. Йўлда орқада қолинмасин, гаплашилмасин! Агар йўлга дуч келсак, қандай ҳаракат қилиш керак?

— Биламиз,— деди малла қиз.— Биттамиз чапдан, биттамиз ўнгдан.

— Яширин ҳолда,— Федот Евграфич аниқлик киритди.— Йўл юриш тартиби мана бундай: олдинда кичик сержант ва бир жангчи бош дозор бўлиб боради. Улардан юз метрча орқада асосий куч: мен...— у отрядга назар солди,— таржимон билан бораман. Бизнинг орқамиздан юз метрча нарида сўнгги жуфт юради. Ёнма-ён эмас, кўриниш масофасида юриш керак. Душманга ёки бирор тушуниб бўлмайдиган нарсага дуч келинса... Ким ҳайвон ёки қушга ўхшаб товуш чиқара олади?

Қизлар хиринглаб қулишди, тентаклар...

— Мен жиддий сўраяпман! Ўрмонда овоз чиқариб сигнал бериб бўлмайди: немиснинг ҳам қулоги бор.

Жим бўлиб қолишиди.

— Мен биламаи,— деди Гурвич ийманибгина.— Эшакка ўхшаб ҳанграшни: И-а! И-а!..

— Бу ерларда эшак бўлмайди,— деди старшина норози бўлиб.— Майли, ўрдакка ўхшаб ғақиллашни ўрганинглар.

Ўзи ғақиллаб кўрсатди, қизлар эса кулиб юборишиди. Нима учун қулишаётганини Ваксов тушунмади, аммо ўзи ҳам кулгисини тиёлмади.

— Нар ўрдак модасини шунаقا чақиради,— тушунтириди у.— Қани, ғаққиллаб кўринглар-чи.

Мамнуният билан ғақиллашди. Айниқса ҳалигиmallаси, Евгения (гўзал қиз, уни севиб қолишдан худонинг ўзи асрасин, гўзал!) кўпроқ уринди. Лекин, равшанки, Осянина яхшироқ ўхшатди: қобилиятлига ўхшайди. Яна бири, Лизамиди, у ҳам ўхшатди. Гавдали, биққи қиз, елкаси кенгми ёки белидан пастроғими — билиб бўлмайди. Ўрдакқа жуда ўхшатди. Умуман, чаккимас, бунақаси ҳамиша асқотади: соғлом, ҳатто ер ҳайдаса ҳам бўлади. У шаҳарлик нозик-ниҳол Галя билан таржимон Соня Гурвичга сира ўхшамайди.

— Вопъ-кўлга жўнаймиз. Бу ёққа қаранглар,— ҳарита устига тўпланишди, бир-бирининг елкасига, қулоғига нафаслари тегиб турибди; кулгили.— Немислар темир йўлга борищаётган бўлса, уларнинг кўл ёнидан ўтмай иложи йўқ. Яқин йўлни эса билишмайди: демак, у ерга биз улардан олдин етиб борамиз. У ергача йигирма чақирим — тушда етиб борамиз. Кутуб олишга тайёрланиб ҳам улгуромиз, нега десангиз, немислар

айланиб, бунинг устига яшириниб эллик чақирим юришади. Ҳаммаси тушунарлими, ўртоқ жангчилар?

Унинг жангчилари жиддийлашиши:

— Тушунарли...

Улар ўзларини офтобга солиб ётишса-ю, самолётларга қараб отишса — ана шу уруш...

— Кичик сержант Осянина, олинган овқатларни текширинг, сафарга тайёрланинг! Ўн беш минутдан кейин йўлга чиқамиз.

Жангчиларни ёлғиз қолдирди: уйга кириб чиқиши керак. Бекага бундан олдин халтани тўлдиришни топширган, яна баъзи нарсаларни олиш зарур эди. Немислар — баджаҳл, жангари, карикатурадагина уларни дасталаб савалашаётгани тасвирланади. Шунинг учун пухта тайёрланиш лозим эди.

Мария Никифоровна айтган нарсасини тайёрлаб қўйган экан, ҳатто айтмаганини ҳам бажарибди: халтага ёғ, дудланган балиқ солиб қўйибди. Буни кўриб сўкмоқчи бўлди-ю, фикридан қайтди: озчилик эмас улар, тўйга тўплангандек кўпчилик: халтага милтиқ ва тўппонча учун кўпроқ ўқ солди, иккита граната ҳам қўшиб қўйди: нима бўлишини худо билади! Бека қўрқиб жим қараб турарди: кўзлари жиққа ёш. Үрнидан қимирламаса ҳам, бутун вужуди билан унга интилардики, Васков ўзини тутолмади: қўлини унинг бошига қўйди:

— Эртадан кейин қайтиб келаман. Жуда ушланиб қолсак, чоршанба куни қайтамиз.

Бека йиглаб юборди. Эҳ, хотинлар, хотинлар, бебаҳт халқизлар! Эркаклар учун-ку, бу уруш ортиқча матоҳ, сизларга эса...

Қишлоқ четига чиққач гвардиясига назар ташлади: милтиқлар қўндоғи ерга тегай-тегай деб келяпти. Қизлар қўлига милтиқ олибдики, демак фашист Россиянинг чакана жаҳлини чиқармабди. Парадга чиқиша ёки ярадорларни боғлашга бўлса майли эди-я! Бу кўкракларни ўқ парчалаб ташласа-чи, унда қандай бўлади?..

Васков хўрсинди.

— Тайёрмисизлар?

— Тайёрмиз,— деди Рита.

— Операция тугагунча кичик сержант Осянинани ўзимга ўринбосар қилиб тайинлайман. Сигналларни

эслатиб қўяй: икки марта ғаққиллаш.— диққат, душманни кўряпман, дегани. Уч марта ғаққиллаш ҳамма менинг олдимга; дегани.

Қизлар кулиб юбориши. У эса атайлаб, уларни кулдириш учун, улар дадилроқ бўлишлари учун икки марта ғаққиллаш, уч марта ғаққиллаш ҳақида гапирган эди.

— Бош дозор, бошла!

Йўлга чиқишиди.

Олдинда Осянина семиз қиз билан. Ваксов улар буталар орасида ғойиб бўлгунча кутиб турди, ичида юзгача санади-да, уларнинг орқасидан юрди. Милтиқ, халта, ўралган шинел ва йўл халта остида қамишдек эгилган таржимон унинг ёнида борарди.

#### 4

Воль-кўлгача бориладиган йўлдан Ваксов хотиржам эди: немислар у ёқقا йўлни билмасликлари турган гап, чунки бу йўлни фин урушида ўзи топган. Ҳамма хариталарда бу ер ботқоқ сифатида тасвирланган, демак немислар битта йўлни билишади: ўрмон ичидан айланиб ўтиб, кейин кўлга, Синюхин қояларига чиқишиди, улар бу қояларни четлаб ўтишолмайди. Унинг жангчилари қандай юришмасин, қанчалик имиллашмасин — немислар улардан кўпроқ йўл босишлиари керак. Душман фақат кечқурун етиб боради, унгача у ҳамма йўлларни тўсиб қўяди. Қизларини тошлар орқасига ишончлироқ яшириб, дадил бўлиш учун ўқ узади-да, немислар билан гаплашиб қўяди. Ҳеч бўлмас: биттасини ўлдириш мумкин, Ваксов немис билан яккама якка олишишдан қўрқмасди.

Унинг жангчилари дадил ва шароитга тўла муовофиқ йўл босишаарди: комендант ўзаро гапларни ва кулгини эшитмади. Улар йўлни қанчалик куатиб бораётганликларини билмас, ўзи эса айиқ овига чиққандек оёғи остига қараб борарди. Шунинг учун билинрабилинмас бегона изни кўриб қолди. Бу из қирқ тўртингчи размерли ботинка изи эди. Федот Евграфич бу бўйинки метр, оғирлиги олти пуддан ортиқроқ барзангининг изи, деган хулосага келди. Албатта қизлар қуролланган бўлишига қарамай, бундай барзангি билан

юзма-юз келишига ҳеч йўл қўйиб бўлмайди, лекин старшина кўп ўтмай яна бир изни топди. У ҳар иккала изга қараб, немислар ботқоқни айланиб ўтаётганликларини фаҳмлади. Ҳаммаси у ўйлаганча бўлаётган эди.

— Немисвойлар роса лўкиллашади,— деди у шеригига.— Росаям лўкиллашади, қирқ чақирилча.

Таржимон ҳеч нарса демади, чунки жуда чарчаган, ҳатто милтиқ қўндоғи ерда судралиб келарди. Старшина унга бир неча марта қаради. Узунчоқ, хунук, лекин ғоят жиддий юзига разм соларкан, ҳозирги эркаклар камчил вақтда бу бечора оила нималигини билмай ўтади, деб ачиниш билан ўйлади ва тўсатдан сўради:

— Ота-онанг тирикми? Ёки етиммисан?

— Етим?..— у табассум қилди.— Биласизми нима, етим бўлсан керак.

— Нима, ўзинг ишонмайсанми?

— Ҳозир ким аниқ айта олади, ўртоқ старшина?

— Рост айтасан...

— Ота-онам Минскда.— Ориқ елкасини силкитиб, милтиқни тўғрилаб олди.— Мен Москвада ўқирдим, сессияга тайёрланаётган эдим, бирдан...

— Бирор хабар борми?

— Қаёқдан келсин...

— Ҳа...— Федот Евграфич яна разм солди, хафа қилиб қўймасмикинман, деб ўйлади.— Ота-онанг яҳудийми?

— Табиий.

— Табиий...— Комендант жаҳл билан пишиллади,— табиий бўлганда эди, сўрамаган бўлардим.

Таржимон жим бўлиб қолди. Ҳўл ўтларни керза этиги билан босиб борар, қовоғи солиқ эди. Оҳиста ҳўрсинди:

— Балки чиқиб кетишга улгуришгандир...

Бу ҳўрсиниш Ваксов қалбини тилиб юборди. Эҳ, нимжонгина миттивой-е, бу ғамларни нозик елкала-ринг кўтара олармикин? Қани энди ҳозир бир сўкинса, бу урушни болохонадор қилиб боплаб сўкса, бир оз енгиллашармиди? Бунинг ўрнига зўрма-зўраки, ясама кулиш керак:

— Қани, жангчи Гурвич, уч марта ғаққилла!

— Нимага?

— Жанговар тайёргарликни текшириш учун.  
Хўш? Қандай ўргатганим эсингдан чиқдими?

Дарров қизнинг юзига табассум югурди. Кўзлари чарақлаб кетди.

— Йўқ, унугтаним йўқ!

Ғаққилаш сираям ўхшамади, эрмакнинг ўзи. Худди театрдагидек. Лекин бош дозор орқадаги звено нима гаплигини тушуниб, тезда яқинлаши.

Осянина эса милтигини қўлига олиб югуриб келди:

— Нима гап?

— Бир нарса юз берганда, сизларни ҳозир нариги дунёда фаришталар кутиб олишаётган бўларди.— Жаҳл билан деди сержант.— Бузоқдек думларини хода қилиб, шаталоқ отиб келишяпти-я.

Осянина ранжиганидан ловлагидек қизариб кетди.  
Нима қилсан — ўргатиши керак-да.

— Чарчадиларингми?

— Қаёқда!— деди малла қиз. Унинг Осянина ўчун хафа бўлгани шундоқ сезилиб турибди.

— Унда, жуда яхши,— деди Федот Евграфич юмшаб.— Йўлда нимани кўрдиларинг? Навбати билан тапириングлар: кичик сержант Осянина, бошла.

— Айтарли ҳеч нарса...— Рита тутилиб қолди.— Бурилишда битта шох синибди.

— Яшавор, тўғри. Қани, орқадагилар. Жангчи Ко-мелькова.

— Ҳеч нарса сезганим йўқ, ҳаммаси жойида.

— Буталардаги шудринг тўкилган,— деди бирдан шошилиб Лиза Бричкина.— Ўнг томондагида тўкилмаган, чап томондагида тўкилган.

— Кўзинг жуда ўткир экан!— мамнун бўлиб деди старшина.— Қизил аскар Бричкина, қойил. Яна йўлда иккита из бор. Немис резина ботинкасининг изи, уларнинг десантчилари шунача ботинка кийишади. Изига қараганда, улар ботқоқни айланаб ўтишмоқчи. Майли, айланаверишсиз, чунки биз ботқоқни тўғри ке-сиб ўтамиз. Ҳозир ўн беш минут чекиб олишга, ёзи-лишга...

У ножёя гап айтгандай қизлар қиқирлаб кулишди. Команда эса шунача, уставда шундай ёзиб қўйилган. Ваксовнинг қовоғи солинди:

— Шақилламанглар! Тарқалиб кетманглар. Бўлди!..

Юк халталарни қаерга, скаткаларни қаерга, милиционерларни қаерга қўйишини кўрсатди ва қўшинини ўз ҳолига қўйиб юборди. Ҳаммалари бараварига сичқондек буталар орасига югуришди.

Старшина болтачасини олиб, қуриб қолган дарахтлардан олтита узун таёқ кесиб олди, шундан кейингина юклар ёнига ўтириб чекди. Кўп ўтмай ҳамма шу ерга тўпланди: бир-бирига қараб шивирлашиш бошланди.

— Ҳозир ҳушёр бўлиш керак,— деди комендант.— Мен йўл бошлайман, сизлар эса орқамдан, фақат изма-из юрасизлар. Бу ерда чапда ҳам, ўнгда ҳам ўпқон: дод дейишга ҳам улгурмайсан — тортиб кетади. Ҳар ким биттадан таёқ олади, қадам қўйишдан олдин тубини асо билан текшириб кўради. Саволлар борми?

Бу гал савол беришмади: малла қиз бошини бир силкитди-ю, кейин фикридан қайтди. Старшина ўрнидан туриб, папирос қолдигини мох устига ташлаб, оёғи билан эзди.

— Хўш, ким кучли?

— Нимайди? — иккиланиб сўради Лиза Бричкина.

— Жангчи Бричкина таржимоннинг сафар халтасини кўтариб олади.

— Нимага?.. — чийиллади Гурвич.

— Нимагаки, бу ҳақда сўралмайди!.. Комелькова!

— Мен.

— Қизил аскар Четвертакнинг қопини олинг.

— Чоракжон, бир йўла милтиғингни ҳам берақол...

— Гаплар тўхтатилсин! Айтганимни қилинглар: шахсий қуролларни ҳар ким ўзи кўтаради...

Ундаи қилма, бундай қилма, деб бақириб, кейин ўзи хафа бўларди. Бақириган билан онгли ҳаракатга әришиб бўладими? Хириллаб қолсанг ҳам иш битмайди. Аммо кўп гапирадиган бўлиб қолишиди. Чуғурлашибапти. Валақлаш эса, ҳарбий киши учун биқининг найза санчилгандек гап. Худди шунаقا...

— Такрорлайман, демак, адашилмасин! Тўғри менинг орқамдан юринглар! Қадамингизни олдинда бораётганинг изига қўйинглар! Асони суқиб кўринг..

— Савол берсам мумкинми?

Вой худо ,сабр қилишодмайди-я.

— Нима демоқчисиз, жангчи Комелькова?

— Асо деганингиз нима? Таёқми?

Малла қиз тентаклик қиласпти, кўзидан кўриниб турибди. Хавфли кўзлар, ўпқоннинг ўзи.

- Қўлингиздаги нима?
- Қанақадир ёғоч...
- Ўша асо бўлади, Тушунарлимни?
- Энди равшан бўлди. Даль.
- Яна қанақа даль?
- Шунақа лугат бор, ўртоқ старшина.
- Евгения, жим бўл! — бақирди Осянина.

— Хўш, йўлимиз хавфли. Бу ерда ҳазил кетмайди. Юриш тартиби: мен олдинда, мёндан кейин — Гурвич, Бричкина, Комелькова, Четвертак, кичик сержант Осянина энг орқада боради. Саволлар борми?

- Чуқур эмасми?

Четвертак қизиқяпти. Бу тушунарли, бу пакана қизга ариқ ҳам сой бўлиб кўринади.

— Баъзи жойлари... ҳалиги, анави ерингизгача... сизнинг белингизгача келади. Милтиқни авайланг.

Биринчи қадам қўйишидаёқ тиззасигача сувга ботди. Упқон шалоплади. Пружинали матрац устида юргандек чайқалиб кета бошлади. У орқасига қарамай борар, хўрсиниш ва қўрқиб шивирлашлардан отряди қандай ҳаракат қилаётганини билиб турарди.

Димиққан нам ҳаво ботқоқ устини қоплаб олганди. Терга ботган кишилар устида қайсар баҳор чивинлари булуутдай учарди. Бўрсиган ўт-ўлан, чириётган сув ўтлари ва ботқоқ ҳиди анқирди.

Қизлар бутун оғирликлари билан таёққа таяниб, тортиб кетаётган совуқ ботқоқдан оёқларини зўрга сутуриб олишарди. Ҳўл юбкалар сонларига ёпишиб қолар, милтиқларининг қўндоғи лойда судраларди. Ҳар бир қадам катта куч талаб қиласарди, шунинг учун старшина нимжон Галя Четвертакнинг қадамига мослаб секин борарди.

У намлиқдан қийшайиб ўсган пастаккина иккита қарагай кўринаётган оролни мўлжаллаб борарди. Комендант қарагайлар оралиғидан кўринаётган қуриган оқ қайниндан кўзини узмасди, чунки чапда ҳам, ўнгда ҳам кечув йўқ эди.

- Ўртоқ старшина!..

Ху, жин урсин!.. Комендент таёқни қаттиқроқ ботириб, қийинчилик билан орқасига ўгирилди: худди ўйлаганидек, отряд чўзилиб, тўхтаб қолибди.

— Бир ерда турманглар! Турманглар, тортиб кетади!

— Ўртоқ старшина, этигим оёғимдан чиқиб кетди!..

Четвертак энг орқадан қичқирди. Қоққан қозиқдек қақайиб турибди: юбаси ҳам кўринмайди. Осянина яқинлашиб, унга кўмаклашди. Таёқни ўпқонга тиқишияти: этикни қидиришаётни шекилли?

— Топдингми?

— Йўқ...

Комелькова таёқни сугуриб, ёнига чайқалиб кетди. Яхшиямки у буни вақтида кўриб қолди. Шундай бақирдики, пешонасидаги томирлари ўйнаб кетди.

— Қаёққа?! Қимирлама!..

— Мен ёрдамга...

— Жойингда тур!.. Орқага йўл йўқ!..

Вой худо, булар билан ҳамма нарсани чалкаштириб юборасан: гоҳ тўхтама деб бақирсанг, гоҳ қимирлама деб буюрасан. Қўрқиб кетиб, ваҳимага тушишмаса бўлгани. Ботқоқда ваҳимага тушиш — ўлимнинг ўзи.

— Шошилманглар, фақат шошилманглар! Оролга-ча арзимаган йўл қолди: у ерда дам оламиз. Этикни топдиларингми?

— Йўқ!.. Пастга тортиб кетяпти, ўртоқ старшина!

— Юриш керак! Бу ер балчиқ, узоқ туролмаймиз.

— Этик нима бўлади?

— Энди уни топиб бўлармиди? Олга!.. Менинг кетимдан олга!..— Угирилди-ю, орқасига қарамай юриб кетди.— Изма-из юрилсин! Орқада қолинмасин!..

Қизлар ўзларини дадилроқ сезишлари учун у атайн бақиради. Буйруқдан жангчиларда дадиллик пайдо бўлади; буни у ўз тажрибасидан билади. Худди шундай.

Ниҳоят оролга етиб олишди. У сўнгги метрларда жудаям қўрқди: у ер чуқурроқ әди. Оёғингни сугуриб ололмайсан, бу лаънати ботқоқ бўтқасини тананг билан ёриб ўтишга тўғри келади. Бу ерда куч ҳам керак, эпчиллик ҳам. Энди ҳаммаси ортда қолди.

Тик туриш мумкин бўлган оролчада Ваксов тўхтади. Бутун командасини олдинга ўтказиб, қаттиқ ерга чиқишига ёрдамлашди.

— Фақат шошилманглар. Хотиржамлик бўлсин. Шу ерда дам оламиз.

Қизлар оролга чиқиб, ўтган йилги чириган ўтлар устига чўзилишди. Улар шалаббо бўлишган, лойга беланишган, зўрга нафас олишарди. Четвертак этигининга эмас, пайтавасини ҳам ботқоққа совға қилиб, пайпоқда чиқди. Йиртигидан бош бармоғи чиқиб турибди, совуқдан кўкариб кетган.

— Хўш, ўртоқ жангчилар, чарчадиларингми?

Жангчилар индацмади. Фақат Лиза бош иргади:

— Чарчадик...

— Ундай бўлса, ҳозирча дам олинглар. Бу ёги осонроқ бўлади: қуриган оқ қайинга етиб олсак — та мом.

— Биз ювениб олсак бўларди,— деди Рита...

— Нариги томонда шахобча тоза, қирғоқ ҳам қумлоқ. Чўмилсанглар ҳам бўлаверади. Қийимларни эса йўл-йўлакай қуритишга тўғри келади.

Четвертак хўрсиниб, ботинқирамай сўради:

— Мен этиксиз нима қиласман?

— Сенга шайтон кавуш тўқиб берамиз.— Федот Евграфич табассум қилди.— Фақат ботқоқдан ўтгандан кейин, бу ерда эмас. Чидайсанми?

— Чидайман.

— Лапашангсан, Галка!— жаҳл билан деди Ко мелькова.— Оёғингни суғураётганингда бармоқларингни тепага қайиришинг керак эди.

— Қайирдим, барибир ечилиб қолди...

— Совуқ, қизлар.

— Суяк-суягимгача музлаб кетганга ўхшайди...

— Нима, менинг қийимларим қуруқми? Қоқилиб кетиб, ўтириб қолсам бўладими!..

Кулишяпти. Демак, унчалик чарчашмаган, ўзларига келиб қолишиди. Аёл бўлишса-да ҳали ёш улар, жуда бақувват бўлишмаса ҳам ҳар ҳолда кучлари бор. Сув совуқ, бетоб бўлиб қолишмаса эди.

Федот Евграфич маҳоркасини яна бир тортиб, қолдигини ботқоққа иргитди, ўрнидан туриб, бардам гапирди:

— Қани, ўртоқ жангчилар, таёқларни олинглар. Олдинги тартибда — менинг орқамдан юрасизлар. Нариги қирғоқда ювениб, исиниб оламиз.

Шундай деб тўнкадан тўғри қўнғир ботқоққа сакраб тушди.

Бу сўнгги кечув ҳам жаҳаннамнинг ўзи әди, худо кўрсатмасин. Суюқ бўтқа: оёқ қўйсанг кўтармайди, сузиб ҳам ўтолмайсан. Олдинга юриш учун ёриб ўтгунингча терга пишиб кетасан.

— Қандай, ўртоқлар?

У қизларнинг руҳини кўтариш учун орқасига қарамай қичқирди.

— Зулук борми бу ерда? — Гурвич нафаси тиқилиб сўради.

— Бу ерда ҳеч нарса йўқ. Фалокатли, хатарли жой.

Чандан пуфак бўртиб чиқиб, ёрилди-ю, ботқоқ бирдан бўғиқ нафас олгандек бўлди. Орқада кимдир қўрқиб «вой» деб юборди, Ваксов тушунтирди:

— Қўрқманглар, ботқоқ гази чиқяпти. Биз қўзғатиб қўйдик... — Бир оз ўйлаб туриб, кейин илова қилди: — Кексаларнинг айтишича, худди шунаقا жойда ботқоқ хўжайнини — жин яшармиш. Бу эртак, албатта...

Гвардияси жим. Пишиллашади, «вой»лашади, нафаслари тиқилади, лекин олдинга юришяпти. Қайсарлик билан, жаҳл билан олға юришяпти.

Йўл анча енгиллашди: балчиқ суюқроқ, туби қаттиқроқ жойга келишди, ҳатто ҳар жой-ҳар жойда дўнглик кўрина бошлади. Старшина атайлаб юришни тезлатмади, отряд гужроқ бўлиб қолди, энди улар бирбирининг кетидан келишарди. Оқ қайин олдига деярли баравар чиқиши: бу ёғида ўрмон бошланар, дўнгликлар, моҳзорлардан иборат әди. Бу ердан ўтиш араимаган ишдек әди, бунинг устига тупроқ борган сари кўтарилиб, аста-секин қуруқ оқ тупроқли қарагайзорга айланарди. Бу ерда улар бараварига чуғурлай кетишиди, севиниб, таёқларни отиб юборишиди. Аммо Федот Евграфич таёқларни тўплаб, бирорта қарагайга суюб қўйишни буюрди.

— Бирор кишига асқотиб қолар.

Бир минут ҳам дам олдирмади. Ҳатто оёқ яланг Галя Четвертакка ҳам раҳми келмади.

— Ўртоқ қизил аскарлар, яна жиндек вўр берсак бўлгани. Сой бўйида дам оламиз.

Тепаликка кўтарилишгач, қарагайлар орасидан сой кўринди. Суви кўз ёшидек тиниқ, олтин қумли қирғоқ.

— Ура!.. — бақирди малла Женъка.— Чўмиладиган жой, қизлар!

Қизлар нималардир деб шўх қийқиришиб, йўл-йўлакай юкларини, скаткаларини ташлаб, ёнбағирликдан сой томон югуришди.

— Тўхта!.. — буюрди коменданктар.— Смирно!..

Ҳаммаси баравар қотиб қолишиди. Ажабланиб, ҳатто хафа бўлиб қараб туришарди.

— Қум! — жаҳл билан давом этди старшина.— Сизлар эса қум устига милтиқни ташлаяпсизлар, аскарлар. Милтиқлар дараҳтга суяб қўйилсин, тушунарлими? Халталар, скаткалар бир жойга қўйилсин! Ювениб-таранишга қирқ минут вақт бераман. Мен буталар орқасида, овоз эшитиладиган масофада бўламан. Сиз, кичик сержант Осянина, тартиб-интизом учун жавобгарсиз.

— Хўп бўлади, ўртоқ старшина!

— Гап тамом. Қирқ минутдан кейин ҳамма тайёр бўлсин. Ювениб, кийинган бўлсин.

Пастроқ тушиб, туби қумлоқ ва чуқурроқ, буталарга яқинроқ жойни танлади. Юкларини қўйиб, ечинди.

Қаердадир қизлар чуғурлашар, нима деяётганларини аниқлаб бўлмас, Ваксовга айрим сўзлар ва кулгинана эшитиларди. Балки шунинг учунми у ҳамиша қулоқ солиб турарди.

Федот Евграфич аввал галифесини, пайтаваси вачич кийимларини ювиб, қўлидан келганча сиқди, қуритиш учун бута устига ёйиб қўйди. Кейин баданига совун суриб, хўрсиниб, қирғоқда ўзини шайлаб, у ёқдан-бу ёққа юра бошлади, сўнг қирғоқдан чуқурга сакради. Сув юзинга сузиб чиқди-ю, нафас ололмай қолди: муздек сув юрагини қисиб қўйганди. Овозининг борича бақиргиси келди-ю, гвардиясини чўчитиб юборишдан қўрқди; деярли шивирлаб, ўрдакчасига ғаққиллади. Баданидаги совунни ювиб, қирғоққа чиқди. Дағал сочиқ билан баданини қизаргунча артгандан кейингина енгил нафас олди ва яна қулоқ сола бошлади.

У ерда эса аёллар йингинидагидек, ҳаммаси бараварига ўз гапини маъқуллаб шовқин кўтаришарди. Фақат баравар қулишар, Четвертақ қувонч билан қичқи-парди:

— Вой Женечка,вой Женечка!..

— Фақат олға!..— деб бақирди бирдан Комелькова ва старшина буталар орқасида кимдир ўзини сувга шалоплатиб ташлаганини эшитди.

«Уни қара, чўмилишяпти...»— меҳр билан ўйлади у.

Шодон қийқириқ бирдан ҳамма овозларни босиб кетди. Яхшиямки, немислар узоқда. Аввал бу қийқириқдан ҳеч нарса билиб бўлмади, кейин Осянина қаттиқ қичқирди:

— Евгения, қирғоқча чиқ!.. Дарров!..

Федот Евграфич кулиб, махоркани йўғон қилиб ўради, «катюша»ни чақмоқтошга уриб, тутай бошлиган пиликдан ёндириб, илиқ май қуёшига ялангоч елкасини тутиб, шошилмай, роҳат қилиб чека бошлади.

Равшанки, қирқ минут ичидаги ҳеч нарса қуриб ултумади, лекин кийимларининг қуришини кутиб ўтириш мумкин эмасди. Ваксов жунжикиб, ҳўл кальсон ва галифени кийди. Бахтига қуруқ пайтаваси бор эди, уни ўраб, этигини кийиб олди. Гимнастёркасини кийди-да, камарини тақди, юкларини олди. Хириллаб қичқирди:

— Ўртоқ жангчилар, тайёрмисизлар?

— Сабр қилинг.

Шундай бўлишини билганди! Федот Евграфич жилмайди, бошини тебратди ва уларга бақириш учун энди оғиз жуфтлаган әдики, Осянина яна қичқирди:

— Келаверинг! Мумкин!..

Унвони катта одамга жангчилар «мумкин» деб бақиришяпти-я. Ўйлаб кўрилса, уставни мазах қилишнинг ўзи. Бу тартибни бузиш, ахир.

Аммо бу ҳақда шунчаки ўйлади, чунки чўмилиб, дам олгандан кейин коменданнтнинг кайфияти Биринчи Май байрамидагидек аъло эди. Бунинг устига гвардия уни батартиб, тоза бўлиб, табассум билан кутиб турарди.

— Қалай, ўртоқ қизил аскарлар, ишлар жойида-ми?

— Ҳаммаси жойида, ўртоқ старшина. Ана, Евгения чўмилиб ҳам олди.

— Қойил, Комелькова. Совқотмадингми?

— Барибир иситиб қўядиган одам йўқ...

— Тилинг ўткир! Ўртоқ жангчилар, келинглар, тамадди қиласизу узоқ ўтирумай, йўлга чиқамиз.

Нонни тузланган балиқ билан ейиши: старшина түйимли овқатларни сақлаб қўйди. Кейин лепашанг Четвертакка шиппак тайёрлашди. Оёғига запас пайтавани ўраб, устидан икита жун пайпоқ кийдиришиди (уни бека тўқиб, совға қилганди). Федот Евграфич пўстлоқдан таглик қилиб, бинт билан боғлаб қўйди.

— Яхшими?

— Жудаям. Раҳмат, ўртоқ старшина.

— Қани, йўлга, ўртоқ жангчилар. Биз яна бир ярим соат юришимиз керак. У ерда у ёқ-бу ёққа қараб, меҳмонларни қаерда, қандай кутиб олишга тайёрла-нишимиз керак.

У қизларни тез юргизди; юбкалари ва бошқа буюмлари йўлда қуриши керак эди. Лекин қизлар чакки әмас, бўш келишмади, фақат қизариб кетишиди.

— Қани, бир зўр берайлик, ўртоқ жангчилар. Менинг орқамдан югурунглар!..

Ўзининг нафаси тиқилиб қолгунча югурди, кейин одимлашга ўтди, қизларга дам бериб яна:

— Менинг орқамдан!.. Югурунглар!.. — деди.

Воль-кўлга етиб келишганда қуёш оғиб қолган эди. Кўл тошларга урилиб чайқалар, қирғоқда қарғайлар кечки шивирлашини бошлаган эди. Старшина уфққа қанча тикилмасин, қайиқ кўринмади: шивирлаётган шабадани қанча ҳидламасин, ҳеч қайси томондан тутун ҳиди келмади. Урушдан олдин ҳам бу ерларда одам кам бўларди, энди эса бутунлай ҳувиллаб қолганди: дараҳт кесувчилар ҳам, овчилар ҳам, балиқчилар ҳам, елим йиғувчилар ҳам — ҳаммаси фронтга кетган.

— Мунча жимжит... — шивирлаб деди овози жарнгдор Евгения.— Худди тушдагидек.

— Чапдаги тилдан Синюхин тепалиги бошланади, — тушунтирди Федот Евграфич. — Нариги томондан бу тепаликни иккинчи кўл қисиб туради, Легонт кўли дейишади. Бир вақтлар шу ерда Легонт деган роҳиб яшаган. У овлоқ жой қидириб келган.

— Бу ерда овлоқ жой тўлиб ётиби. — Гурвич хўрсинди.

— Немисларга битта йўл бор: шу кўллар ўртасидан, тепалик орқали ўтишади. Тепалик эса қўйтош ва уйдек-уйдек харсанглардан иборат. Уставда ёзилганидек, асосий ва эҳтиёт позицияларни шу тошлар ораси-

дан танлашимиз керак. Танлаб бўлиб, овқатланамиз, дам оламиз ва кутамиз. Шундайми, ўртоқ қизил аскарлар?

Ўртоқ қизил аскарлар жим бўлиб, ўйланиб қолишиди...

## 5

Васков ўзини, азалдан, ҳақиқий ёшидан кексароқ сезарди. Ўн тўрт ёшида баъзи бола-чақали одамлардек меҳнат қилмаганида уйидагилар тиланчилик қилган бўлур эди. Бунинг устига ўшанда очарчиллик, қийинчилик даври эди. У эса оиласдаги ягона эркак — боқадиган ҳам, едириб-ичирадиган ҳам, топиб келадиган ҳам ўзи эди. Ёзда деҳқончилик қилди, қишида овчилик билан шуғулланди ва одамларга дам олиш куни берилишини йигирмага киргандагина билди. Кейин армияда хизмат қилди, бу ҳам болалар боғчаси эмас. Армияда вазмин кишиларни ҳурмат қилишади, у эса армияни ҳурмат қиларди. Шу тариқа бу даврда у яна ёшармади, аксинча, старшина бўлиб қолди. Старшина — қария дегандек гап: у жангчилар учун ҳамиша кекса. Тартиб шунақа.

Шундай қилиб, Федот Евграфич ўз ёшини унудди. Бир нарсани биларди: у оддий аскарлар ва лейтенантлардан катта, ҳамма майорларга тенг ва ҳамиша ҳар қандай полковниandan ёш. Бу ўринда гап унвоннинг катта-кичиклигига эмас, ҳаётни билишда, кўпни кўрганликда.

Шу сабабли ўзи командирлик қилаётган қизларга ҳам у гўё бошқа авлод деб қаарарди. Гўё у гражданлар уруши қатнашчиси, Лбишченск шаҳрида шахсан Василий Иванович Чапаев билан чой ичгандай тутарди ўзини. Бу унинг фикр-хаёли шундайлиги ёки қасам ичгани учун эмас, унинг табиати, унинг старшиналиги боисидан эди.

Ўзининг ҳақиқий ёшидан каттароқлиги ҳақидаги фикр Вaskovning хаёлига ҳеч келмаганди, фақат шу тунда, сокин ва ёруғ тунда қандайдир шубҳалар уйғонди...

Аммо унда ҳали тунгача анча вақт бор эди, энди жой танлашаётган эди. Унинг жангчилари эчкидек тошдан-тошга сакрашарди, бирдан у ҳам қўшилиб

сакрай бошлади, шундай чаққон чиқиб қолдики, ҳатто ўзи ажабланди. Ажабланди-ю, шу заҳоти қовоғини солди ва дарров вазмин юра бошлади, тошларга энди сакраб әмас, оҳиста чиқди.

Бироқ, энг муҳими бу әмасди. Энг муҳими, у жуда соз жой танлагани эди. Чуқур, йўллардан яширин, ўрмондан кўлгача кузатиш мумкин. Бу жой кўл бўйлаб қалашиб ётган қўйтошлар орқали чўзилиб, ўтиш учун нақ қиргоқда тор очиқ йўлак қолдирганди. Бирор воқеа бўлса, немислар шу йўлкадан уч соатча юриб, тепаликни айланиб ўтишларига тўғри келарди, у өса тўғри чекиниб, душман етиб келмасдан анча олдин запас жойни эгаллаши мумкин. Бу жойни ҳар эҳтимолга қарши танлади, чунки икки қўпорувчини асосий жойда турибоқ, гумдон қилиши аниқ.

Федот Евграфич жой танлаб бўлиб, қоидага кўра вақтни чамалади. Ҳисобга кўра, немисларни яна тўрт соат кутишга тўғри келарди, шу сабабли командасига ҳар икки кишига бир котелокдан иссиқ овқат тайёрлашга рухсат берди. Лиза Бричкина ўзи овқат қилмоқчи бўлди; комендант унга икки ёрдамчи ажратди ва гулхандан тутун кўтарили масин, деб кўрсатма берди.

— Тутунни кўрсам, ўша заҳоти овқатни ўт устига ағдариб ташлайман. Гапим тушунарлими?

— Тушунарли, — деди Лиза бўшашиб.

— Йўқ, тушунарли әмас, ўртоқ жангчи. Мендан болта сўраб олиб, ёрдамчиларингни қуруқ шохларни кесиб келишга юборганингдан кейингина тушунарли бўлади. Уларга тайинлаб қўй, йўсин босмаганини кесишин. Жаранглайдиган ёғоч бўлса, ўшанда ловиллаб ёниб, тутун чиқмайди.

Буйруқ ўз йўлига-ю, лекин қизларга кўрсатиш учун ўзи қуруқ ёғочларни кесиб келди, ўзи гулхан ёқди. Кейин, Осянина билан атрофни ўрганаётганда ўша томонга қараб-қараб қўйди, лекин тутун кўринмади: тошлар устида фақат ҳаво жимирларди, аммо буни ўт ёқканда шундай бўлишини биладиган кўзи пишган одамгина сезиши мумкин. Немисларнинг эса бунга ақли етмаслиги аниқ.

Учовлон у ерда бўтқа пишираётганда Васков кичик сержант Осянина ва жангчи Комелькова билан бутун тепаликни кезиб чиқишиди. Жойларни, отиш

секторларини, ориентир, белгиларча бўлган масофани Федот Евграфичнинг ўзи шахсан одимлаб ўлчаб, устав талабига мувофиқ ўқчи дафтарчасига ёзib қўйди.

Шу пайт тушлика чақиришди. Йўл юришгандаги-дек жуфт-жуфт бўлиб ўтиришди. Комендант билан жангчи Гурвичга бир котелок тегди.

Гурвич камтарлик қилиб, қошиқни тез-тез котелокка уриб, қуюғини старшина томонга суреб қўя бошлади. Старшина унга танбеҳ берди.

— Ўртоқ таржимон, бекорга қошиқни тақиллат-япсан. Биласанми нима, меҳрибонлик қилиб, гўштини мен томонга сурмай қўяқол. Жангчидек овқатлан, бўш келма.

— Бўш келмаяпман, — у жилмайди.  
— Кўриб турибман! Бултурги жўжадек ориқсан.  
— Бичимим ўзи шунаقا.  
— Бичимим дейсанми?.. Ана у Бричкинанинг бичими ҳам ҳаммамизникидақа-ю, лекин миқтигина. Қарасанг қарагудек...

Тушликдан кейин чой ичишди: Федот Евграфич йўлдаёқ брусника баргидан териб олган экан, ўша баргдан дамлашди. Ярим соатча дам олишгандан кейин старшина сафланишни буюрди.

— Жанговар буйруқни эшитинглар! — кўнглида бу буйруқни бериб тўғри иш қилаётганига шубҳаланса ҳам, тантанавор бошлади.— Тиш-тирногигача қуролланган икки фрицдан иборат бўлган душман кучлари Киров темир йўлига ва ўртоқ Сталин номидаги Беломор-Балтика каналига яширин равишда ўтиб олиш учун Вопъ-кўл томон бормоқда. Бизнинг олти кишилик отрядимизга Синюхин тизмасида мудофаада туриш ба шу ерда душманни асир олиш топширилган. Чап томондаги қўшнимиз — Вопъ-кўл, ўнг томондаги қўшнимиз — Легонт кўли. — Старшина жим бўлиб қолди, йўталди, буйруқни олдин қофозга тушириб олсан бўларкан, деб ўйлади. Кўнгли ғаш бўлиб давом этди: — Мен шундай қарорга келдим: душманни асосий позицияда туриб кутиб оламиз ва ўт очмай туриб унга таслим бўлишни таклиф қиласиз. Қаршилик кўрсатадиган бўлса, биттасини ўлдириб, иккинчисини тириклайн қўлга туширамиз. Ҳамма юклар запас позицияда қолдирилсин, уларни жангчи Четвертак

қўриқлаб туради. Жанговар ҳаракатлар менинг командам билан бошлансин. Кичик сержант Осянинани ўзимга ўринбосар қилиб тайинлайман, агар у ҳам сафдан чиқса, ўрнига Гурвич қолади. Саволлар борми?

— Мени нега запас позицияда қолдиряпсиз? — хафа бўлиб сўради Четвертак.

— Ўринсиз қавол, ўртоқ жангчи. Сизга буюрилдими, бажараверинг.

— Сен, Галка, бизнинг резервимизсан, — деди Осянина.

— Саволлар йўқ, ҳаммаси равshan, — дадил гапирди Комелькова.

— Равshan бўлса, позицияни әгаллашни сўрайман.

У жангчиларни олдин Осянина билан биргаликда белгилаб чиқсан жойларга қўйди, ҳар бирига ориентирларни кўрсатди, миқ этмай ётиш керак деб, яна бир марта шахсан огоҳлантирди.

— Ҳеч ким қимирламасин. Улар билан олдин мен гаплашаман.

— Немисчалабми? — Гурвич киноя қилди.

— Русчалаб! — қатъий деди старшина. — Сиз эса, агар тушунишмаса, таржима қиласиз. Гапим тушунарлимни?

Ҳеч ким индамади.

— Жангда ҳам шунаقا бошингни чиқариб турсанг, билиб қўй, яқин орада санбат йўқ. Ойинг ҳам йўқ.

Ойиси ҳақида беҳуда гапирди, бутунлай беҳуда. Шу сабабли жуда ҳам жаҳли чиқиб кетди. Ахир ҳамма иш жуда жиддий бўлади, бу ер отишни машқ қиласидиган майдон эмас!

— Немислар билан узоқдан жанг қилган яхшироқ. Милтиқни ўқлагунларича у сизларни илмашик қилиб юборади. Шунинг учун қимирламай ётишини буюраман. Шахсан ўзим «Ўт оч!» деб буюрмагунимча қимирлаш йўқ. Акс ҳолда аёл киши эканликларингга қараб ўтирумайман... — Шу ерга келганда Федот Евграфич тутулиб қолиб, қўй силтади. — Гап тамом. Инструктаж тугади.

Кузатиш секторини белгилаб, сергак бўлиб кузатиб туришлари учун икки кишидан жойлаштириди.

Ўзи юқорироққа күтарилди, ўрмөн четини дурбин орқали қўзи тиниб кетгунга қадар синчиклаб қараб чиқди.

Қўёш тепалик устига қўнай деб қолди, лекин Васков ётган тош ҳали совумаган эди. Старшина дурбинни ёнига қўйиб, дам бериш учун кўзларини юмди. Шу заҳоти ҳалиги илиқ тош оҳиста тебраниб, қаёққадир — сукунат ва ором томон сузиг кетди. Федот Евграфич мудрай бошлаганини ҳам сезмай қолди. Шабадани ҳам сезиб тургандек, ҳар бир шитирлашни ҳам эшишиб тургандек, назарида печка устида ётибди-ю, тагиға кўрпача солишни унугиб қўйибди. Буни ойимга айтиш жерак, деб ўйлади. Ойисини ҳам кўрди: чаққон, кичкинагина аёл, у уйқу гўё ўзининг дехқонча ҳаётини қисқартириб қўядигандек кўп йиллардан бери жуда кам ухларди. Чиллакдек қўлларини — намдан ва меҳнатдан аллақачон букилмай қолган бармоқларини кўрди. Ажин босган, димлаб пиширилган олмадек буришган ёноқларидан оқаётган кўз ёшларини кўрди ва ойиси ҳали ҳам марҳум Игорни эслаб йифлаётганини, ҳамон унинг ўлимидаги ўзини айбдор ҳисоблаётганини тушунди. Ойисига илиқ гаплар айтмоқчи бўлган ҳам әдик, кимдир оёғига туртди ва у нима учундир, отам туртаётган бўлса керак, деб ўтакаси ёрилаёзди. Кўзини очиб қараса, Осянина тош устига тирмашиб, оёғини туртаётган экан.

— Немисларми?

— Қаерда?.. — қўрқиб сўради Осянина.

— Уф, шайтон... Менга шундай туюлди.

Рита унга узоқ тикилиб, жилмайди.

— Мизғиб олинг, Федот Евграфич. Мен сизга ширель олиб келиб бераман.

— Қўйсанг-чи, Осянина. Шунчаки, кўзим кетган экан. Чекиб олишим керак.

Пастга тушди, қоя остида Комелькова сочини тараётган экан. Сочини ёзиб юборибди — елкаси тўла соч. Тутамламаса таролмайди. Сочи қалин, майин, мисдек товланади. Қўллари ҳам шошилмай, чаққон ҳаракат қиласади.

— Бўяғанмисан? — сўради старшина ва ҳозир заҳрини сочади-ю, мана шу — оддий муносабат тугайди, деб қўрқиб кетди.

— Ўзи шунақа. Сочларим тўзғиб кетибдими?

- Ҳечқиси йўқ.
- Кузатув жойида одам қолмади, деб ўйламанг. У ерда Лиза Бричкина турибди. Унинг кўзи жуда ўт-кир.
- Майли, майли. Ўзингни тартибга солавер...
- Эҳ, яна шу лаънати сўз оғзидан чиқиб кетди. Чунки бу сўз уставда ёзиб қўйилган. Миясига сингиб кетган. Эҳ, Васков, сен айиқнинг ўзисан, одам кўрмаган айиқ!..
- Старшинанинг қовоғи тушиб кетди, махорка тутабиб, тутун орасида қолди.
- Ўртоқ старшина, уйланганмисиз?
- Қараса, малла соchlар орасидан яшил кўзлар тикилиб турибди. Бу кўзларнинг кучи бекиёс, бир юз эллик икки миллиметрли гаубица — тўп кучи каби бекиёс.
- Уйланганман, жангчи Комелькова.
- Албатта ёлғон гапирди. Лекин бунақалар билан гаплашганда ёлғонни ўшлатган яхшироқ. Унинг жойи қаерда эканлигни кўрсатиб қўяди.
- Хотинингиз қаерда?
- Қаерда бўларди — уйда.
- Болаларингиз борми?
- Болаларми?.. — Федот Евграфич хўрсинди.— Бола бор эди. Ўлди. Нақ үруш бошланишдан олдин.
- Ўлдими?..
- Сочларини орқасига ташлаб шундай тикплдики, гўё старшинанинг юрагидаги бор гапни билib олган-дек бўлди. Бошқа ҳеч нарса демади. Юпатмади ҳам, ҳазил ҳам қилмади, бекорчи гапларни ҳам гапирмади. Шунинг учун ҳам Васков ўзини тутолмай хўреинди.
- Ҳа, ойим асраб қоломмади...
- Шундай деди-ю, ўзи пушаймон қилди. Шундай афуссландики, дарҳол сакраб туриб, кўрикка тайёрланадек тортади, гимнастёркасини тортиб тўғрилади.
- Нима гап, Осенияна?
- Ҳеч ким йўқ, ўртоқ старшина.
- Шундан кейин бир жангчидан иккинчисининг ёнига ўта бошлади.
- Қуёш аллақачон ботган бўлса ҳам, тонг пайтидаги-дек ёруғ эди, жангчи Гурвич ўз тоши орқасида китоб ўқирди. Худди дуо ўқиётгандек оҳанг билан ўқирди, Федот Евграфич унинг ёнига боришдан олдин қулоқ солиб турди:

Эслолмагай ўтган йўлларин  
 Оғир палла тугилган одам.  
 Биз, Рус элин қонли йиллари  
 Бунёд бўлган қиз-ўғиллари  
 Унутмасмиз бир садони ҳам.  
 Эй сиз, ўтили, оловли йиллар  
 Сизга баҳтми ё телбалик ёр?  
 Эркин кунлар уруш кунларин  
 Қирмиз акси юзимизда бор...

- Кимга ўқиб беряпсан? — сўради у яқин келиб.  
 Таржимон қизариб кетди (ахир кузатиш, ҳамиша кузатиб туриш буюрилган эди-да), китобни четга қўйиб, ўрнидан турмоқчи бўлди. Старшина қўл силтади:
- Кимга ўқиб беряпсан, деб сўрайапман?
  - Ҳеч кимга. Ўзимга.
  - Нега бўлмаса овоз чиқариб ўқияпсан?
  - Ахир бу — шеър.
  - Ҳа-а... — Ваксов ҳеч нарса тушунмади. Китобни олди — юпқа, гранатомёт бўйича қўлланмадек кела-ди. — Варақлаб кўрди. — Кўзингни ишдан чиқарасан.
  - Ёруғ, ўртоқ старшина.
  - Мен шунчаки айтаяпман. Ундан кейин тош устида ўтирма. Тош тез совуб, иссигингни тортиб ола бошлияди. ўзинг билмай қоласан. Тагингга шинель солиб ол.
  - Яхши, ўртоқ старшина. Раҳмат.
  - Барибир овоз чиқариб ўқима. Бу ерда кечқурун ҳаво нам, зич бўлади, тонг пайти эса сокин, шу сабабли беш чақирим наридан эшитилади. Қараб тур... Куватиб, жангчи Гурвич.
- Кўлга яқинроққа Бричкина жойлашган эди, Федот Евграфич узоқданоқ мамнун жилмайди: ишбилармон қиз! Арча шохларидан синдириб, икки тош оралиғига тўшаб, устига шинелини солибди: тажрибали қиз. Буни кўриб, унинг қаерлик эканлигига қизиқиб қолди.
- Қаерликсан, Бричкина?
  - Брянскдан, ўртоқ старшина.
  - Колхозда ишлаганмисан?
  - Ишлаганман. Кўпроқ — отамга ёрдам берардим. У ўрмончи эди, биз чегарада яшардик.

— Шунинг учун яхши ғаққиллар экансан-да.  
Кулиб юборишиди. Қизлар кулишни яхши кўришади, ҳали кулишни унугтганилари йўқ.  
— Ҳеч нарса сезмадингми?  
— Ҳозирча жимлик.

— Сен ҳаммасига эътибор бер, Бричкина. Буталар қимирламаяптими, қушлар безовта бўлмаяптими — ҳаммасига эътибор қил. Сен ўрмонда ўсган одамсан, ҳаммасини тушунасан.

— Тушунаман.

— Ана шунақа...

Старшина тараддулданиб қолди; ҳамма гапни айтди, кўрсатма берди, энди кетадиган пайт бўлди, лекин негадир кетгиси келмасди. Чунки қиз унга ғоят яқин, ўрмон қизи эди, қулай жойлашиб олган ва бугун тушига кирган қадрдан рус печкаси ҳароратидек бу қиздан ҳам илиқ ҳарорат келиб турарди.

— «Лиза, Лиза, Лизавета, нега менга салом йўлламайсан, нега севгилинг учун қуйламайсан, наҳотки... хушторинг сенга ёқмаса», — комендант дафал овоз билан қуйлади ва тушунтириди. — Биз томонларда шунақа қўшиқ бор.

— Бизда эса...

— Сен билан кейин қўшиқ айтишамиз, Лизавета. Жанговар буйруқни бажарганимиздан кейин бир қуйлашамиз.

— Чин сўзингизми? — Лиза жилмайди.

— Айтдим-ку.

Старшина бирдан унга чапаничасига кўз қисди, ўзи уялиб кетиб, фуражкасини тўғрилаб, жўнаб қолди.

Бричкина орқасидан қичқирди:

— Эсингизда бўлсин, ўртоқ старшина! Ваъда бердингиз!..

У Лизага жавоб қилмади, аммо қоялар орқали запас позицияга етгунга қадар юзидан табассум аримади. Бу ерда табассумини яшириб, жангчи Четвертак қаерда беркинганикин деб қидира бошлади.

Жангчи Четвертак эса қоя остида — қоплар устида шинелга ўралиб, бир енгини иккинчи енги ичига тиқиб қунишиб ўтиради. Шинелнинг кўтариб қўйилган ёқаси унинг бошини пилоткаси билан бирга тўсив турар, шинел ёқалари орасидан қизил, ингичка бурни сўррагиб кўриниб турарди.

— Нега ўралиб олдинг, ўртоқ жангчи?

— Совуқ...

Старшина қўлини чўзди, у эса ўзини орқага ташлади: нодонлигидан, старшина мени қучоқламоқчи деб ўйлади...

— Питиллама,вой худо-е! Пешонангни тут. Қани?

Қиз бўйнини чўзди. Старшина пешонасини ушлаб кўрди: ёняпти. Жин урсин, ёняпти!

— Исимтманг бор, ўртоқ жангчи. Сезяпсанми?

Қиз индамади. Қўзлари ҳам бузоқнинг кўзиdek маъюс, ҳар қандай одамнинг ҳам раҳми келади. Мана сенга ботқоқ, старшина Ваксов. Мана сенга жангчи этигини йўқотиб қўйгани, сенинг шошқалоқлигинг ва май ойининг изгирини. Мана жангта қобилиятсиз одам, бутун отрядга ва шахсан сенга ортиқча юк.

Федот Евграфич йўлхалтасини олиб, тасмаларини ечди ва ичига қўлини тиқди: бир бурчагида унинг энг муҳим дахлсиз запаси — етти юз эллик грамм спирт солиниб, оғзи пўкақ билан беркитилган фляга бор эди. Ундан кружкага қўйди:

— Шундай ичасанми ёки сув қўшиб берайми?

— Нима ўзи?

— Дори. Спирт, хўш?

Галя қўлларини силкитиб, орқага ташланди:

— Вой, нима деяпсиз, нима деяпсиз...

— Ичишни буюраман! — старшина — бир оз ўйлаб, жиндеқ сув аралаштириб берди. — Ич. Орқасидан дарров сув ичиб юбор.

— Йўқ, қўйсангиз-чи...

— Ич, гап қайтарма!..

— Нима деяпсиз ўзингиз! Менинг ойим медицина ходими...

— Ойинг йўқ. Бу ерда уруш кетяпти, немислар бор, мен, старшина Ваксов борман. Ойинг эса йўқ бу ерда. Ким урушда омон қолса, ўшанинг ойиси бўлади. Тушунарлимни?

Қиз қалқиб, кўз ёшлари оқиб, ичиб юборди. Йўталди: Федот Евграфич кафти билан унинг елкасига қоқди. Йўтал ўтиб кетди. Галя мушти билан кўз ёшларини артиб, кулди:

— Бошим... айланиб кетди!..

— Эртага тўхтатволасан.

Шохларни судраб келиб, тўшади. Устига шинелини ёпиб қўйди.

— Дамингни ол, ўртоқ жангчи.  
— Ўзингиз шинелсиз қандай қиласиз?  
— Қўрқма, мен соғман. Эрталабгача тузалсанг бўлгани. Сендан ўтиниб сўрайман, тузал тезроқ.

Атрофга сукунат қўнди. Ўрмон ҳам, кўл ҳам, ҳаво ҳам — ҳамма нарса жимиб, ором оларди. Тун яримлаб, эртанги кун бошланди, лекин ҳеч қанақа немисдан дарак йўқ эди. Рита Васковга тез-тез қараб қўярди, иккаласи ёлғиз қолишгач, сўради:

— Балки, бекорга ўтиргандирмиз бу ерда?  
— Балки бекордир,— старшина хўрсинди.— Лекин ундан бўлмаса керак. Агар сен тўнкаларни фриц деб ўйлаб ваҳима кўтартмаган бўлсанг, албатта.

Бу вақтга келиб комендант позицияда сергак туришни бекор қилди. Жангчиларни запас позицияга юбориб, қарагай шохларидан синдириб тўшаб, то уйғотгунимча ухланглар, деб буюрди. Ўзи эса асосий позицияда қолди, Осянина ҳам унга эргашди.

Немислар кўринмайтгани Федот Евграфични қаттиқ ташвишлантиради. Улар, ахир, умуман бу ерга келмасликлари, йўлни мўлжаллаб бошқа жойдан ўтишлари мумкин эди, у ўйлаганча эмас, бошқача топшириқ олган бўлишлари ҳам мумкин. Ҳозиргача бир-мунча фалокат келтирган, бирор бошлиқни отган ёки бирор муҳим объектни портлатган бўлишлари мумкин. Ана унда трибуналда жавоб беришга тўғри келади. Нега сен ўрмонни титкилаб, немисларни гумдан қилиш ўрнига, худо билади, қаёққадир жўнаб қолдинг, жангчиларни аядингми? Буйруқ бажарилмаган экан, бу сабаб бўлолмайди. Йўқ, бу сабаб эмас.

— Бир оз ухлаб олсангиз бўларди, ўртоқ старшина. Саҳарда уйғотаман...

Бунақа вақтда уйқуга бало борми! Комендант гимнастёркада бўлса-да совуқни сезмасди...

— Уйқуни қўятур, Осянина. Агар фрицларни қўлдан чиқариб юборган бўлсам, мени абадий уйқуга маҳкум этишади.

— Балки улар ҳозир ухлашаётгандир, Федот Евграфич?

— Қанақасига ухлайди?

— Улар ҳам одам. Ўзингиз айтдингиз-ку, Синю-

хин тепалиги темир йўлга борадиган бирдан-бир қулай йўл деб. Темир йўлгача, улар...

— Тўхта, Осянина, сабр қил! Эллик чақиримлиги аниқ; ҳатто ундан ҳам кўпроқ. Бунинг устига нотаниш жойлардан, ҳар бир бутадан ҳадиксираб... Шундайми? Фикрим тўғрими?..

— Тўғри, ўртоқ старшина.

— Тўғри бўлса, турган гапки, улар ётиб дам олишлари мумкин. Дарахтлар қалинроқ жойда. Кун чиққунча ухлашади. Кун чиқиши билан... а, лаббай?

Рита жилмайди. Яна старшинага хотинлар болаларига қарагандай, узоқ тикилди.

— Ундаи бўлса, сиз ҳам кун чиққунча дам олинг. Мен уйғотаман.

— Уйқум келмаяпти, ўртоқ Осянина... Маргарита, отангни исми нима?

— Рита деб чақираверинг, Федот Евграфич.

— Чекишамизми, ўртоқ Рита?

— Мен чекмайман.

— Ҳа, уларнинг ҳам одам эканлиги хусусида, неғадир хаёлимга келмапти. Тўғри эсга солдинг: дам олишлари керак. Сен ҳам бор, Рита, бора қол.

— Уйқум келмаяпти.

— Ундаи бўлса, оёғингни чўзиб ёт. Кўп юриб ўрганмагансан, ҳозир зирқираётгандир?

— Урганиб қолганман, Федот Евграфич.— Рита жилмайди.

Лекин старшина уни дам олишга кўндириди ва Рита шу ердаёқ бўлажак олдинги маррада Лиза Бричкина ўзи учун тайёрлаган шохлар устига чўзилди. Устига шинелни ёпиб, тонг отгунча мудрамоқчи бўлди-ю, қаттиқ ухлаб қолди. Туш кўрмай, қотиб ухлади. Старшина шинелидан тортганидан кейингина уйғонди.

— Нима?

— Жим! Эшитяпсанми?

Рита устидаги шинелни четга суриб, юбкасини тўғрилади ва сакраб турди. Қуёш уфқдан бош кўтарган, қоялар пушти ранг бўлиб кўринарди. Атрофга қаради: анча наридаги дарахтлар тепасида қушлар чирқиллаб учишарди.

— Қушлар чирқиллаяпти...

— Загизонлар!— Федот Евграфич оҳиста кулади.— Биқуни ола загизонлар чағиллашяпти, Рита.

Демак, кимдир келяпти, уларни безовта қиляпти. «Меҳмонлар» бўлса керак. Югару, Осянина, жангчиларни уйғот. Дарров! Лекин эҳтиёт бўл, овозларингни чиқарманглар, ҳеч ким сезмасин!..

Рита югуриб кетди. Старшина ўз жойига чўзилди, унинг жойи бошқаларникидан олдинроқда ва баландроқда эди. Тўппончасини текширди, милтиқни ўқлади. Энди кўтарилаётган қуёш ёритиб турган ўрмон четини дурбин орқали кузатди. Зағизгонлар буталар устида чарх уришар, тинимсиз чағиллашарди.

Жангчилар етиб келишди. Унисиз жой-жойларига бориб, ётиб олишди. Гурвич старшина ёнига келди:

— Салом, ўртоқ старшина.

— Салом. Ҳалиги, Четвертак қалай?

— Ухлаяпти. Уни уйғотмадик.

— Тўғри қилибсизлар. Ёнимда бўл, алоқачилик қиласан. Фақат бошингни чиқарма.

— Чиқармайман,— деди Гурвич.

Зағизгонлар учиб, тобора яқинлашиб келарди, батзи жойларда буталарнинг учи қимирларди, ҳатто Федот Евграфичга оёқ остида қуруқ шох сингани эши-тилгандек бўлди. Кейин ҳаммаёқ жим бўлиб қолди, зағизгонлар ҳам тинчид қолгандек эди. Аммо старшина ўрмон четгинасида, буталар остида одамлар ўтирганини биларди. Улар кўл қирғоқларини, нариги томондаги ўрмонни ўз йўллари ўтадиган ва ҳозир старшина ҳамда унинг уйқидан юзлари қизарип турган жангчилари яшириниб олган тепаликни кузатиб ўтиришибди.

Шундай сирли дақиқа бошландики, бундай дақиқада бир воқеа ўрнига иккинчиси, сўнг тасодифлар бошланади. Тинчлик пайтида инсон бу дақиқани сезмайди, урушда, асаблар таранг тортилган, ҳаётнинг шу парчасида яшацнинг ибтидоий моҳияти — омон қолиш яна биринчи ўринга чиққанда бу дақиқа реал, жисмонан сезиладиган ва поёнсиз даражада узоқ бўлиб кетади.

— Қани, келаверинглар, келаверинглар...— Федот Евграфич унисиз шивирларди.

Узоқдаги буталар қимирлади ва ялангликка икки киши оҳиста чиқди. Улар холдор кулранг яшил ёпқичда эдилар-у, аммо қуёш нури тўғри уларнинг юзига тушарди, шу сабабли комендант уларнинг ҳар бир ҳа-

ракатини аниқ кўриб турарди. Бармоқларини автомат телкисига қўйганча, энгашиб, мушукдек енгил одимлаб кўл томон юришди... Лекин Васков энди уларга қарамасди. Чунки уларнинг орқасида буталар ҳамон қимиirlар ва у ердан автомат ушлаган кулранг-яшил ёпқичли одамлар кетма-кет чиқиб келарди.

— Уч... беш... саккиз... ўн... — Гурвич шивирлаб санаарди.—Ўн икки... ўн тўрт, ўн беш, ўн олти... Ўн олтита, ўртоқ старшина...

Буталар қимиirlамай қолди. Зағизғонлар ҳам қичқирганча учиб кетишди. Ўн олти немис атрофга алланглаб, қирғоқ бўйлаб, Синюхин тепалиги томон секин юриб келишарди...

## 6

Федот Евграфич умр бўйи буйруқни бажариб келди. Буйруқларни у айтилгандаи қилиб, тез ва жон-дилдан бажаарарди, чунки бошқалар иродасини шу тариқа аниқ ижро этишни ўз ҳаётининг мазмуни деб биларди. Бошлиқлар уни яхши ижрочи сифатида қадрлашарди, ундан бошқа нарса талаб қилинмасди. У яхшилаб созланган улкан механизмнинг узатувчи тишли гиддираги эди: ўзи айланар, бошқа гиддиракларни айлантирап, бу айланиш нитадан бошлангани, қаёққа йўналтирилгани ва қандай тугаши билан иши йўқ эди.

Немислар эса Воль-кўл қирғоги бўйлаб секин ва оғишмай тўппа-тўғри старшина ва унинг жангчилари томон келишарди. Унинг жангчилари эса тошлар орқасида, буйруқда айтилганча, милтиқларнинг совуқ қўндоқларини ширмон юзларига тақаб, стишга тайёр, кутиб ётишарди.

— Ўн олтита, ўртоқ старшина,— Гурвич деярли унсиз шивирлади.

— Кўриб турибман,— деди у қизга қарамай.— Жангчилар олдига бор, Гурвич. Осянинага айт, жангчиларни дарҳол запас позицияга олиб ўтсин. Яширин равища, яширин!.. Тўхта, қаёққа кетяпсан? Бричкинани менинг олдимга юбор. Эмаклаб юр, ўртоқ таржи-мон. Ҳозирча эмаклаб яшаймиз.

Гурвич тошлар орасидан пилдираб, эмаклаб кетди. Комендант бирор нарса ўйлаб топгиси келар, бирор ҳарорга келишни истар, лекин мияси қовоқдек бўм-

бўш, фақат йиллар давомида таркиб топган бир ис-  
так — маълум қилиш истаги миясида ўралашарди.  
Шароит ўзгарганлигини, энди ўз кучлари билан на Ки-  
ров темир йўлинни, на ўртоқ Сталин номидаги канални  
тўсиб қололмаслиги ҳақида командага ҳозир, шу ҳа-  
қиқада маълум қилиш истаги миясида ғужрон ўй-  
нарди.

Унинг отряди чекина бошлади; қаердадир милтиқ  
тақиллади, яна қаердадир тош думалади. Бу товушлар  
унга найзадек ботар, немислар ҳали узоқда бўлиб, ҳеч  
нарса эшига одмасалар ҳам, Федот Евграфич чинакам  
қўрқув исканжасида эди. Қани энди ҳозир бир пуле-  
мёт ёки ҳеч бўлмаса фаросатли ёрдамчи билан қўл  
пулемёти бўлса! Ҳатто қўл пулемёти эмас, учта авто-  
мат-у, эпчил йигитлар бўлса... Аммо унинг отрядида  
на пулемёт, на йигитлар бор, уларнинг ўрнига бешта  
кулонғич қиз-у, ҳар бир милтиққа беш обойма ўқ. Уша  
сершудринг май тонгига шунинг учун ҳам старшина  
терга ботиб кетган эди...

— Ўртоқ старшина... ўртоқ старшина...

Комендант енги билан терини яхшилаб артди, шун-  
дан кейингина ўтирилди. Яқингинасидаги катта очил-  
ган кўзларга қаради-да, кўз қисди:

— Дадилроқ бўл, Бричкина. Уларнинг ўн олти ки-  
шилиги қайтага яхшироқ, тушундингми?

Нима учун иккита диверсиячи ўрнига уларнинг ўн  
олтига бўлгани яхшироқ эканлигини старшина тушун-  
тириб ўтирмади, лекин Лиза унинг фикрига қўшилиб,  
бош иргади ва ишонқирамай жилмайди.

— Келган йўлимиз яхши өсингдами?

— Ҳа, ўртоқ старшина.

— Бу ёққа қара: фрицларнинг чап томонида қа-  
рағайзор чўзилиб кетган. Уни кесиб ўтасан, қўл бўй-  
лаб, қарагайзор четидан юр.

— Сиз шох кесган жойданми?

— Яшавор, қизалоқ! У ердан тўғри сойга қараб  
юр: у ерда йўлдан адашмайсан.

— Биламан, ўртоқ...

— Сабр қил, Лизавета, шошилма, Энг муҳими бот-  
коқ, тушундингми? Сўқмоқ тор, ўнг томони ҳам, чап  
томони ҳам ўпқон. Мўлжал — оқ қарагай. Оқ қарагай-  
га етгач, у ердан оролдаги икки туп қарагайнин мўл-  
жаллаб юрасан.

— Хўп.

— У ерда бир оз дам ол, дарров йўлга тушма. Оролдан мен устига чиқиб сакраган куйган тўнкани мўлжаллаб юр. Ўшани аниқ мўлжаллаб юр, яхши кўриниб туради.

— Хўп.

— Киръяновага шароитни маълум қил. Бу ерда биз фрицларни бир оз чалгитиб турдимиз, лекин узоқ бардош беролмаймиз, ўзинг биласан.

— Ҳа.

— Милтиқ, халта, шинель — ҳаммасини ташлаб кет. Йўлда енгилроқ бўлади.

— Демак, ҳозир жўнайми?

— Ботқоққа тушишдан олдин таёқ олишни унутма.

— Хўп. Мен кетдим.

— Борақол, Лизавета, оппоқ қиз.

Лиза индамай бош иргаб, четга сурилди. Милтиқни тошга суяб қўйди, камаридан ўқдонни еча бошлади, ўзи эса ниманидир кутиб, старшинага қараб-қараб қўярди. Аммо Ваксов немисларни кузатарди, шу сабабли унинг ташвишли кўзларини кўрмади. Лиза оҳиста хўрсиниб, камарини тортиброқ боғлади, дунёдаги ҳамма аёллар сингари оёғини сал судраб, қарағайзор томон югуриб кетди.

Диверсиячилар бунгача яқин келиб қолишган — уларнинг юзларини бемалол кўриш мумкин эди,— Федот Евграфич эса ҳамон тош устида ёпишиб ётарди. Немисларга кўз қирини ташлаб, қоялардан бошланиб, ўрмон четигача чўзилган ёш қарағайзорга қараб турарди. У ерда дарахт учи иккى марта силкинди. Лекин енгил, қуш қўнгандек сал тебранди. Старшина Лиза Бричкинани юбориб, тўғри қилдим, деб ўлади.

Диверсиячилар алоқачини сезишмаганига ишонч ҳосил қилгач, милтиқни предохранителига қўйиб, тош орқасига тушди. Бу ерда Лиза қолдирган қуролни олиб, гурсиллаш эшитилмаслиги учун шарпа чиқармай, орқага югуриб кетди.

— Ўртоқ старшина!..

Чумчуқлар донга ташлангандай, қизлар старшина-га ташланишди. Ҳатто Четвертак ҳам шинель остидан чиқди. Шу ҳам интизом бўпти-ю, уларга бақириш, бу-юриш керак эди. Соқчи қўймаганлиги учун Осянина-ни огоҳлантириш керак эди. У энди оғзини очиб, қош-

ларини командирчасига чимирган эди, уларнинг жиддий кўзларига қаради-ю, худди бригаданинг дала ший-понида гапиргандек бўшашиб:

— Иш чатоқ, қизлар,— деди.

Тош устига ўтирмоқчи бўлган эди, бирдан Гурвич тўхтатиб, ўзининг шинелини тўшади. Старшина унга миннатдорчиллик билан бош силкиб ўтириб, махорка халтачасини олди. Қизлар унинг ёнига ўтириб, махорка ўрашини индамай кузатиб туришарди.

Васков Четвертакка қаради:

— Хўш, қалайсан?

— Тузук,— жилмаймоқчи бўлган эди, лаблари бўйсунмади.— Яхши ухладим.

— Демак, улар ўн олти киши.— Старшина хотиржам сўзлашга уринар, шу сабабли ҳар бир сўзни ўйлаб гапирарди.— Ўн олтита автомат — бу ҳазилакам куч эмас. Бунаقا кучни очиқ олишувда тўхтатиб бўлмайди. Тўхтатмаслик ҳам мумкин эмас, уч соатлардан кейин бу ерга етиб келишади, тахминан шуна-қа.

Осянина билан Комелькова бир-бирига қараб олишди. Гурвич эгнидаги юбкасини силаб текисларди, Четвертак эса, унга киприк қоқмай, бақрайиб қараб турарди. Комендант махоркасига тикилиб, чекиб ўтирган бўлса ҳам, ҳозир ҳамма нарсани сезар, ҳаммасини кўриб, эшитиб турарди.

— Бричкинани бўлинмамизга юбордим,— деди у бир оздан кейин.— Ердам кечаси етиб келиши мумкин, ундан олдин келмайди. Агар жанг бошласак, тунгача дош беролмаймиз. Ҳеч қандай позицияда дош беролмаймиз, чунки уларда ўн олтита автомат бор.

— Нима, ёнимиздан ўтиб кетишларига қараб тураверамизми?— секин сўради Осянина.

— Уларни бу тепаликдан ўтказиб бўлмайди,— деди Федот Евграфич.— Йўлидан чалғитиш керак. Адаштириб, Легонт кўлини айланиб ўтадиган қилиш керак. Қандай қилиб? Жанг қилсак — дош беролмаймиз. Хуллас, фикрларингизни айтинглар.

Старшина ҳаммадан ҳам ўзининг саросимага тушиб қолганини қизлар сезиб қолишлидан қўрқарди. Сезиб қолишса, қалблари билан сезиб қолишса иш та-мом. Унинг жангчилардан устунлиги барҳам топади, командирлик иродаси тугайди, ирова билан бирга ун-

га ишонч ҳам йўқолади. Шу сабабли у атайлаб шунчаки, секин, хотиржам гапирав, қўшнисиникига кириб супага ўтиргандай чекиб ўтиради. Ўзи эса ўйлар, бош қотирав, ҳамма имкониятларни ҳисобга оларди.

Жангчиларга у олдин нонушта қилишни буюрди. Қизларнинг жаҳли чиққан эди, у ўшқириб берди ва сағар халтасидан ёғ чиқарди. Ким билади, уларга қайси бири кўпроқ таъсир қилдийкин — ўшқиришми ёки ёғми, ҳар ҳолда дадил ёғ чайнашга тушиб кетишиди. Федот Евграфич эса шошиб қолиб, Лиза Бричкинани нонуштасиз узоқ жойга юборганидан афсусланди.

Нонуштадан сўнг комендант соқолини сувда ивитиб, қиртишлаб олди. Устара отасидан қолган, ўткір — ҳавас қилса арзигудек бўлса ҳам, икки жойини кесиб олди. Кесган жойларига газета ёпишириб қўйди, Комелькова эса халтасидан атир олиб, кесилган жойларга ўзи суртиб куйдирди.

Старшина ишларини шошилмай, хотиржам қиласди, лекин вақт ўтиб борар, аммо ўйлари ҳамон тарқоқ эди. Фикрларини бир жойга йиролмасди ва ҳозир болта билан ўтин ёра олмаслигидан афсусланарди. Ўтин ёрсами, фикрлари бир тартибга солиниб, сараланиб, бу аҳволдан қутулиш йўлини топган бўларди.

Албатта, немислар бу ерга жанг қилиш учун келишмаган — буни у яхши тушунарди. Улар пастқам жойлардан, узоқларга дозор юбориб, оҳиста келишяпти. Нима учун шундай қилишяпти? Душман билиб қолмаслиги учун, ўқ узишга мажбур бўлмаслик учун бўлиши мумкин, заслонлар орасидан асосий мақсад томон ўтиб олиш учун шундай қилишяпти. Демак, шундай қилиш қеракки, немислар уни кўришсин, у эса ўзини немисларни кўрмаганга олсин. Ана шунда, балки орқага чекиниб, бошқа жойдан ўтишга уриниб кўришар. Бошқа жой эса — Легонт кўлини айланиб ўтиш: бир кунлик йўл бу.

Аммо уларга кимни кўрсатиши мумкин? Тўрт қиз билан шахсан ўзиними? Шу ерда тўхташди ҳам дейлик, кейин разведка юборишар, уларни ўрганишар, бу заслон роппа-роса беш кишидан иборатлигини билиб олишар. Кейин нима бўлади?.. Кейин, ўртоқ старшина Ваксов, улар ҳеч қаерга чекиниб ўтиришмайди. Қуршаб олишади-да, ўқ чиқармай, бутун отрядингни бешта пичноқ билан бир ёқлик қилиб қўя қолишади. Ахир

улар ҳам аҳмоқ эмаски, тўртта қиз-у, тўппонча ушланган старшинадан қўрқиб, ўрмонга қочиб қолишса...

Ана шу мулоҳазаларни Федот Евграфич жангчиларга — Осянина, Комелькова ва Гурвичга айтди: ухлаб олган Четвертак ўзи соқчилик қилишга талабгор бўлган әди. Ҳаммасини яширмай айтиб, илова қилди:

— Бир-бир яrim соат ичида бошқа бирор нарса ўйлаб топмасак, мен айтгандек бўлади. Тайёrlанаверинглар.

Тайёrlанинглар... Қанақа тайёргарлик кўришсин? Нариги дунёгами? У ёққа жўнашга тайёргарлик кўриш учун вақт қанча оз бўлса, шунча яхши...

Бироқ ўзи тайёrlанаарди. Гранаталарга запал солди (бор-йўғи иккитагина граната), тўппончасини тозалади, финкасини тошга қайради. Ҳамма тайёргарлиги шу: қизларда эса бу ҳам йўқ. Бир четда нималарнидир шивирлашишар, баҳсласишаарди. Кейин унинг ёнига келишди:

— Ўртоқ старшина, агар улар дарахт кесувчиларга дуч келиб қолишса-чи?

Васков тушунмади: қанақа дарахт кесувчилар? Қаерда? Ахир уруш кетяпти, ўрмонда ҳеч ким йўқ, ўзлари кўришди-ку. Қизлар тушунтира бошлашган әдики, комендант гап нимадалигини фаҳмлаб қолди. Васков шуни тушундики, ҳар қандай қисмнинг ҳам ўзи эгаллаб турган жойи, чегараси бўлади. Бу чегара аниқ: қўшнилар ҳам, ҳамма жойдаги постлари ҳам маълум. Дарахт кесувчилар эса ўрмонда бўлишади. Бригада-бригада бўлиб ўрмонга тарқаб кетишилари мумкин: қидириб топиш ҳам қийин. Немислар уларни қидириб ўтирадими? Ҳеч-да, уларни қидириш хавфли. Сал хато қилдингми — тамом: қаерда эканлигингни билиб олишади, тегишли жойга хабар қилишади. Чунки неча киши дарахт кесаётганини, улар қаердалигини, уларда алоқа қандайлигини билиб бўлмайди.

— Эҳ, қизлар, лочинларим, яшанглар!

Запас позиция орқасида кичик сой бор әди — саёз, лекин шовиллаб оқадиган сой. Сой ортида сув бўйиданоқ ўрмон бошланади — қалин теракзор, қулааб тушган дарахтлар, ўтиб бўлмас арчазорлар. Бу ерда, икки қадам нарида, қалин ўтлар орасидаги бирор нарсанни кўриб бўлмайди, ҳеч қандай дурбин билан ҳам, ўрмоннинг қандайлигини, унинг қаергача чўзилишини

аниқлаб бўлмайди. Қизларнинг режаларини амалга ошироқчи бўлганда Федот Евграфич ана шуни назарда тутган эди.

Немисларнинг дарров кўзи тушиши учун ўртага Четвертак билан Гурвични қўйди. Уларга тутатиб гулхан ёқишини, бақириб-чақириб, ўрмонни бошларига кўтаришини буюрди. Буталар орасидан ҳадеб бош чиқараверманглар, кўзга чалинсанглар бўлгани, деб тайинлади. Этик, пилотка, камар — ҳарбий формани ечиб қўйишни буюрди.

Жойга қараганда, немислар бу гулханларни фақат чап томондан айланиб ўтишга уриниб қўришади: ўнг томонда қоялар сойгача чўзилган бўлиб, ўтишга қулайроқ жой йўқ, лекин ҳар эҳтимолга қарши у ерга Осянинани қўйди. Унга ҳам олдингидек, кўзга ташлашиш, шовқин кўтариш ва гулхан ёқишини буюрди. Ўтиш мумкин бўлган чап томонни ўзи билан Комельковага танлади. Бошқа пана жой йўқ эди. Бунинг устига у ердан сойнинг қайилиш жойи кўриниб турарди: немислар сойдан кечиб ўтмоқчи бўлищса, қизларнинг қочиб улгуришлари учун шу ердан туриб иккичасини қулатиши мумкин эди.

Вақт оз қолган эди, шунинг учун Вассов соқчиларни яна бир киши билан кучайтириб, Осянина ва Комелькова билан биргаликда тайёргарлик кўра бошлади. Улар гулхан ёқиши учун шоҳ-шаббаларни ташишаётганда старшина энди очиқласига (Майли, эшитаверсинлар, майли, тайёр бўлаверсинлар!) болта билан дарахт кесди. Баландробини, шовқин билан қулайдиганини танлаб, бир итарганде йиқиладиган даражада кесар ва навбатдагисига югуради. Кўзларини тер ачитар, чивин талар, лекин старшина ҳансираб, тўхтовсиз дарахт кесарди. Олдинги маррадан Гурвич югуриб келгунча кесаверди. Гурвич нариги томонда туриб қўл силтади:

— Келишяпти, ўртоқ старшина!..

— Ҳамма жой-жойига,— деди Федот Евграфич.— Қизлар, жой- жойларингга боринглар, фақат илтимос: эҳтиёт бўлинглар. Буталар орқасида эмас, дарахтлар орқасида кўрининглар. Қаттиқроқ қичқиринглар...

Унинг жангчилари ҳар томонга тарқаб кетишиди.Faқат Гурвич билан Четвертак ҳамон нариги қирғоқда уймаланишарди: Четвертак шиппак боғланган

бинтни ечолмай овора эди. Старшина уларнинг ёнига борди:

— Тўхта, кўтариб ўтказиб қўяман.

— Қўйсангиз-чи, ўртоқ...

— Тўхта дедим. Сув муздек, сен эса ҳали тузалганинг йўқ.

Мўлжаллаб тўриб шартта қизил аскарни кўтарди (енгил, уч пудча келади, кўп эмас). Четвертак унинг бўйнидан кучоқлади ва бирдан негадир қизара бошлади. Қулоқларигача қизариб кетди:

— Мени худди ёш боладек...

Старшина унга ҳазил қилмоқчи бўлди, ахир у тўнка кўтариб кетаётгани йўқ — аммо бутунлай бошқа нарса ҳақида гапирди:

— Нам жойда кўп югурма...

Муздек сув тиззагача келарди. Олдинда Гурвич юбкасини кўтариб, сув кечиб бораарди. Унинг озгин болдири кўриниб туар, мувозанатни сақлаш учун этигини силкитарди. У орқасига қаради:

— Совуқлигини қаранг... Бр-р!..

Шундай деди-ю, юбкасини туширди. Энди этаги сувга тегиб бораарди. Комендант жаҳл билан бақирди:

— Этагингни кўтар!

Гурвич тўхтаб, жилмайди:

— Уставда бунаقا команда йўқ, Федот Евграфич.

Яхши, ҳали тушкунликка тушганларича йўқ, ҳазиллашибаштди! Бу Васковга ёқди ва у жойига, Комелькова гулханларга ўт қўяётган жойга кайфияти кўтарилиб келди. Овозининг борича бақирди:

— Қаний, қизлар, дадилроқ ишланглар!..

Узоқдан Осянина жавоб қилди:

— Эҳ-ҳей!.. Иван Иваинич, аравани келтир!..

Улар бақиришар, кесиб қўйилган дарахтларни итариб қулатишар, гулхан ёқишарди. Эркак кишининг ҳам овози эшитилиши учун старшина ҳам бальзан бақириб қўяр, лекин кўпроқ толзорда яшириниб ўтириб, нариги томондаги буталарни сергак кузатарди.

Анчагача у ерда ҳеч нарсани илғаб бўлмади. Унинг жангчилари бақиравериб чарчашди, қирқиб қўйилган дарахтларни Осянина билан Комелькова қулатиб бўлишди, қуёш ўрмон устига кўтарилиб, сойни ёритдию, лекин нариги томондаги буталар қимирамас, жим турарди.

— Балки қайтиб кетишгандир,— қулоги остида Комелькова шивирлади.

Худо билади, әктиомол қайтиб кетишгандир. Вассков балки немислар сургалиб сой бўйига яқинлашганилари ни сезмаган бўлиши ҳам мумкин. Улар ҳам анойи өмас, ахир: бунаقا ишга дуч келган одамни юбориша вермайди...

Старшина шундай деб ўйлади-ю, қисқа жавоб қилди:

— Сабр қил.

Яна сўнгги шохларигача кўздан кечириб чиққан буталарга тикилди. Шундай тикилдики, кўзларидан ёш чиқиб кетди. Кўзини пирпиратиб, кафти билан артди ва сесканиб кетди: деярли рўпарасида, сойниг нариги томонида ольхазор силкиниб, ораси очилди ва оралиқда ёш йигитнинг соқоли ўсган юзи аниқ кўринди.

Федот Евграфич қўлинни орқага узатиб, Комелькованинг думалоқ тиазасини топиб қисди, Комелькова-нинг лаби унинг қулогига тегди:

— Кўряпман...

Пастроқда яна биттаси кўзга чалинди. Иккитаси енгил, юксиз қирғоқча чиқди ва автоматларни ўқтаби, нариги сершовқин-қирғоқни кузата бошлиашди.

Вассковнинг юраги орқасига тортиб кетди: разведка! Демак, ўрмонни текшириб, дараҳт кесувчиларни санаб, уларнинг орасидан йўл топмоқчи бўлишибидда. Ҳамма нарса, бутун режа, ҳамма бақириқлар, ту-тун, кесилгам дараҳтлар беҳуда бўлди: немислар қўрқишишмади. Улар ҳозир сойдан ўтишади, буталар орасига шўнғиб, қизлар овози келаётган, гулханлар ва шовқин томон илондек ўрмалаб боришади. Бармоқ билан санаб, таҳлил қилишади ва... ўзларини сездириб қўйганиларини англашади.

Федот Евграфич шохни қимирлатиб юборишдан қўрқиб, оҳиста тўппончасини олди. Бу иккаласини-ку сувдан чиқмаёқ тинчитади. Албатта, шундан кейин унга қарата отишади, қолган ўн тўрт автоматдан баравар ўқ узишади, лекин қизлар чекиниб, яшириниб олишга улгуришлари турган гап. Комельковани бу ердан жўнатса бўлгани.

Старшина орқасига қаради. Евгения унинг орқасида чўккалаб ўтирганча гимнастёркасини жаҳл билан

бошидан тортиб ечарди. Гимнастёркани ерга улоқтириб, яширинмай, ўрнидан турди.

— Тұхта!.. — шивирлади старшина.

— Рая, Вера, келинглар, чўмиламиз! — жарангдор овозда қичқирди Женъка ва буталарни синдириб, түғри сув томон юрди.

Федот Евграфич негадир унинг гимнастёркасини олиб, нимагадир кўксига боеди. Дўндиққина Комелькова эса қуёш нур сочиб турган тошлоқ қиргоқча чиқди.

Рўпарада шохлар қимирлаб, кулранг-яшил шарпаларни яширди. Евгения тиззалари қалтираб, юбкаси ни, ичкўйлагини ечди ва қўллари билан қора трусигини силаб туриб, бирдан баланд, жарангдор овозда куйлай бошлади:

Гуллади боғда олма ва ноклар,

16

Дарё узра сузмоқда туман...

Оҳ, нақадар гўзал эди у ҳозир, нақадар іўзал! Новча, бадани оппоқ, момикдек — автоматлардан ўн метрча масофада турибди. Қўшиқни тўхтатиб, сувга қадам қўйди, қийқириб, шовқин кўтариб чўмила бошлади. Сув томчилари унинг таранг танасидан оқиб тушаётib қуёш нурида товланар, комендант эса нафасини ичига ютиб, даҳшат билан автоматлардан ўт очилишини кутарди. Мана ҳозир, ҳозир шу таранг сийнага ўқ келиб тегади-ю, Женъка букчайиб, қўлларини ёзди ва...

Буталардан еадо чиқмасди.

— Қизлар, келинглар, чўмиламиз! — Комелькова сув ичиди типирчилаб, жарангдор өвози билан қувноқ қичқиради. — Иванни чақиринглар! Ҳей, Ванюша, қаердасан?..

Федот Евграфич унинг гимнастёркасини улоқтириди, тўппончани гилоғига солди, эмаклаб, ўрмон ичкарисига ташланди. Болтани олиб, нарироқ югуриб борди-да, газаб билан қарагайта урди.

— Ҳо-ҳой, кетяпман!.. — бақирди у ва жна дарахтга болта урди. — Ҳозир борамиз, шошма!.. Ҳо-ҳо-ҳой!..

Умрида ҳеч қачон бунчалик тез дарахт қулатмаган, бу куч қаёқдан келганига ўзи ҳам ҳайрон эди. Елкаси билан итариб, шовқин кўпроқ чиқиши учун қуруқ арчалар устига қулатди. Ҳансира, орқага,

кузатиб турган жойига югуриб келди ва нариги томонга мўралади.

Женъка қирғоқда унга ва немисларга ёни билан турарди. Ичкўйлагини хотиржам кияркан, шойи мато баданига ёпишиб, ҳўл бўлиб, ўрмон ортидан тушаётган қуёш нурида шаффоффдек кўринарди. Женъка буни биларди, албатта ва шу туфайли шошилмай, соchlарини елкасига ёярди. Яна Ваксов, ҳозир буталар орасидан ўқ отилади-ю, бу навқирон гавдани тилка-пора қилиб юборади, деб кутиб турарди. Бу кутиш Ваксонинг юрак-бағрини эзиз юборди.

Женъка мармардек оқ жойини кўрсатиб, кўйлаги остидан ҳўл лозимини ечди, уни сиқиб, тош устига ёйиб қўйди, кейин ўзи ҳам оёқларини чўзиб ўтирди ва тўзғиган соchlарини қуёшга тутди.

Нариги қирғоқ эса жим эди. Қирғоқдан садо чиқмас, буталар ҳам қимирламасди. Ваксов қанча тикилмасин, немислар ҳали ҳам ўша ердами ёки қайтиб кетишидими — аниқлай олмади. Тахмин қилиб ўтиришга вақт йўқ эди, шу сабабли комендант гимнастёркасини дарров ечиб, тўппончани шими чўнтагига солди ва шохларни қасир-қусир синдириб, қирғоқка қараб юрди.

— Қаердасан?

Дадил бақирмоқчи бўлди-ю, эплай олмади, томонтига бир нарса тиқилиб қолди. Буталар орасидан ялангликка чиқди — қўрқувдан оёқлари учигача музлаб кетди. Комелькованинг ёнига борди:

— Райондан телефон қилишди, ҳозир машина келади. Хуллас, кийин, офтобда тобланганинг етар.

Нариги томондагилар эшитсин деб қаттиқ гапириди, лекин Комелькова нима жавоб қилганини эшитмади. Унинг бутун эътибори немисларга, буталарга қаратилган эди. Вужуди шундай қулоққа айланган эдики, назарида ўша томонда бир япроқ қимирласа ҳам эшитадигандек, сезадигандек ва шу заҳоти анави тош орқасига чўзилиб, тўппончасини ҳам чиқаришга улгурадигандек эди. Аммо ҳозирча у ерда ҳеч нарса қимирламагандек эди.

Женъка унинг қўлидан торти, комендант ёнига ўтирди ва бирдан қизнинг кулиб турганини, катта очилган кўзлари эса даҳшатга тўлалигини кўрди. Бу даҳшат жонли, симобдек оғир эди.

— Жўна бу ердан, Комелькова,— ўзини зўрлаб кулиб деди Ваксов.

Женъка яна нималарнидир гапирди, ҳатто кулди, бироқ Федот Евграфич ҳеч нарса эшитмасди. Уни олиб кетиш, буталар орасига олиб кетиш керак эди, чунки қачон отишаркин, деб дақиқаларни санашга ортиқча мажоли қолмаганди. Лекин лаънати фрицлар исканжага олмасликлари, немисларни лақиллатётган бу ўйин енгил кўчиши учун ниманидир ўйлаб топиш керак эди.

— Яхшиликча жўнамасанг, сени одамларга кўз-кўз қиласман!— старшина бирдан бақирди ва тош устидан қизнинг кийимини олди.— Қани, етиб ол!

Женъка шундай пайтда қичқириш табиий бўлгани учун чийиллаб старшинанинг орқасидан югурди. Ваксов аввалига унга тутқич бермай қирғоқ бўйлаб югурди, кейин эса буталар орасига ташланди ва ўрмон ичкарисига киргандан кейингина тўхтади.

— Кийиниб ол. Ўт билан ўйнашганинг етар. Бўлди энди!..

Тескари ўгирилиб, юбкани узатди, Женъка эса олмади, старшинанинг қўли чўзилганча қолаверди. Уришмоқчи бўлиб ўгирилиб қаради — жангчи Комелькова юзини қўллари билан беркитиб, букчайиб ўтирас, ичкўйлагининг ингичка тасмаси остида думалоқ елкалари силкиниб, титраб-қақшаб, аччиқ йифларди...

Улар кейин, немислар қайтиб кетганини билишганидан сўнг хахолаб кулишди. Осянинанинг хириллаб қолганидан, Гурвич юбкасини куйдириб кўйганидан, Четвертакнинг афти қоракуя бўлганидан, Женъка фрицларни боплаб алдаганидан, старшина Ваксов устидан кулишди. Кулганда ҳам кўзларидан ёш чиққунча, ҳоллари қолмагунча кулишди. Ваксовнинг ўзи ҳам бирдан старшина эканлигини унутиб, немисларни алдашганини, уларни боплаб алдашганини, энди улар қўрқув ва ваҳима билан Легонт кўлини айланиб ўтиш учун бир кеча-кундуз йўл босишларини ўйлаб, кулади.

— Бўлди энди!..— дерди Федот Евграфич улар хахолаб кулишаётганда. — Бўлди, қизлар, Бричкина вақтида етиб келса, улар ҳеч қаерга қочиб қутулишолмайди.

— Бричкина тез қайтади, — деди овози хириллаб

Осянина ва яна хаҳолай бошлади, чунки овози жуда фалати чиқди, — у чаққон қиз.

— Шу ишимиз учун, келинглар, қиттай-қиттай ичамиз, — деди комендант ва флягани чиқарди. — Бричкинанинг чаққонлиги ва сизларнинг фаҳм-фаросатингиз учун ичамиз, қизлар!..

Шундай дейиши билан қизлар ҳаракатга тушиб қолиши. Тош устига сочиқ ёзиши, нон, сурёғ кесиб, балиқ тозалай бошлаши. Улар хотинлар юмуши билан шуғулланишаётганда старшина одатга кўра бир четда чекиб ўтирас, дастурхонга таклиф қилишларини кутар ва энг даҳшатлиси ўтиб кетди, деб ҳорғин ўй суради...

## 7

Лиза Бричкина ўн тўқиз йил эртанги кун орзуси билан яшади. Ҳар тонгда уни баҳт туйғуси қамраб олар, шу заҳоти онасининг ҳолдан тойдирувчи йўтали бу байрам билан учрашувни эртангги кунга улоқтириб ташларди. Бу учрашув орзусини сўндиримас, йўққа чиқармас, фақат орқага суради.

— Онамизнинг аҳволи ёмон, саноқли кунлари қолди, — огоҳлантиради отаси.

Беш йилгача отаси ҳар куни уни шу сўзлар билан кутиб оларди. Лиза чўчқа боласига, қўйларга, уларнинг боқимидағи қирчанги отга ем солиш учун ҳовлига чиқарди. Онасини ювинтириб, кийинтириб, қошиқда овқат едиради. Овқат пишириб, уйни йигиштирас, отаси қўриқлайдиган ўрмонни айланиб чиқар, сўнг нон олиб келгани энг яқин сельпога югуради. Дугоналари ўқиши аллақачон тугатиб, баъзилари ўқигани жўнаб кетищган, баъзилари эрга теккан, Лиза эса уй йигиштирас, кир ювар, қўйхонани тозалар, яна овқат пиширади. Шу тариқа келгуси кунни кутарди.

Ўша келгуси кун унинг хаёлида ҳеч қачон ойисининг ўлими билан боғлиқ бўлмасди. У онасининг сор юрган пайтларини зўрга эсларди, аммо Лизанинг ўзи ҳаётни шу қадар севардики, бу туйғу орасида ўлим ҳақидаги тасаввурга ўрин ҳам йўқ эди.

Отасининг қайсарлик билан эслатувчи ўлим ҳақидаги хабари билан ҳаётнинг фарқи унинг тушунарли, реал ва сезиларли эканлигига эди. Бу ҳаёт қаердадир ёрқин келгуси кунга яшириниб олгандай, ўрмон орасидаги кордонга беркиниб олгандай эди, лекин Лиза

ҳаёт мавжудлигини ва бу ҳаёт ўзи учун аталганлигини ва эртанги кун албатта келганидек, бу ҳаётни ҳам тўхтатиб бўлмаслигини яхши биларди. Лиза эса кутишга ўрганиб қолганди.

Лиза ўн тўрт ёшидаёқ аёлларнинг бу буюк санъатини ўргана бошлади. Онасининг бетоблиги сабабли мактабни ташлаб кетиб, аввалига синфга қайтишини кутди, кейин дугоналари билан учрашувни кутди, сўнг клуб олдидаги майдончада ўтадиган, камдан-кам бўладиган оқшомларни кутди, кейин...

Кейин эса тўсатдан кутадиган ҳеч нарсаси қолмади. Дугоналарининг баъзилари ўқишар, баъзилари ишлашар ва ундан узоқда яшашар, энди уларнинг қизиқишилари бошқача эди, Лиза эса аста-секин уларни тушунмайдиган бўлиб қолди. Бир вақтлар клуб олдида сеансдан олдин bemalol суҳбатлашиб, кулишиб юрган йигитлар энди бегонадек, енгилтакдек кўринишарди. Лиза ўзини тортадиган, индамай ўтиб кетадиган, қувноқ кампаниялардан узоқроқ юрадиган бўлди, кейин эса клубга бутунлай бормай қўйди.

У болалигидан ва эски дўстларидан шу тариқа ажrala бошлади. Янги дўстлари эса йўқ эди, чунки уй деразасидан кўринадиган керосин чироқнинг лишиллаган ёруғи кекса ўрмончилардан бошқа ҳеч кимни жалб қилмасди. Лиза изтироб ва даҳшатда эди. Чунки у болалиги ўринии нима эгаллашини билмасди. Қаҳратон қиши саросима ва ниманидир кутиш билан ўтди, баҳорда эса отаси аравасида бир овчини олиб келди.

— Бизникида турмоқчи, — деди у қизига. — Аммо қаерга жой солиб берамиз. Ойинг ўлим тўшагида ётган бўлса.

- Пичанхона бордир балки?
- Ҳали совуқ,— ботинмай деди Лиза.
- Пўстин берасизми?..

Отаси меҳмён билан ошхонада анчагача ароқ ичишиб ўтиришди. Тахта девор ортида онаси қаттиқ йўталаради. Лиза карам олиб келиш учун ертўлага югурап, қуймоқ пиширар ва гапга қулоқ соларди.

Кўпроқ отаси гапиради. Ароқни стаканлаб ичар, бармоқлари билан идишдан карам олиб, мўйлови ўсиб кетганидан кўринмай қолган оғзига тиқар, чайналиб, тўхтовсиз гапиради.

- Сен гапимни эшит, эшитиб тур, авизим, Ҳаётни

ҳам ўрмон каби сийраклатиб, тозалаб туриш керак, шунақами? Тўхта. Қуриган, касал дараҳтлардан, буталардан тозалаш керак. Шундайми?

— Тозалаш керак,— тасдиқлади меҳмон.— Сийраклатиш эмас, тозалаш керак. Бегона ўтни юлиб ташламоқ лозим.

— Хўш,— деди отаси.— Хўш. Сабр қил. Агар ўрмон бўлса, биз ўрмончилар яхши тушунамиз. Гап ўрмон ҳақида бўлса, биз тушунамиз. Гап ҳаёт тўғрисида Соргандча-чи? Агар жонли нарса бўлса, чийиллаб чопиб юрса-чи?

— Масалан, бўри...

— Бўри!..— отасининг жаҳли чиқа бошлади.— Бўри сенга ҳалақит беряптими? Нима учун ҳалақит беряпти. Нима учун?

— Шунинг учунки, унинг тишлиари бор,— овчи жилмайди.

— Нима, у бўри бўлиб туғилгани учун гуноҳкорми? Йўқ, азизим, уни биз ўзимиз гуноҳкорга чиқариб қўйдик, ўзидан сўрамай, биз гуноҳкор қилиб қўйдик. Шу вижданданми ахир?

— Биласанми, Петрович, бўри билан вижданни таққослаб бўлмайди.

— Таққослаб бўлмайди? Хўш, бўри билан қуённи таққослаб бўладими? Ҳирингламай тур, азизим!.. Майли, бўриларни аҳолининг душмани деб қаралади. Майли. Биз бу ишга умумхалқ иши деб қараб, бутун Россияда ҳамма бўриларни умумхалқ йўли билан қириб ташладик, дейлик. Ҳаммасини!.. Кейин нима бўлади?

— Нима бўлади деганингиз нимаси?— овчи кулиб турарди.— Парранда кўп бўлади...

— Кам бўлади!..— бақирди отаси ва сержун қўлини мушт қилиб, бор кучи билан столга урди.

— Кам бўлади, тушундингми? Ҳайвон дегани омон бўлиши учун чопиши керак. Чопиши, азизим, тушунарлими? Чопиши учун қўрқув даркор, ем бўлишдан қўрқиш даркор. Ана шунаقا. Албатта, ҳаётни бир қолипга солиши мумкин. Ҳа мумкин. Лекин нима учун? Хотиржамлик учунми? Бўри бўлмаса, ахир қуёнлар семириб кетади, ялқов бўлиб қолади. Унда нима қиласиз? Бўриларни ўзимиз қўпайтира бошлаймиз ёки қуёнларни қўрқитиш учун чет эллардан сотиб оламиз.

— Сени қулоқ қилишгани йўқми, Иван Петрович? — меҳмон тўсатдан секин сўради.

— Мени нимамга қулоқ қилишади? — ўрмончи хўрсинди. — Бутун бойлигим — икки муштумим, хоти-ним-у, қизим. Мени қулоқ қилишларидан фойда йўқ уларга.

— Улари ким?

— Уларга эмас, бизга! Отаси стаканга қуийб, уришириди. Мен бўри эмасман, азизим, мен қуёнман. — Стаканда қолганини кўтариб ичди, айиқдек жун босган бу одам ўрнидан тураётib, столни итариб юборди. Эшик олдида тўхтади. — Бориб ухлайман. Сени қизим кузатиб қўяди. Ётадиган жойингни кўрсатади.

Лиза бурчакда жим ўтиради. Овчи шаҳарлик бўлиб, ёш, тишлари оппоқ эди, бундан Лиза уяларди. Унга кўзини узмай тикилиб, кўзи кўзига тушишидан қўрқиб, вақтида нигоҳини олиб қочар, у гапга солса, жавоб бера олмаслигидан ёки пойма-пой жавоб қилишидан қўрқарди.

— Отангиз эҳтиёткор эмас экан.

— У қизил партизан бўлган, — шошилиб жавоб қилди. Лиза.

— Бунисини биламиз, — меҳмон жилмайиб, ўрнидан турди. — Қани, менга йўл кўрсатинг, Лиза.

Пичанхона ертўладек қоронғи эди. Лиза эшик олдида тўхтади, ўйланиб турди-да, меҳмоннинг қўлидан оғир пўстин ва ичидаги пахтаси думалоқ думалоқ бўлиб қолган ёстиқни олди.

— Шу ерда кутиб туринг.

Лиқиллаб турган нарвондан юқорига чиқиб, пи-чанин пайпаслаб титди, бош томонга ёстиқни ташлади. Энди пастга тушиш, меҳмонни чақириш мумкин эди, лекин у хушёрлик билан қулоқ солиб, ҳамон ўтган йилги майин пичан устида ғимирлар, уни ёзив, қулайроқ қилиб тўшарди. Овчининг оёғи остида зина қирсиллашини кутганини, қоронғида шошилинч ва бемаъни учрашувни хоҳлаганини, унинг нафасини, шивирлашини, ҳатто қўполлик қилишини истаганини умрида ҳеч тан олмаган бўларди. Йўқ, хаёлига ҳеч қандай ёмон ўй келмаган, фақат юраги бирдан тез дукиллаб уришини, қандайдир хи-

ра, оташли нарса пайдо бўлиб, сўнг ғойиб бўлишини истаганди.

Лекин зинани ҳеч ким қисирлатмади, Лиза пастга тушди. Мехмон эшик олдида папирос чекаётган эди. Лиза, пичанхонада чекакўрманг, деди жаҳл билан.

— Биламан,— деди у папирос қолдигини топтаб ўчирапкан.— Яхши туш кўринг.

Шундай деди-ю, ухлагани кетди. Лиза эса идишларни йигиштириш учун уйга шошилди. Ҳар бир тақсимчани одатдагидан секинроқ артиб, идишларни йигиштирас экан, яна дераза тақиллашини қўрқув ва умид билан кутарди. Бироқ ҳеч ким тақиллатмади. Лиза чироқни ўчириб, ойисининг кундалик йўтали ва маст отасининг қаттиқ хуррагига қулоқ солиб, жойига ётди.

Мехмон ҳар куни эрталаб уйдан чиқиб кетар, кечқурун очиқиб, чарчаб қайтиб келарди. Лиза унга овқат берарди, у шошилиб, лекин очкўзлик қилмай ер, бу эса Лизага ёқар эди. Овқатланиб бўлиб, дарров пичанхонага жўнарди, Лиза эса уйда қоларди, чунки жой тайёрлашга ҳожат йўқ эди.

— Нега сиз овдан ҳеч нарса олиб келмайсиз?— деди Лиза бир куни юрак ютиб.

— Омадим келмаяпти,— у жилмайди.

— Озиб кетдингиз,— давом этди Лиза унга қарамай.— Шу ҳам дам олиш бўлдими?

— Бу ажойиб дам олиш, Лиза,— меҳмон хўрсинди.— Афсуски, вақтим тамом бўлиб қолди, эртага қайтиб кетаман.

— Эртага?..— қайта сўради Лиза зўрга.

— Ҳа, эрталаб. Хуллас, ҳеч нарса отолмадим. Кулгили, тўғрими?

— Кулгили,— деди у ғамгин оҳангда.

Улар бошқа гапиришмади, лекин овчи чиқиб кетиши билан Лиза ошхонани наридан-бери йигиштириб, ҳовлига шошилди. Сарой атрофида анчагача айланиб юрди, меҳмон хўрсиниб, йўталганига қулоқ солди, бармоқларини тишлади, кейин эшикни секин очди ва ниятидан қайтишдан қўрқиб, тезда пичан устига чиқди.

— Ким?..— секин сўради овчи.

— Мен,— деди Лиза.— Балки ўрнингизни тўғрилаб...

— Керакмас,— у Лизанинг галини бўлди.— Бор, ухла.

Лиза пичанхонанинг дим сукунатида қаердадир унинг ёнида жим ўтиради. Овчи Лиза бор кучи билан нафасини тутиб турганини сезди.

— Нима, зерикдингми?

— Зериқдим,— деди Лиза эшитилар-эшитилмас.

— Ҳатто зерикканда ҳам нодонлик қилмасдик керак.

Лизага у кулаётгандек туюлди. Қиз ундан ҳам, ўзидан ҳам нафратланиб ўтиради. Бу ерга нимага келганици билмаганидек, ҳозир нега ўтирганини ҳам билмасди. Лиза ҳеч қачоҷ йигламаган, чунки доим ўзи ёлғиз бўлиб, ёлғизликка кўнишиб қолган эди, ҳозир эса дунёда ҳамма нарсадан кўра ўзига шафқат кўрсатишларини истарди. Мулойим сўзлар айтиб, бошини силашларини, овтишларини ва бунисини ҳам тан олмади — ҳатто ўпишларини истарди. Аммо ойиси уни сўнгги марта бундан беш йил олдин ўпганини ва бу бўса ҳозир унга орзу қилиб яшаётган гўзал эртаниги кун гарови сифатида зарурлигини айта олармиди.

— Бор, ухла,— деди у.— Мен чарчадим. Эртага барвақт жўнашим керак.

Шундай деб, эснади. Узоқ эснади. Лиза лабини тишлаб, ўзини пастга ташлади, тиззасини қаергадир қаттиқ уриб олди ва эшикни тарақлатиб ёпиб, ҳовлига отилиб чиқди.

Эрталаб у отаси оти Димкани аравага қўшганини, меҳмон онаси билан хайрлашганини, дарвоза ғичирлаганини эшилди. У ўзини ухлаётганга солиб ётар, киприклари орасидан ёш сизиб чиқарди.

Тушда отаси маст бўлиб қайтди. Шапкасидан стол устига каллақанднинг кўкимтири, қиррали бўлакларини тарақлатиб тўқди ва ажабланиб деди:

— Меҳмонимиз амалдор чиқиб қолди! Бизга шунча қанд беришни буюрди. Биз эса сельпомизда бир йилдан бери қанд кўрмаймиз. Уч кило қанд!..

Кейин жимиб қолди, чўнтакларини узоқ титкилади ва тамаки халтачасидан эзилган қоғоз парчасини чиқарди:

— Ушла.

«Сен ўқишинг керак, Лиза. Үрмонда бутунлай

ёввойи бўлиб қоласан. Августда кел: ётоқхонаси бор техникумга киритиб қўяман».

Имзо ва адрес. Бошқа ҳеч гап, ҳатто салом ҳам йўқ.

Бир ойдан кейин ойиси вафот этди. Ҳамиша қовогини солиб юрадиган отаси ваҳший бўлди-қолди. У яшириңча ичар, Лиза эса кечаси отасининг дўстларидан бекиниб, эшикни маҳкам ёпиб олар ва ҳамон эртанги кунни кутарди. Энди бу эртанги кун август билан қатъий боғлиқ эди, Лиза девор ортидаги масталаст бақириқларни эшишиб ўтириб, ғижимлиниб йиртилиб кетган ўша хатни мингинчи марта ўқирди.

Уруш бошланиб қолди ва Лиза шаҳарга бориши ўрнига мудофаа ишларига тушиб қолди. Ёз бўйи немислар осонгина айланиб ўтаётган ҳандақ ва танкка қарши истеҳкомларни қазиди, қуршовга тушди, қуршовдан ёриб чиқиб яна ҳандақ қазиди. Шу тариқа борган сари шарққа сурилаверди. Кеч кузда Валдай ортига келиб қолди, зенит қисмига қўшилди, шу сабабли ҳозир 171-разъездга югуриб кетмоқда...

Васков Лизага дарров, уларнинг сафи олдида ҳали уйқу қочмаган кўзларини пирпиратиб, ҳайрон бўлиб тургандиёқ ёқиб қолган эди. Унинг камсуқумлиги, деҳқонча босиқлиги ва ҳамма аёллар оила мустаҳкамлигининг гарови деб биладиган эркакларга хос қатъийлиги маъқул бўлган эди. Шундай бўлдики, ҳамма комендант устидан кулиб, ҳазил қила бошлади: бу яхши қилиқ эди. Лиза бунаقا гапларга қўшилмасди, лекин ҳамма нарсадан хабардор Кирьянова кулиб туриб, уй бекасининг паривашлигига старшина тоб бера олмабди, деб хабар қилганда, бирдан Лизанинг жаҳли чиқиб кетди.

— Ёлғон бу!..

— Севиб қолибди! — тантанавор оҳ урди Кирьянова.— Қизлар, Бричкинамиз севиб қолибди! Ҳарбий кишига ишқи тушибди!

— Бечора Лиза! — Гурвич қаттиқ хўрсинди.

Шундан кейин ҳамма бараварига гапира бошлади. Хаҳолаб кулишди, Лиза эса хўнграб йиғлаб, ўрмонга қочиб кетди.

Рита Осянина уни тўнка устида йиғлаб ўтирган жойида қидириб топди.

— Қўйсанг-чи, нодон қиз, соддароқ яшаш керак.  
Соддароқ, тушундингми?

Аммо Лиза уятчанлигидан, старшина эса хизматдан бўғилиб яшарди, агар шу ҳодиса бўлмагандан уларнинг кўзлари ҳеч қачон тўқнашмаган бўларди. Шу сабабли Лиза ўрмондан қанот пайдо қилгандек, учиб борарди.

«Сен билан кейин бирга қўшиқ айтамиз, Лизавета,— деди старшина.— Олдин жанговар буйруқни ба-жарайлик, кейин...»

Лиза унинг гапларини ўйлар ва таранг юзларида акс этиб, қалбида уйгонаётган нотаниш қудратли туйғудан уялиб, жилмаярди. Старшина ҳақида хаёл суриб, таниш қарагай олдидан ўтиб кетиб қолди, ботқоққа этиб боргач таёқ ёдига тушди, лекин орқага қайтгиси келмади. Бу ерда синган дараҳтлар етарли эди, Лиза битта ёғочни танлаб олди.

Лойқа сувга тушишдан олдин диққат билан қулоқ солди, кейин кир қилмаслик учун юбкасини ечди.

Юбкани таёқ учига боғлаб, лой бўлмасин деб, гимнастёркаси этагини қайириб, камарига қистирди, ҳаворанг рейтузини кўтариб, ботқоққа қадам қўйди.

Бу сафар ҳеч ким лойни ёриб, олдинда йўл кўрсатиб бормасди.

Суюқ балчиқ белига ёпишар, орқасидан эргашар, Лиза эса қийинчилик билан, ҳансирақ, тебраниб, олға босарди. Совуқ сувдан қалтираб, оролдаги икки туп қарагайдан кўзини узмай одимларди.

Аммо на лой, на совуқ, на оёғи остидаги жонсиз, лекин нафас олаётган замин унинг учун хавфли эмасди. Ёлғизлик, қўнғир тусли ботқоқ устида ҳукм суроётган сукунат даҳшатли эди. Лиза беихтиёр даҳшатни сезар, бу даҳшат йўқолмас, балки қадам сайин кучаяр ва у атрофга назар ташлашдан, ортиқча ҳаракат қилишдан ёки ҳеч бўлмаса чуқур нафас олишдан ҳам қўрқиб, мажолсиз, ночор ҳолга тушиб қалтиарди.

Лиза оролчага қандай чиқиб олганини яхши эслолмасди. Тиззалаб эмаклаб чиқди, чириган ўтлар устига муқ тушди-ю, йиғлаб юборди. У совуқдан, ёлғизликдан ва жирканч қўрқувдан қалтираб пиқиллаб йиғлар, кўз ёшларини юмaloқ юзига суриб артарди.

Ўрнидан турди — кўз ёшлари ҳамон тинмасди. Бурнини торта-торта оролни кесиб ўтиб, бу ёғига қан-

дай кетишни мўлжаллади, дам олмай, куч тўпламай туриб ботқоққа қадам қўйди.

Олдин унча чуқур эмасди. Лиза ўзини тутиб олди, анча кўнгли ёришди. Ботқоқнинг сўнгги бир қисми қолди, бу қолган йўл нақадар қийин бўлмасин, у ёғи қуруқлик, қаттиқ, ўтлар ва дараҳтлар ўсган қадрдан ер. Лиза қаерда юванишни ўйлаб, ҳамма қўлмакларни хотирлади ва кийимни ювсамми ёки разъездга сабр қилсамми деб мўлжаллай бошлади. Ботқоқдан ўтса, у ёғи яқин, йўлни, ҳамма муюлишларни ёдидаги яхши сақлаб қолган, бир-бир ярим соатда ўзимизни-килар олдига етиб олиши аниқ.

Юриш қийинлашди, ботқоқ тиззага чиқа бошлади, лекин қадам сайин нариги қирғоқ яқинлашарди, старшина ўшанда устидан ботқоққа сакраган тўнкани Лиза аниқ, ёриғларигача кўриб туарди. Старшина айиққа ўхшаб қўйпол, кулгили сакраган, йиқилишига сал қолган эди.

Лиза яна Ваксов ҳақида ўйлай бошлади ва ҳатто юзида табассум пайдо бўлди. Улар биргалашиб қўшиқ айтишади, комендант жанговар буйруқни бажариб, яна разъездга қайтиб келгач, албатта биргалашиб қўшиқ айтишади. Фақат айёллик қилиб уни алдаб, кечқурун ўрмонга бошлаб бориш керак бўлади. У ерда эса... У ерда кўрамиз, ким кучлилигини, у зўр келадими ёки старшина билан бирга бир хонада яшаётганидан бошқа фазилати бўлмаган уй бекасими...

Олдинда улкан қўнғир пуфдик кўтарилиди. Бу шу қадар кутилмаганда, тез ва яқингинасида юз бердики, Лиза беихтиёр ўзини четга олди. Фақат бир қадам четга олди, оғи ёки эса дарров таянчни йўқотиб қўйди, ёпишқоқ бўшлиқ устидан осилиб қолди ва ўпқон юмшоқ омбир билан белини қисди. Аллақачондан буён тўпланиб турган даҳшат юрагида қаттиқ, даҳшатли оғриқ қолдириб бирдан ташқарига сапчиди. Лиза нима қилиб бўлса ҳам ўзини тутиб қолиш, сўқмоққа бир амаллаб чиқиб олишга уриниб, бутун оғирлиги билан таёққа таянди. Қуруқ ёғоч қирсиллаб синди ва Лиза суюқ балчиқ устига юзтубан йиқилди.

Замин йўқ эди. Оёғини оҳиста, даҳшатли равишда секин пастга тортиб борар, қўллари балчиқни бекорга сурар, Лиза балчиқ ичидаги бўғилиб типирчиларди. Сўқмоқ эса ёнгинасида, бир қадам, ярим қадам нари-

да эди, лекин шу ярим қадамни қўйишнинг иложи йўқ эди.

-- Ердам беринглар!.. Ердам!.. Ердам беринглар!..

Қўнғир тусли бепарво ботқоқ устида даҳшатли қичқириқ анчагача жаранглаб турди. Бу қичқириқ қарағайлар учига кўтарилар, ольхазорда барглар орағида ўралашар, хириллаб сёкинлашар ва яна янги куч билан булутсиз май осмонига кўтарилади.

Лиза бу мовий гўзал осмонни анчагача кўриб турди. Хириллаб, оғзига кирган лойни туфлаб ташлар ва осмонга интилар, интилар ва умидвор эди. Дарахтлар ортидан қуёш оҳиста сузуб чиқди, унинг нурлари ботқоққа тушди ва Лиза қуёшнинг иссиқ, эртанги кунни ваъда қилаётган чираб бўлмайдиган даражада ёруғ нурини сўнгги марта кўрди. У ана шу эртанги кун ўзига ҳам ато этишига сўнгти дақиқагача ишонарди...

## 8

Хаҳолашиб овқатланишаётганда (иссиқ овқат әмаслиги равшан) душман анча олислаб кетди. Содда қилиб айтганда, сершовқин қирғоқдан, шанғи хотинлар-у, кўзга қўринмас эркаклардан қочиб, жуфтакни ростлади, ўрмон ичига яширинди.

Бу Васковга ёқмасди. Ўнинг жанговар тажрибаси гагина эмас, овчилик тажрибаси ҳам бор эди, шунинг учун душман билан айиқни кўздан қочириб бўлмаслигини тушунарди. У ерда нималар қилишини, қаёқ қа кетишини, қаерга пистирма қўйишини худо билади. Ана унда ёмон овга ўхшаб қолади: сен айиқни қувлаяпсанми, айиқ сени қувлаяптими,— тушунолмай қоласан. Бундай ҳол юз бермаслиги учун старшина қизларни қирғоқда қолдириб, ўзи Осянина билан қидириув бошлади.

— Орқамдан юр, Маргарита. Мен тўхтасам — сен ҳам тўхта, мен ётсам — сен ҳам ёт. Немис билан бекинмачоқ ўйнаш деярли ўлим билан ўйнашишдек гап, куллас, бутун вужудингни қулоққа айлантир, қулоғу кўзга айлан.

Унинг ўзи олдинда борарди. Бутадан бутага, қоядан қояга ўтарди. Кўзларидан ёш чиқиб кетгудек бўлиб олдинга тикилар, ерга қулоғини тутиб тинглар, ҳавони ҳидлар — ҳозир портлаб кетадиган гранатадек,

ҳар нарсага тайёр әди. Атрофга тикилиб қараб, қулоқ солиб, қўлинини сал қимирлатар,— шу заҳоти Осянина унга етиб оларди. Иккаласи — бирор жойда шох қирсилламадими, нодон зағизғон ҷағилламадими деб қулоқ солиб туришар, кейин старшина яна энгашиб, олдинга, навбатдаги пана жойга соядек силжир, Рита эса жойида қолар, икки киши учун сергаклик билан қулоқ солиб турарди.

Улар шу тариқа тепаликдан ўтиб, асосий позицияга, кейин эрталаб Бричкина немисларни айланиб ўтиб, ўрмонга чиққан ёш қарагайзорга етиб келишди. Ҳозирча ҳеч қандай диверсиячи бўлмагандек, ҳамма-ёқ тинч, хотиржам әди. Лекин Федот Евграфич бу ҳақда ўйламас, кичик сержантнинг ҳам бу ҳақда ўйлашига йўл қўймасди.

Еш қарагайзор ортида Легонт кўлининг моҳ босган, сertoш қирғоги бошланарди. Ўрмон эса қирғоқдан анча наридан, тепаликдан бошланарди, ўрмонга қийшиқ ўсган оқ қайназор ва онда-сонда дуч келадиган пакана арчалар сафи орқали бориларди.

Шу ерда старшина тўхтаб қолди: дурбин билан буталар орасини кўздан кечирди, қулоқ солди, кейин сал кўтарилиб, тепаликдан кўлнинг сатхи томон билинч-билинмас эсаётган шабадани ҳидлаб кўрди. Рита моҳ устида кийими аста-секин нам бўлаётганини сешиб, алам қилиб, индамай ётарди.

— Сезяпсанми? — секин сўради Вaskов ва ичида кулгандек бўлди: — Немисни маданияти фош қилиб қўйди: кўнгиллари кофе тилаб қолибди.

— Нега ундей деяпсиз?

— Тутун иси келяпти, демак, нонушта қилишмоқчи. Фақат ўн олти немиснинг ҳаммаси шу ердамикин?..

Ўйлаб туриб, милтигини ёш қарагайга авайлаб суюб қўйди, камарини қаттиқ тортиб боғлади ва ўтирди;

— Бирортаси қолиб кетмадимикин, Маргарита, уларни санаб чиқишга тўғри келади. Гапимга қулоқ сол. Агар отишма бошланса, ўша заҳоти бу ердан кет. Қизларни олиб, тўғри шарққа жўнанглар, каналгача. Ў ерда немислар ҳақида маълумот берасан, менимча, ўзлари ҳам билишса керак, чунки Лизавета Бричкина ҳали замон разъездга етиб бориши керак. Тушундингми?

— Йўқ,— деди Рита.— Сиз ўзингиз-чи?

— Сен, Осянина, бунақа гапни қўй,— қатъий деди старшина.— Биз бу ерда қўзиқорин териб юрганимиз йўқ. Агар мени кўриб қолишса, тирик қўлдан чиқаришмайди, бунга шубҳа йўқ. Шунинг учун дарров жўна. Буйруқ тушунарлимиси?

Рита жавоб бермади.

— Нима деб жавоб беришинг керак, Осянина?

— Тушунарли, деб жавоб қилишим керак.

Старшина жилмайди ва энгашиб яқин жойдаги қўйтош томон югурди.

Рита ундан кўз узмай турди-ю, шунга қарамай қачон гойиб бўлганини сезмай қолди. У мох босган кулранг қўйтошлар орасида эриб кетгандек кўздан йўқолди. Юбкаси ва кўйлагининг енглари ивиб кетди: у орқага қараб эмаклаб бориб, тош устига ўтириди ва ўрмоннинг сокин шитирлашига қулоқ сола бошлади.

У ҳеч нарса юз бермаслигига қаттиқ ишонган ҳолда деярли хотиржам кутиб ўтиради. Уни ҳамма нарсанинг яхшилик билан тугашини кутадиган қилиб тарбиялашган эди: муваффақиятга шубҳа билан қараш унинг авлоди наздида деярли хоинлик билан баравар эди. Албатта, у қўрқиши ва иккиланиш нималигини бошидан кечирган, лекин қалбидаги яхшилик билан тугашига ишонч ҳамиша реал шароитдан кучлироқ эди.

Лекин Рита қанчалик қулоқ солмасин, қанча кутмасин, Федот Евграфич тўсатдан, овоз чиқармай пайдо бўлди, қарагай шохлари сал қимирлади, холос. Индамай милтиқни олиб, Ритага ишора қилди-да, буталар орасига шўнғиди. Қояларга етгачгина тўхтади.

— Сен ёмон жангчи экансан, ўртоқ Осянина. Ёмон жангчисан.

У жаҳл билан эмас, ташвишланиб гапиради. Рита кулди:

— Нима учун?

— Жўжалари бор тустовуқдек ялпайнб ўтирибсан.

Сенга эса қимирламай ётиш буюрилган эди.

— У ер жуда ҳўл экан, Федот Евграфич.

— Ҳўл эмиш...— старшина норози бўлиб гапириди.— Бахтинг бор экан, улар кофе билан овора бўлиб кетишиди, бўлмаса дарров тугатиб қўя қолишарди.

— Демак, тўғри топибсиз-да?..

— Мен фолбин әмасман, Осянина. Ўн киши овқатланяпти — уларни кўрдим. Иккитаси пистирмада: уларни ҳам кўрдим. Қолганлари бошқа жойда хизматда бўлса керак. Анча ўтиришадиган кўринади: гулханда пайпоқларини қуритишяпти. Хуллас, жойимизни ўзгартиришнинг айни пайти. Мен бу ерда, тошлар орасида қараб тураман, сен эса Маргарита, жангчилар олдига бориб, уларни бошлаб кел. Бу ерга эҳтиёт бўлиб келинглар. Кулги деган нарса бўлмасин.

— Тушунаман.

— Ҳа, айтмоқчи, ўша ерда қурисин деб тамакими ёйиб қўйгандим. Худо хайрингни берсин, олиб кел. Юкларни ҳам.

— Олиб келаман, Федот Евграфич.

Осянина жангчиларни чақириб келгани кетар экан, Ваксов ёнверидаги ва узоқдаги тошларни ҳам оралаб эмаклаб текшириб чиқди. Қузатди, қулоқ солди, ҳаммаёқни синчилаб қаради, лекин ҳеч қаерда немисларнинг ўзи ҳам, иси ҳам сезилмади, старшинанинг кўнгли бир оз ёришди. Ахир мўлжалига кўра, Лиза Бричкина разъездга етиб қолди, тезда у аҳволни хабар қиласиди. Ана шунда диверсиячилар атрофига уларни қўлга тушириш учун кўзга кўринмас гўр тортилади. Кечқурун,— узоги билан эрталаб!— ёрдам етиб келади, ёрдамга келганларни немислар изига солиб юборади-ю, кейин...

Кейин ўз қизларини қоялар орқасига яширади.  
Сўкинишлар эшитилмаслиги учун узоқроқ жойга яширади, нега деганда, бу ерда қўл жанг бўлмай иложи йўқ.

Яна у жангчилари келаётганини узоқдан билди. Улар шовқин солмай, тарақлатмай шивирлашмай келаётгандек эди. Шунга қарамай комендант уларнинг келишаётганини бир чақирим наридан билиб олди. Улар зўр беришганидан пишиллашармиди ёки атири иси етиб келдими, фақат Федот Евграфич диверсиячилар орасида ҳақиқий овчи йўқлигидан қувонди.

Жуда ҳам чеккиси келар, чекиб қўймаслик учун тамаки халтасини қизлар олдида қолдириб, мана уч соатчадан бери тошлар, дарахтлар оралаб юрарди. Уларни кутиб олиб, овоз чиқарманглар, деб огоҳлантириди ва тамаки халтасини сўради.

— Ўнутибман! Федот Евграфич, азизим, унутибман!..

Старшина, эҳ, эси йўқ аёллар, дегандек томоқ қириб қўйди. Эркак киши бўлганда бошқа гап эди: Васков болохонадор қилиб бир сўқарди-ю, овсарни тамаки халтачани олиб келгани қайтариб юборарди. Ҳозир эса жилмайишга тўғри келди:

— Майли, ҳечқиси йўқ. Тамаким бор... Сафар халтами эсадан чиқарганларинг йўқми?

Сафар халтани олиб келишганди, комендант тамаки учун эмас, халтачаси учун ачинарди, чунки халтача совға эди ва унга «Азиз Ватан ҳимоячисига», деб тикилганди. У хафа бўлганини яширишга улгурмай туриб, Гурвич орқага қараб югурди:

— Мен олиб келаман. Қаердалигини биламан!..

— Жангчи Гурвич, қаёққа?.. Ўртоқ таржимон!..

Қаёқда дейсиз: этигининг тўқиллаганигина эшитилди, холос.

Этик шунинг учун тўқиллардики, Соня Гурвич шу вақтгача ҳеч қачон этик киймаган ва тажрибасизлик қилиб, омбордан анча каттасини олган эди. Этик оёққа тўғри келса, тўқилламайди, балки тарақлади: буни армияда хизмат қилган ҳар бир киши билади. Аммо Соняning оиласи ҳарбий эмасди. Бу оиласда умуман этик кийилмасди, ҳатто Соняning дадаси ҳам умрида этик киймаган эди...

Немига ортидаги уларнинг кичкина уйи эшигига мис тахтacha осиглиқ бўлиб, унга «МЕДИЦИНА ДОКТОРИ СОЛОМОН АРОНОВИЧ ГУРВИЧ» деб ёзилган эди. Отаси медицина доктори эмас, оддий участка врачи бўлса ҳам тахтачани олиб ташлашмасди, чунки уни бобоси совға қилган ва ҳатто ўз қўли билан михқоқиб, маҳкамлаб қўйган эди. Шунинг учун маҳкамлаб қўйганки, ўғли маълумотли киши бўлиб етишган ва уни бутун Минск билиши керак эди.

Яна эшик ёнида қўнғироқ дастаси осиглпи турарди, қўнғироқ жиринглаши учун уни силкитиш зарур эди. Бу қўнғироқнинг кечаю кундуз, ёзу қиши ташвишли жиринглаши Соняning ўшлиги билан боғлиқ. Дадаси кичкина чамадонни кўтариб олиб, ҳар қандай обҳавода ҳам пиёда юарди, чунки извонида юриши қимматта тушарди. Қайтиб келгач эса, сил, томоқ оғриғи,

безгак ҳақида секин гапириб берар, бувиси унга олчадан қилинган вино қуийб берарди.

Уларнинг оиласи жуда аҳил ва катта эди: болалар, жиянлар, бувиси турмушга чиқмаган холаси, яна қандайдир узоқ қариндоши улар билан бирга туришарди. Уйда ҳеч қачон битта каравотда бир киши ухламасди, ҳар бир каравотда уч кишидан ётишарди.

Соня университетда ўқиганида ҳам опаларининг эски кўйлагидан тикилган кўримсиз, совутдек дағал кўйлак кийиб юрарди. Узоқ вақтгача бу кўйлакларнинг оғирлигини сезмади, чунки танцага қатнаш ўрнига қироатхонага, агар иккинчи қаватга билет ололса, МХАТга югуради. Лекция вақтида ёнида ўтирадиган кўзойнакли йигит у билан бирга қироатхонада ўтириши бежиз эмаслигини фаҳмлабидан кейингина кўйлакларининг ўзига ярашмаслигини сезди. Бу бир йил ўтгач, ёз вақтида содир бўлди. Горький номли маданият ва истироҳат боғида ўтказилган ягона ва унутилмас оқшомдан кейин уч кун ўтгач қўшниси унга Блокнинг юпқагина китобини совфа қилди ва кўнгилли бўлиб фронтга кетди.

Ҳа, Соня университетда ҳам опаларининг эскиларидан тикилган кўйлак кийиб юрарди. Узун ва совут каби оғир кўйлаклар...

Рост, кўп киймади: бор-йўғи бир йил. Кейин эса форма кийди. Яна икки размер катта этик.

Қисмда уни деярли билишмасди: у кўзга ташланмас ва буюрилган ишни сўёсиз бажаарарди. Зенитчиликка ҳам тасодифан тушиб қолганди. Ўша даврда мудофаа жанглари бораарди, таржимонлар етарли бўлиб, зенитчилар эса етишмасди. Ўша «мессер»лар билан бўлган жангдан кейин уни Женъка Комелькова билан бирга юбориши. Шунинг учунми, унинг овозини ёлғиз старшина эшилди:

— Гурвич бақиргандай бўлдими?

Қулоқ солишди, қоялар сукунатга чўмган. Фақат шамол ҳуштак чаларди.

— Йўқ,— деди Рита.— Сизга шундай туюлгандир.

Узоқдан келган хўрсинишдек овоз бошқа эшитилмади, лекин Ваксов юзи борган сари тундлашиб, ҳамон қулоқ соларди. Бу ғалати бақириқ унинг қулоғига ўрнашиб қолган, ҳамон бақириш эшитилаётгандек

эди. Бу бақириқ нимани билдиришини Федот Евграфич даҳшат ичида тушуна бошлаганди.

Ранги оқариб, бошқача овоз билан:

— Комелькова, орқамдан. Қолганлар шу ерда кутсин,— деди.

Васков олдинда соядек борарди, Женъка эса, ҳансираб, унга зўрга етиб юрарди. Рост, Федот Евграфич нинг юки йўқ, Женъка эса милтиқ кўтариб олган, бунинг устига юбкада, юбка эса юргургандага ҳамиша торлик қиласди. Лекин, энг муҳими, Женъка бутун кучини шовқин чиқармасликка сарфлар, қолганига мадори қолмасди.

Старшина эса бутун вужуди диққатга айланган, ҳалиги бақириққа қаратилган эди. Ягона, деярли унсиз бақириқни у бирдан эшилди, бу овоз кимники эканлигини билди ва нима бўлганини тушунди. У бундай бақириқни олдин ҳам эшилган, бундай бақириқ билан ҳамма оламдан ўтади, ҳамма ғойиб бўлади, шунинг учун ҳам бундай бақириқ қулогингда жаранглайверади. Қалбингда, жисмингда жаранглайди ва бу жарангни ҳеч қачон унутолмайсан. У гўё музлагандек вужудингни титратади, эзиб, юрагингни уюстиради, шу сабабли ҳозир комендант шошиларди.

Худди шу сабабли у тўсатдан деворга дуч келиб қолгандек, бирдан тўхтади, Женъка эса ўзини тўхтатолмай, келиб унга урилди. Старшина эса қайрилиб қарамади ҳам, фақат чўққайиб ўтириб, қўлинин ерга — из ёнига қўйди.

Бу из япалоқ, тишли эди.

— Немисларми?.. — овоз чиқармай сўради Женъка.

Старшина жавоб бермади. У тикилар, қулоқ солар, ҳидлаб кўрарди. Муштини шунчалик қисдики, бармоқлари оқариб кетди. Женъка олдинга энгашиб қаради, тошда томчилар қорайиб кўринарди. Васков тошни оҳиста олди, унда қора томчи қуюлиб, жонли нарсадек бужмайиб қолган эди. Женъка бошини силкитиб, бақирмоқчи бўлди-ю, бўғилиб қолди.

— Пала-партиш,— оҳиста гапирди старшина ва яна такрорлади: Пала-партиш...

Ҳалиги тошни оҳиста ерга қўйди, ким қаёққа қараб юрганини, ким қаерда турганини чамалаб, атроффа қаради. Сўнг қоя орқасига қараб юрди.

Қоя орқасида Гурвич гужанак бўлиб ётарди, куйган юбкаси орасидан қўпол кирза эттги чиқиб турибди. Вассков уни камаридан тортиб, қўлтиғидан ушлаш учун бир оз кўтарди ва четга судраб бориб, чалқанча ётқизди.

Соня ярим юмуқ кўзлари билан осмонга қараб ётарди, гимнастёркасининг юқори қисми қонга бўялган эди. Федот Евграфич гимнастёрка тугмаларини ечиб, Соняниг кўкрагига қулоқ тутди. Узоқ қулоқ солиб турди, Женъка эса орқада муштини тишлаб, овоз чиқармай пиқилларди. Сўнг старшина қаддини ростлаб, қиз кўкрагидаги қондан ёпишқоқ бўлиб қолган кўйлакни авайлаб текислади: унда иккита тор тешик кўринди. Биринчisi кўкрак, чап кўкрак тўғрисида, иккинчиси сал пастроқда, юрак тўғрисида эди.

— Мана нима учун бақирган экансан, — старшина хўрсинди.— У сени эркак киши деб ўйлаган ва ҳамла ҳам ўшанга мўлжалланган, шунинг учун бақиришга ултургансан. Биринчи зарбада юрагингга етказа олмаган: кўкрагинг халақит берган...

Ёқасини тўғрилаб, тугмаларини қадади, ҳаммасини, битта ҳам қолдирмай қадади. Қўлларини қовуштириб-қўйди, кўзларини бекитмоқчи бўлди, аммо юмилмади, фақат қовоғини қонга бўяб юборди. Ўрнидан турди:

— Ҳозирча шу ерда ётатур, Сонечка.

Орқада Женъка пиқиллаб йиғлади. Старшина қовоғини уйиб:

— Йиғлаб ўтиришга вақт йўқ, Комелькова, — деди унга.

Шундай деди-ю, энгашиб, билинار-билинмас тишли изни сезгиси билан аниқлаб, олдинга тез юриб кетди...

## 9

Немислар Соняни кутиб туришганмикин ёки Соня уларга тасодифан дуч келиб қолдимикан? Старшина Вассковга ўша лаънати тамакини олиб келишга шошиб, ўзи икки марта ўтган ва яхши билган йўлидан қўрқмай юргурган. Қувониб юргурган ва нозик елкала-рига терлаган оғирлик қаердан тушганини, нима учун юраги бирдан қаттиқ оғриқдан типирчилаганини анг-

лашга ҳам улгурмаган. Йўқ, улгурган. Англаб, бақиришга улгурди, чунки биринчи зарбдаёқ пичноқ юракка бориб етмаган: сийнаси халақит берган. Сийнаси баланд, қаттиқ эди.

Балки воқеа бундай бўлмагандир? Балки улар Соняни кутиб туришгандир! Балки қўпорувчилар тажрибасиз қизларни ҳам, уларнинг разведка учун орден олган, муддатдан ташқари хизмат қилувчи старшиналарини ҳам алдашгандир. Балки у фрицларни эмас, фрицлар унинг изидан пойлаб юришгандир. Балки ҳаммаларини кўриб, ҳисоблаб, қачон кимни тугатишни белгилаб ҳам қўйишгандир?

Лекин ҳозир Ваксовни қўрқув эмас, ғазаб олға суреб бораарди. У ғазабдан тишларини ғичирлатар ва фақат бир нарсани — уларга етиб олишни хоҳларди. Етиб олса бўлгани, у ёгини ўзи билади...

— Сен бақиришга ҳам улгурмайсан... Йўқ, бақиролмайсан...

Тошлиар устида баъзи жойларда билинар-билинмас из қолганди, уларга қарраб, Федот Евграфич немислар икки киши эканлигини аниқ билди. У ўзини кечира олмас, немисларнинг қаердалигини аниқ билмаганидан, улар бу ерда эмас, гулханнинг наригӣ томонида тентираб юрибди деб умид қилганидан, кечагина бир котелокдан овқат еган таржимоннинг ҳалок бўлишига йўл қўйганидан қийналар эди. Бу азоб унинг бутун аъзосини исканжага олган эди. Энди у фақат бир нарса — қувлаш билан тинчланиши мумкин. Бошқа ҳеч нарса ҳақида ўйлашни истамас, Комельковага ҳам ўгирилиб қарамасди.

Женъка қаёққа ва нима учун югуриб кетаётганларини биларди. Старшина ҳеч нарса айтмаган бўлса ҳам биларди, аммо қалбида қўрқув йўқ эди. Бирдан бутун вужуди жунбушга келганди, шу боис уни ҳеч нарса изтиробга солмас эди. Женъка ўзини қаттиқ идора қилар, шу сабабли уни ҳеч нарса чалғитмасди. Илгари ҳам, эстон аёл уни яшириб қўйганда шундай бўлган эди. Қирқ биринчи йил ёзида, деярли бир йил аевал...

Ваксов қўлинин кўтарди ва у жонҳолатда нафасини ичига ютди.

— Дамингни ол, — деди Федот Евграфич зўрга эшитиладиган қилиб. — Улар шу ўртада. Яқин орада.

Женъка милтиққа суюнди, ёқасини тортиб очди. Күкрагини тұлдириб чуқур нафас олғиси келарди. аммо дүшіман әшитмаслиги учун оқиста нафас олардың бундан юрак тинчлангиси келмасди.

— Ана улар, — деди старшина.

У тошлар орасидаги тор ёриқдан қараб турады. Женъка ҳам қаради: уларнинг олдидан ўрмон томон бошланган сийрак оқ қайинзорда дарахтларнинг эгилувчан учи сал қимирларди.

— Ёнимиздан ўтишади,— Вассков ўгирилмай гапи-ни давом эттиреди.— Шу ерда тур. Үрдак бўлиб ғаққи-лашим билан оқ тош ёки қўндоқ билан ерга ур, улар сен томонга қарасин. Кейин қотиб жим тур. Тушун-дингми?

— Тушундим,— деди Женъка.

— Демак, ўрдак бўлиб ғаққиллаганимда. Ундан олдин эмас.

У ўпкасини тұлдириб чуқур нафас олди-да, тош устидан тўғри оқ қайинзорга сакради.

Энг муҳими уларнинг кўзи қамашиши учун қуёш ботаётган томондан босиш. Иккинчи муҳим иш — ел-касига сакраш. Зарб билан йиқитиш, пичоқ уриш, бақиртирмаслик, токи сувга чўқкандек, бўлсин...

У яхши жойни танлади. Немислар бу ердан айла-ниб ўтиша олмас, уни ҳам кўришмас әди. Ўзлари эса очиқ жойга чиқишиади, чунки у яширган жой олди-да — оқ қайинзорда кичик яланглик бошланади. Ал-батта шу ердан хотиржам, бехато отиши мумкин, аммо ўқ овози асосий группага әшитилмаслигига ишонч камроқ, элдан бурун шовқин кўтариш эса ўзига зиён. Шу сабабли у тўппончани дарров гилофига тиқиб, тўполонда тушиб қолмасин деб тасмасини солди. Ўлжа олин-ган фин пичоги қинидан енгил чиқишини текшириб кўрди.

Шу пайт баҳорда майин барглар билан ясанган сий-рак, оқ қайинзорда немислар биринчи марта очиқ кў-ринди. Федот Евграфич кутганидек, улар икки киши әди, ўнг елкасига автомат осиб олган норгули олдинда келарди. Тўппончадан отиб тугатишнинг энг қулай пайти, жуда қулай пайти әди, лекин старшина бу фикрдан қайтди. Аммо бунга сабаб ўқ овози чиқишидан қўрқишиш эмасди. Соня эсига тушиб кетди. Энди уларнинг осонгина ўлишига йўл қўймайди. Жонга жон,

пичноқ билан ўлдиргани учун пичноқдан ўлим топишида. Ҳозир шундай, фақат шундай бўлиши керак.

Немислар ҳеч нарсадан ҳайиқмай, бемалол келишарди, орқадагиси ҳатто лабларини ялаб, қотган нон чайнаб борарди. Старшина уларнинг қадами катталигини аниқлади, қачон тўғрисига етиб келишларини мўлжаллади, финкани қинидан сугурди ва биринчиси бир сакрашлик жойга етиб келганда икки мартта калта ва тез ғаққиллади. Немислар дарров бошларини кўтарди. Лекин шу пайт уларнинг орқасида Комелькова қўндоқ билан қояга урди, улар шовқин эшитилган томонга шарт бурилишди, шу заҳоти Ваксов сакради.

У сакрашни аниқ мўлжаллаган эди: вақт ҳам тўғри танланган, масофа ҳам тўғри ўлчанганди. Немиснинг устига тушиб, тиззалари билан тирсагини қисди. Фриц нафас олишга ҳам, сесканишга ҳам улгурмаёқ старшина чап қўли билан пешонасидан тортиб, бошини орқага қайирди-ю, таранг бўйнига ўткир пичноқни тортди.

Худди шундай мўлжалланган эди. Қўйдек сўйиб ташлаш керак эди уларни. Бақиришга улгурмасин, қонига беланиб хирилласин. Фриц қулай бошлагандан комендант унинг устидан сакраб тушиб, иккинчисига ташланди.

Бор-йўғи бир сониягина ўтди, бир сония: иккинчи немис орқасини қилиб турарди, энди ўгирилаётган эди. Лекин иккинчи марта сакрашга Ваксонинг кучи етмадими ёки имиллаб қолдими — пичноқ санчолмай қолди. Автоматни уриб туширди, лекин қўлидаги финкани ҳам тушириб юборди, қонга беланганд, совун каби сирғанчиқ эди пичноқ.

Бемаъни иш бўлди: жанг ўрнига олишув, муштлашиш. Немис ўрта бўй бўлса ҳам тиришқоқ, чайир чиқиб қолди: Ваксов шунча уринса ҳам уни эгиб, босиб ололмасди. Тошлар ва оқ қайинлар орасида шох устидаги олишардилар, лекин немис старшинани енгишга ишонганиданми ёки кучини кетказгиси келмаганиданми, ҳозирча бақирмасди. Федот Евграфич яна хато қилиб қўйди: немисни маҳкамроқ тутмоқчи бўлган эди, у Ваксов чангалидан сирғаниб чиқиб, пичноғини қинидан суфуришга улгурди, Ваксов бу пичноқдан қўрққанидан кўп кучи ва эътибори пичноқка қаратилди-ю, на-

тижада немис унинг устига чиқиб, оёқлари билан гавдасини қисиб олди ва энди ханжарнинг хира тиги билан унинг томогига интилди. Ҳозирча старшина унинг қўлини ушлаб турар, ҳозирча ўзини ҳимоя қиласди, лекин фриц бутун оғирлиги билан устидан босар, бу вазият узоқ давом этолмасди. Буни комендант биларди, немис ҳам биларди — кўзлари қисилиб, лаблари қийшаяётгани бежиз эмасди.

Бирдан фриц бўшашиб қолди, бўш қопдек бўшашибди, Федот Евграфич олдин тушунмади, биринчи зарбани эшитмаган эди. Иккинчисини эса эшитди: чириган ёғочга урилгандек бўғиқ товуш эшитилди. Юзига иссиқ қон сачради ва немис қийшайган оғзи билан ҳаво ютиб, орқасига ағдарила бошлади. Старшина уни улоқтириб ташлади, пичноқни тортиб олиб, юрагига мўлжаллаб санчди.

Шундан кейингина атрофга қаради: жангчи Комелькова таёқ ушлагандек, милтиқнинг стволидан тутиб, унинг олдида турарди. Милтиқ қўндоғи қон эди.

— Яша, Комелькова... — старшина бўлиб-бўлиб гапирди.— Сенга миннатдорчилик... эълон қиласман...

Ўрнидан турмоқчи бўлди-ю, туролмади. Оғзини балиқдек каппа-каппа очиб, ерда ўтириб қолди. Фақат ҳалиги, биринчисига қаради: бақувват немис экан, хўқиздек бақувват. Ҳали ҳам типирчилар, хириллар, ҳали ҳам қон сачраб турарди. Иккинчиси эса қимирламас эди, ўлим олдидан ғужанак бўлганча қотиб қолганди. Иш тугаган эди.

— Мана, Женя,— деди секин Васков.— Улар, демак, яна икки кишига камайди...

Женъка бирдан милтиқни ташлаб, энгашганча, маст одамдек тебраниб бута орқасига ўтди. У ерда чўккалааб қолди: кўнгли айнир, қайт қилас ва йиғлар, онасиними, кимнидир чақиради...

Старшина ўрнидан турди. Ҳамон тиззаси қалтирас, кўкраги оғрирди, лекин энди вақтни бой бериш хавфли эди. У Комельковани ўз ҳолига қўйиб берди, биринчи қўйл жангига одам ҳаёт қаби табиий бўлган «ўлдирма» деган қонунни босиб ўтганидан ларзага келишини ўз бошидан ўтказгани учун уни чақирмади ҳам. Бунақага ўрганиш, бағритошга айланиши керак, Евгениягина эмас, бошқа жангчилар, бақувват эркаклар ҳам дийдалари қотмагунча қаттиқ азоб чекишган. Еу ерда эса

аёл жонли одамнинг бошига қўндоқ билан урди, хотин киши, табиатан, қотилликни нафрат билан қораловчи бўлажак она. Буни ҳам Федот Евграфич немислар жиноятига тиркаб қўйди, чунки улар инсоният қонунларини поймол этишди ва оқибатда ўзлари қонундан ташқарида бўлиб қолишиди. Шунинг учун ҳам Ваксов ҳали совумаган мурдаларни тинтиётгандек фақат ижирғанарди, ўлимтикни айлантириб кўраётгандек жирканарди, холос...

У қидираётганини топди,— ҳозиргина хириллашдан тўхтаб, жони жаҳаннамга кетган новчасининг чўнтағидан тамаки халтачасини топди. Унинг, старшина Ваксовнинг, устига «Азиз Ватан ҳимоячисига» деб тикилиб ёзилган шахсий тамаки халтачасини топди. Қўлига олиб, қисди: Соня келтириб беролмади... Йўлини тўсиб турган сержун қўлни этиги билан тепиб улоқтириди-да, Женъканинг ёнига келди. У ҳамон буталар орасида бўғилиб, пиқиллаб, чўккалааб турарди.

— Кетинг...— деди.

Ваксов қисилган муштумини Женъянинг юзига яқин келтириб, бармоқларини ёзиб, тамаки халтачасини кўрсатди. Женъка таниб, дарров бошини кўтарди.

— Тур, Женя.

Туришига ёрдамлашди. Орқага, ялангликка бошлади, Женъка эса бир қадам қўйди-ю, тўхтади, бошини сарак-сарак қилди.

— Қўй,— деди Ваксов.— Қийналганинг етар. Бир нарсани тушунмоқ керак: булар одам эмас. Одам эмас, ўртоқ жангчи, инсон эмас, ҳатто ҳайвон ҳам эмас — фашистлар улар. Демак, уларга фашист деб қара.

Лекин Женъка қарай олмасди. Федот Евграфич ҳам қаттиқ турмади. Автоматларни, запас обоймаларни олди, флягаларни ҳам олмоқчи бўлди-ю, Комельковага кўз қирини ташлаб, фикридан қайтди. Жин урсин, катта ўлжа эмас. Женъкага эса енгилроқ бўлади, камроқ эслайди.

Ваксов ўлдирилганларни яшириб ўтирамади: барibir бутун ялангликдаги қонни қириб ташлолмайсан. Бундай қилишнинг фойдаси ҳам йўқ: кеч кириб боряпти, тез орада мадад етиб келиши керак эди. Немисларнинг вақти оз қолганди, старшина бу вақтни улар хавф-хатар остида ўтказишларини истарди. Майли, қийналишаверсин, дозорни ким ўлдирганини тахмия

қилишаверсин, ҳар бир шитирлашдан, ҳар бир соядан чўчишаверсин.

Биринчи кўлмакка дуч келишгандаёқ (яхшиямки бу ерда кўлмаклар малла қиз юзидаги сепкилдек кўп) старшина юзини ювди, амал-тақал қилиб узилган ёқасини гимнастёркасига ёпишиди.

— Балки ювиниб оларсан?

Женъка бош чайқади, йўқ, уни ҳозир гапга сололмайсан, чалғитолмайсан... Старшина хўрсинди:

— Одамларимизни ўзинг топиб бороласанми ёки кузатиб қўяйми!

— Топиб бораман.

— Кетавер. Соняниг олдига боринглар. Демак, ўша жойга... Балки ёлғиз қўрқарсан?

— Йўқ.

— Ҳар ҳолда эҳтиёт бўл. Тушунишинг керак.

— Тушунаман.

— Майли, кетавер. У ерда ўралашиб ўтирганлар, кейин мотам тутамиз.

Ажралишиди. Федот Евграфич Женъка кўздан йўқолгунча орқасидан ҳараб турди: у зўрға юриб бораради. Душманга эмас, ўз туйғуларига қулоқ соларди. Эҳ, сиз, жангчилар...

Соня ярим юмуқ, хира кўзларини осмонга тикиб ётарди. Старшина унинг кўзларини яна юмидан қўймоқчи бўлди, аммо юмолмади. Шундан кейин Соняниг гимнастёркаси чўнтагини ечиб, у ердан комсомол билети, таржимонлар курсини битиргани ҳақидаги справка, иккита хат ва фотосуратни олди.

Бу фотографияда граждан кийимидағи кишилар ҳам кўп эди. Ўртадаги ким эканлигини Ваксов аниқлай олмади: пичноқ қоқ ўртасини тешиб ўтган эди. Соняни эса топди: ён томонда узун енгли, кенг ёқали кўйлакда турибди: ингичка бўйни кўйлак ёқасидан туртиб чиқиб турибди. У кечаги гапларни, Соняниг хомушлигини эслади ва алам билан, оддий аскар Софья Соломоновна Гурвичнинг қаҳрамонларча ҳалокати-тўғрисида ёзиб юборадиган қариндоши ҳам йўқ, деб ўлади. Сўнг унинг рўмолини тупуги билан ҳўллаб, қовоқларида қотиб қолган қонни артди-да, шу рўмол билан юзини ёпиб қўйди.

Ҳужҷатларни эса ўз чўнтаигига солди. Чап чўнтаигига, ўзининг партбилети турган чўнтаигига солиб қўй-

ди. Ёнига ўтириб, ҳеч эсдан чиқмайдиган халтачадан тамаки олиб чекди.

Унинг газаби босилди, оғриқ ҳам сўнган эди: фақат қайғуга тўла, ҳалқумигача қайғуга тўла, ҳатто томоғи бу қайғудан қичишарди. Энди ўйлаб кўрса, чамаласа, ҳар воқеани ўз жойига қўйиб, бундан кейин қандай ҳаракат қилишни пухталаб олса бўларди.

У дозорларни ўлдириб, ўзини фош қилиб қўйганидан афсусланмасди. Ҳозир вақт унинг фойдасига ишларди, ҳозир ҳамма линиялардан улар ва диверсиячилар ҳақида доклад қилинганини ва жангчилар эҳтимол фрицларни қандай қилиб осонроқ тутгатиш тўғрисида инструктаж олишаётгандир. Ўн олти кишига қарши тўртловон уч соат, борингки, беш соат олишишига тўғри келар, бунга бардош бериш мумкин. Бунинг устига улар немисларни тўғри ўйлдан чалғитиб, Легонт кўлига йўналтириб юборишиди. Кўлни айланиб ўтиш учун эса бир кеча-кундуз юриш керак.

Ўнинг командаси ҳамма юклари билан келади. Икки киши, рост, икки томонга қараб кетди, уларнинг юки эса қолди ва эҳтиёткор оиласидек отряд буюмлари кўпая бошлади. Галя Четвертак Соняни кўриб қичқириб, қалтирай бошлаган эди, Осянина жеркиб берди:

— Йифи-пиғи бўлмасин!..

Шундан кейин Галя жим бўлиб қолди. Соняниг бош томонига чўйкалас, секин йиғлай бошлади. Рита эса оғир нафас олар, кўзлари қуруқ эди.

— Қани, дағнга ҳозирланглар, — деди старшина.

Болтачани олиб (бунақа ишга белкурак олмаган экан-а!), қабр учун жой излаб тошларни оралаб кетди. Қидирди, нуқул қояларга дуч келарди, қазиб бўлмайди. Тўғри, чуқур топди. Шох-шаббаларни кесиб, остига солди, кейин қайтиб келди.

— Аълочи эди,— деди Осянина.— Нуқул бешга ўқиган, мактабда ҳам, университетда ҳам.

— Ҳа,— деди старшина.— Шеър ўқирди.

Ўзича эса, муҳими бу эмас, деб ўйлади. Энг муҳими — Соня бола кўриши, болаларидан невара, чевара кўриши мумкин эди. Энди эса ана шу ришта узилди. Инсониятнинг бепоён калавасидан пичоқ билан қирқилган битта ришта...

— Кўтаринглар, — деди у.

Комелькова билан Осянина елкасидан, Четвертак оёғидан кўтарди. Қоқилиб, чайқалиб, кўтариб кетишиди, Четвертак янги ясалган шиппак кийган қўпол оёғини судраб босарди. Федот Евграфич эса Сонянинг шинелини кўтариб, орқада борарди.

— Тўхтанглар, — деди у чуқур ёнига келишгач.— Ҳозирча шу ерга қўйинглар.

Чуқур четига ётқизиб қўйишиди: боши ўрнашмай, ҳадеб қийшайиб кетаверди, буни кўриб, Комелькова пилоткани чаккасига тираб қўйди. Федот Евграфич эса ўйланиб, қовогини солиб (хоҳламаганди бунаقا қилишни, сирам хоҳламаганди), қарамасдан Осянинага буюрди:

— Оёғидан ушлаб тур.

— Нимага?

— Буюргандан кейин ушлайвер-да! У ердан эмас — тиззасидан!

Сонянинг оёғидан этигини ечиб олди.

— Нега?.. — қичқирди Осянина. — Ундай қила кўрманг!..

— Негаки, жангчимиз оёқ яланг, мана нима учун.

— Йўқ, йўқ, йўқ! — Четвертак титраб кетди.

— Бекинмачоқ ўйнаётганимиз йўқ, қизлар, — старшина хўрсинди. — Тириклар ҳақида ўйлаш кепрак. Урушда фақат шу қонун бор. Ушла, Осянина. Буюраман, ушла.

Иккинчи пойини ечиб, Галя Четвертакка ташлади:

— Кий. Ҳиқилламай кий: немислар бизни кутиб ўтиришмайди.

Чуқурга тушиб, Соняни шинелга ўраб, қабрга қўйди. Устига қизлар узатиб турган тошларни тахтай бошлади. Тепалик ҳосил бўлди: старшина тепаликка пилотка қўйиб, тош билан бостириди. Комелькова эса қабр устига яшил шоҳ қўйди.

— Харитада белгилаб қўямиз, — деди старшина, — урушдан кейин ёдгорлик ўрнатамиз.

Харитадан жойни топиб, белги қўйди. Қараса, Четвертак ҳамон шиппакда турибди.

— Жангчи Четвертак, нима гап? Нега оёғингга киймадинг?

Четвертак титраб кетди:

— Йўқ!.. Йўқ, йўқ, йўқ! Бундай қилиш яхши эмас. Заарали! Менинг ойим медицина ходими...

— Етар алдаганинг! — Осянина бирдан қичқириб юборди. — Етар! Ойинг йўқ! Бўлган ҳам эмас! Ташландиқсан, ёлғонни тўқишига ҳожат йўқ!..

Галя йиғлаб юборди. Уйинчоғи синиб қолган ёш боладек хафа бўлиб, аччиқ йиғлади... \*

## 10

— Нима кераги бор бундай гапни, нима кераги бор? — таънаомуз деди Женъка ва Четвертакни қуҷоқлади. — Биз баджаҳл бўлмаслигимиз керак, бўлмаса тошбагир бўлиб қоламиз, немислардек тошбагир бўлиб қоламиз...

Осянина индамади...

Галя чиндан ҳам ташландиқ эди, ҳатто Четвертак деган фамилияни ҳам болалар уйида беришган. Чуники ҳаммадан пакана, бошқалардан нимчорак кам эди.

Болалар уйи собиқ монастирда жойлашган бўлиб, баланд шиплардан семиз, кулранг шиллиққуртлар тўкиларди. Кўп черковлар шошилинч равишда турар жойга мосланган бўлиб, деворларидан яхши бўялмаган серсоқол шахслар кўриниб турарди, роҳибларнинг ҳужжалари ертўлага ўшшаб совуқ эди.

Ун ёшида Галя шовқин кўтариб, ном чиқарди. Монастир қурилгандан буён бу ерда бундай шовқин бўлмаган эди. Тунда зарурат билан бориб, овозининг борича бақириб, уйни бошига кўтарди. Иссиқ ўринларидан туришга мажбур бўлган тарбиячилар уни нимқоронги коридорда ётган жойидан топишиди ва Галя, соқолли чол ер остига судраб кетмоқчи бўлди, деб содда қилиб тушунтириди.

«Ҳужум ҳақида иш» юзага келди, бу иш бутун округда битта ҳам соқолли одам бўлмагани учун чигаллашиб кетди. Бу ерга келган терговчилар ва ўз ораларидан чиққан Шерлок Холмслар Галядан сабртоқат билан сўраб-суринтишиди ва бу воқеа борган сари янги-янги тафсилотлар билан тўлдирилаверди. Фақат кекса завхоз — жарангдор фамилия топиб бергани учун Галя у билан дўстлашиб қолган эди — во-

қеанинг тагига етди: буларнинг ҳаммаси уйдирма эди.

Галяни анчагача калака қилиб, нафратланиб юришди, у эса мана сенларга, дегандек, эртак тўқиди. Рост, эртак «миттивой» эртагига жуда ўхшаб кетарди, лекин, биринчидан, Галянинг эртагида ўғил бола ўрнида қиз бола эди, иккинчидан, эртакда соқолли қариялар ва қоронги ер қаъри ҳам бор эди.

Эртак ҳамманинг жонига тегиши биланоқ шоншуҳрат ўтиб кетди. Галя янги эртак тўқиб ўтирумади. Бунинг ўрнига болалар уйида роҳиблар кўмиб қўйган хазина ҳақида мишишлар тарқалди. Хазина излаш дарди тарбияланувчилар орасида юқумли касалдек тарқалди ва қисқа вақт ичида монастиръ ҳовлиси ўйдим-чуқур бўлиб кетди. Раҳбарлар бу дардни тугатмай туриб, ертўлалардан кенг оқ кийимли шарпалар чиқа бошлади. Шарпаларни кўплар ўз кўзи билан кўрди ва ёш болалар кечаси ташқарига чиқишдан бутунлай бош тортишди, бунинг оқибати эса аён. Иш фалокат даражасига бориб етди, тарбиячилар алвастиларни қўлга тушириш учун яширин равишда ов қилишга мажбур бўлишди.

Биринчи бўлиб қўлга тушган оқ чойшабга ўралган алвости Галя Четвертак бўлиб чиқди.

Шундан кейин Галя тинчиб қолди. Яхши ўқир, октябрятлар билан ўйнар, ҳатто яккахон ашулачи бўлишни, узун кўйлакни ва ҳамманинг ҳавас қилишини орзу қилиб юрса ҳам, хорда ашула айтишга рози бўлди. Шу даврда у биринчи муҳаббат нималигини билди, у ҳамма нарсани сирли қилиб кўрсатишга ўрганиб қолганлиги учун, кўп ўтмай бутун уйни ёзишмалар, мактублар, кўз ёши-ю, учрашувлар босиб кетди. Айборга яна танбеҳ беришиб, дарҳол ундан қутулиш чорасини кўришди. Юқори стипендия тайинлаб, кутубхоначилар тайёрлаш техникумига юборишиди.

Уруш бошланганда Галя учинчи курсда эди, биринчи душанбадаёқ уларнинг группаси ёппасига ҳарбий комиссариатга келди. Группани олишди-ю, Галяни қайтаришди, чунки унинг бўйи ҳам, ёши ҳам армия стандартига тўғри келмасди. Лекин Галя бўш келмай, қайсарлик билан ҳарбий комиссар ҳузурига қатнайверди. Уялмай-нетмай шунақаям ёлғон гапи-

рардики, уйқусизликдан гаранг бўлиб қолган подполковник нима қилишини билмай, истисно тарзида Галяни зенитчиликка юборди.

Орзу амалга ошса, романтика қолмайди. Ҳақиқий ҳаёт эса аччиқ ва шафқатсиз бўлиб, ҳарбий уставларни сўёзсиз бажаришни талаб қиласади. Сабрсизлик билан кутилган янгилик тез ўтиб кетди, кундалик ҳаёг эса Галянинг фронт тўғрисидаги тасаввурига сира ўхшамасди. Галя ўзини йўқотиб қўйди, бўшашиб қолди ва кечаси яширинча йиглайдиган бўлди. Лекин шу орада Женъка пайдо бўлди ва ҳаёт яна қувончли бўлиб, тез ўта бошлади.

Галя ёлғон гапирмай турга олмасди. Аниқроғи бу ёлғон эмас, ҳақиқат деб кўрсатилган орзу эди. Шу тариқа медицина ходими бўлган она вужудга келди, бундай ойисининг борлигига Галянинг ўзи ҳам деярли ишонарди...

Кўп вақт беҳуда ўтганидан Ваксов асабийлаша бошлади. Бу ердан тезроқ кетиш, немисларнинг қаерда эканлигини аниқлаш, уларнинг изига тушиш муҳим эди, кейин, майли, ўлдирилган дозорни топишаверсин. Ана ўшанда улар эмас, старшина қулай вазиятда бўлди. Изма-из бориб, уларни туртқилайди, зарур томонга йўналтиради ва... кутади. Ўзимизниклар етиб қелишини, облава бошланишини кутади.

Лекин... ушланиб қолиши; Соняни дағи этишди. Четвертакни этикни кийишга кўндиришди, вақт эса ўтиб бораради. Унгача Федот Евграфич автоматларни текширди, ортиқча милтиқларни — Бричкина билан Гурвичникини пана жойга яшириб қўйди, патронларни тенг бўлашиб берди.

— Ҳеч автоматдан отганмисан? — сўради Осяни надан.

— Ўзимизни автоматдан отганман.

— Ма, фрицларникини ушла. Менимча, ўрганиб оласан, — қандай отишни кўрсатиб, огоҳлантириди: — сурункасига отма: учи кўтарилиб кетади. Қисқа-қисқа от.

Худога шукур, қўзғалиши... У олдинда, Четвертак билан Комелькова ўртада энг орқада эса Осянина бораради. Оҳиста, товуш чиқармай боришарди, лекин яна ҳар ким ўз хаёли билан бўлиб кетганга ўхшайди,

чунки немисларга дуч келишларига сал қолди. Худди әртакдагидек мўъжиза бўлди-ю, омон қолишиди.

Яхшиямки, старшина уларни биринчи бўлиб кўриб қолди. Тош орасидан чиқди-ю, кўриб қолди: иккитаси рўпарада, қолганлари орқада туришарди. Федот Евграфич етти қадам кечиккандами — уларнинг хизмати шу билан тамом бўларди. Икки сидра отишдаёқ тамом бўлишарди.

Аммо старшина шу етти қадамни қўйиб улгурган эди ва шу сабабли аксинча бўлиб чиқди. Ўзини орқага олишга ҳам, қизларга тарқалинглар деб ишора қилишга ҳам, чўнтағидан гранатани чиқаришга ҳам улгурди. Яхшики, граната запали билан эди: тош орқасидан итқитди-да, портлаши биланоқ автоматдан ўт очди.

Уставеда бунаقا жанг муқобил жанг деб аталади. Бундай жангнинг муҳим томони шундаки, душман сенинг кучларинг қанчалигини билмайди: сен разведкамисан ёки бош дозормисан,— буни англай олмайди. Шунинг учун бунаقا жангда энг муҳими — душманнинг ўзини ўнглаб олишга йўл кўймаслик.

Лекин, ўз-ўзидан маълумки, Федот Евграфич бу ҳақда ўйламасди. Бу унга сингиб кетган, бир умрга сингиб кетган, у фақат отиш ҳақида ўйларди. Яна, жангчиларим қаердайкин, ётиб олишдими ёки қочиб кетишдими, деб ўйларди.

Қулоқни қоматга келтирувчи шовқин кўтарилди, чунки фрицлар у яширинган харсангни мўлжаллаб, ҳамма автоматлардан отишарди. Унинг юзини тош зарралари тилиб юборди, кўзига чанг тўлди, у деярли ҳеч нарсани кўрмасди: кўзларидан дув-дув ёш. оқарди. Артишга ҳам вақт йўқ эди.

Автомати затвори орқага урилиб, шарақлади: патрон тугаган эди. Васков шу дақиқадан қўрқарди: қайта ўқлаш учун вақт керак, ҳозир эса ҳар секундинг қиммати ҳаёт билан ўлчанарди. Автомат жим бўлиши билан немислар олдинга ташланиб, орадаги ўн-үн беш метрни босиб ўтишсами — иш тамом-вассалом.

Лекин диверсантлар ҳужумга ўтишмади. Бошлирини ҳам кўтаришмади, чунки иккинчи автомат — Осянина автомати уларни бош кўтаришга қўймасди.

Нишонга олиб, рўпарадан қисқа-қисқа ўт очиб,

старшинага бир секунд имкончят берди. Шу секунд учун бир умр миннатдор бўлмоқ керак.

Уша жанг қанча давом этганини ҳеч ким эслолмайди. Одатдаги вақт билан ўлчанса, жанг қисқа бўлди, уставда айтилганидек, муқобил жанг шунаقا қисқа бўлади. Агар бошдан кечиргандари сарфланган куч, шиддат ва хавф билан ўлчанадиган бўлса, ҳаётнинг анча-мунчасига, баъзилар учун эса бир умрга татийди.

Галия Четвертак шунаقا қўрқидики, бир марта отишга ҳам улгурмади. Юзини тош орқасига яшириб, қўчлари билан қулоғини беркитиб ётар, милтиқ бир четга улоқтирилган эди. Женъка эса дарров ўзини тутиб олди, шарпани мўлжалга олиб отди. Текказдими, йўқми, униси билан иши йўқ, бу мерганлик майдони эмас, нишонга олишга вақт йўқ.

Йкки автомат ва бир милтиқ — бор-йўғи шу, немислар эса бардош беришолмади. Қўрққанлари учун эмас — ноаниқлиқдан. Бир оз отишиб, чекинишиди. Ўт очиб пана қилиб турмай, орқага соқчи қўймай чекинишиди. Кейин маълум бўлишича, улар ўрмон ичкарисига кириб кетишган экан.

Отишма бирдан тўхтади, фақат Комелькова ҳамон отишда давом этар, милтиқ зарбидан елкаси титрарди. Обоймани отиб тугатиб, тўхтади. Ер остидан Ваксовга қаради.

— Тамом,— Ваксов хўрсинди.

Чуқур суқунат чўкди, ҳатто қулоқлар шангилларди. Порох ҳиди, чанг, куйинди иси анқирди. Старшина юзини артган эди, кафти қон бўлиб қолди, юзини тош зарралари тилиб юборган эди.

— Ярадор бўлдингизми?— шивирлаб сўради Осянина.

— Йўқ,— деди старшина.— Сен у ёқда қараб тур, Осянина.

Тош орқасидан бошини чиқарган эди, ҳеч ким отмади. Атрофга тикилиб қаради: узоқда — ўрмонга тулашиб тетган оқ қайинзорда дараҳтларнинг учи қимирлади. Тўппончани ушлаганча оҳиста олдинга сирганиб тушиб. Югуриб ўтиб, бошқа қўйтош орқасига яширинди-да яна қаради: портлашдан ҳар томонга сочилиб кетган шохда қон қорайиб кўринди. Қон кўп, лекин жасад йўқ: олиб кетишибди.

Тошлар ва буталар оралаб юриб, диверсиячилар ҳеч қандай заслон қолдирмаганига ишонч ҳосил қилас-  
гач, Федот Евграфич хотиржам, тик юриб, шериклари ёнига қайтиб келди. Юзи ачишар, ҳоргинликдан эса  
икки елкасига тегирмон тоши осиб қўйгандек эди. Ҳатто чеккиси ҳам келмасди. Қани энди чўзилиб ётиб  
дам олса, ҳеч бўлмаса ўн минут ётиб дам олса, лекин шериклари ёнига етиб келмаёқ Осянина савол берди:

— Ўртоқ старшина, сиз коммунистмисиз?

— Большевиклар партияси аъзосиман...

— Сиздан комсомол йиғилишига раислик қилиши  
ни сўраймиз.

Васков ҳайрон бўлиб қолди:

— Йиғилишга?..

Қараса, Четвертак кўз ёшини оқизиб ўтирибди. Ко-  
мелъкова эса порох тутинидан қорайиб кетган, худди  
лўли қизнинг ўзи бўлиб қолган, газаб билан қарайпти.

— Қўрқоқлик!..

Мана-гап нимада экан...

— Йиғилиш ўтказиш — жуда яхши,— жаҳли чи-  
қиб гап бошлади Федот Евграфич.— Йиғилиш — жуда  
соз нарса! Демак, мажлис ўтказамиз, ўзини йўқотиб  
қўйганилиги учун ўртоқ Четвертакни қоралаймиз, про-  
токолга ёзиб қўямиз. Шундайми?..

Қиздар индашмади. Ҳатто Галя йигидан тўхтаб,  
бурнини тортиб эшишиб турарди.

— Фрицлар эса протоколимизга резолюция қўйиб  
беришади. Маъқулми шу? Маъқул эмас. Шу сабабли  
старшина сифатида ҳам коммунист сифатида ҳозирги  
вақтда ҳар қандай мажлисни бекор қиласман. Бунинг  
ўрнига шароитни маълум қиласман: немислар ўрмонга  
кириб кетишиди. Граната портлаган жойда қон кўп:  
демак, кимнингдир кунини битирдик. Демак, ҳисо-  
бимча, улар ўн уч киши қолди. Бу биринчи масала.  
Иккинчи масала шуки, менинг автоматимда отилма-  
ган битта обойма қолди. Сенда-чи, Осянина?

— Бир яримта.

— Шундай дегин. Қўрқоқликка келганда эса, ҳеч  
қандай қўрқоқлик бўлмаган. Қўрқоқлик қизлар, фа-  
қат иккинчи жангда билинади. Буниси эса ўзини йў-  
қотиб қўйиш, холос. Бу тажрибасизликдан бўлган.  
Тўғрими, жангчи Четвертак?

— Тўғри...

— Ундей бўлса, кўз ёшингни ва бурнингни артиб олишни буюраман. Осянина олдинга ўтиб, ўрмонни кузатсин. Қолган жангчилар овқатланиб, иложи борича дам олишсин. Саволлар йўқми? Буйруқни бажаринглар.

Жим овқатланишиди. Федот Евграфичнинг иштаҳаси йўқ эди, фақат оёгини чўзиб ўтиргиси келар, лекин зўр бериб кавшанарди, чунки куч тўплаш керак эди. Унинг жангчилари бир-бирларига қарамай, ёшларга хос иштаҳа билан овқатланишарди. Шуниси ҳам яхши: шалпайиб, тушкунликка тушиб қолишмабди, ҳозирча ўзларини тутишяпти.

Қуёш пастга оғиб, ўрмон чети қорая бошлагандা старшина-ташвишга тушди. Нима учундир ёрдам кечикяпти, немислар эса шу нимқоронғиликдан фойдаланиб, ё яна унга тўқнаш келишлари, ё четдан айланниб, икки кўл оралиғига ўтиб олишлари, ёки ўрмонда ғойиб бўлишлари мумкин. Ана унда қидириб тополмайсан. Бинобарин, аҳволдан хабардор бўлиш учун яна қидиувни бошлиш, яна уларнинг изига тушиш лозим. Шундай қилиш даркор, лекин бунга ҳол қолмаган эди.

Ха, ҳозирча иш ўнгидан келмаяпти, чаппасига кетяпти. Жангчини ҳам ҳалок қилди, ўзи қаердалигини билдириб қўйди, бунинг устига дам олиш зарур. Ёрдамдан эса ҳамон дарак йўқ...

Аммо Васков Осянина овқат еб бўлгунча дам олди. Кейин ўрнидан туриб, камарини тортиб боғлади ва қовоғини солиб деди:

— Жангчи Четвертак мен билан бирга қидиришга жўнайди. Бу ерда Осянина бошлиқ бўлиб қолади. Вазифа: орқамиздан узоқ масофа сақлаб юриши. Ўқ овозвини эшитсанглар, яшириниб олишни буюраман. Биз етиб келгунча яшириниб, кутиб турилсин. Биз қайтиб келмасак, орқага чекининглар. Олдинги позициямиз орқали яширин равишда гарбга чекининглар. Одамларга дуч келишларинг биланоқ ҳаммасини маълум қилинглар.

Албатта, миясига бундай ишга Четвертак билан бормаслик керак эди, деган фикр келди. Бунаقا ишга Комелькова билан боришишончлироқ: у синовдан ўтган, бир кунда икки марта синовдан ўтди. Бундай синовдан ўтиш кўпчилик эркакнинг қўлидан келмайди.

Лекин у командир — оддий ҳарбий бошлиққина эмас, ўз қўли остидагилар учун у тарбиячи ҳам бўлиши керак. Уставда шундай деб ёзиб қўйилган.

Уставни эса старшина Вaskov ҳурмат қиласади. Ҳурмат қиласади, ёд билар ва сўзсиз амал қиласади. Шу сабабли Галяга деди:

— Йўлхалта билан шинелни шу ерда қолдирасан. Орқамдан изма-из юр ва нима қилаётганимни кузатиб бор. Нимаики юз берса ҳам овозингни чиқарма. Жим юр, кўз ёшини тий.

Четвертак унинг гапларини тинглар экан, шошилиб ва қўрқиб бош иргарди.

## 11

Немислар нега жанг қилишдан бош тортишди? Тажриба орттирган кишилар рақибининг ўт очиш қудратига (аниқроқ айтганда, ожизлигига) баҳо бериб, ўзларини тортишдими?

Булар шунчаки саволлар бўлмай, Вaskov улар устидаги синчковлиги учунгина бош қотирмаётган эди. Душманни тушунмоқ даркор. Унинг ҳар қандай ҳаракати, жойини ўзгартириши сен учун очиқ равшан бўлиши керак. Ана шундагина худди душман ўйлаётгандек, унинг учун ўйлай бошлайсан. Уруш ахир ким-кимни отиб ўлдиради, деган гап эмас. Уруш — бу ким кимнинг фикрини билиб олиш. Устав ҳам сенинг каллангни бошқа фикрлардан озод қилиб қўйиш учун, сен узоқроқни ўйлай олишинг учун, нариги томон — душман учун ҳам ўйлаб иш қилишинг учун ёзиб қўйилган.

Лекин Федот Евграфич воқеаларни ҳанча айлантирумасин, қай томонидан қарамасин, бир нарса аниқ эди: немислар улар ҳақида ҳеч нарса билишмасди. Билишмасди: демак у ер тишлатган ҳалиги иккитаси дозор эмас, балки разведка эди, фрицлар эса уларнинг тақдиридан бехабар, орқасидан хотиржам келишаётганди. Воқеа шундай бўлган, лекин бундан у ўзига қандай наф чиқара олиши ҳозирча ноаниқ эди.

Старшина ўйлар, бош қотира, фактларни картидек чийлаб кўтар, ишини эса уннутмасди. Ҳушёрлик билан, овоз чиқармай борарди. Аммо шабада на бирор товушни, на бирор нарса ҳидини келтира, шу сабабли Vaskov ҳозирча тўхтамай йўл босарди. Ҳалиги-дарди-

сар қиз орқада судралиб келарди. Федот Евграфич унга дам-бадам қараб қўярди, лекин танбеҳ беришга лойик бирор ножўя ҳаракат қилмасди. Худди буюрилганидек юриб келарди. Фақат енгил, чаққон эмас, бўшшиб йўл босарди. Бу боши устидан визиллаб ўтган ўқнинг асари эди.

Галя эса ўқ ҳақида ўйламасди. Унинг кўз олдида бошиқа нарса тўтарди: Соняниг чўзилиб қолган кулранг юзи, ярим очиқ жонсиз кўзлари ва қондан қотиб қолган гимнастёркаси. Яна... кўкрагидаги иккита тешик. Пичноқ тифидек ингичка тешик. Галя Соня тўғрисида ҳам, ўлим тўғрисида ҳам ўйламас — у пичноқнинг баданга ботишини кўнгил айнигудек аниқ сезар, тананинг қисирлашини эшитар, қоннинг оғир ҳидини сезарди. У ҳақиқий ҳаётдан кўра кўпроқ ўзи тасаввур қилган дунёда яшаган эди ва ҳозир буни унутишни, унга хотима беришни истар, лекин унута олмасди. Ана шундан қаттиқ ваҳимага тушар, ана шу ваҳима асоратида ҳеч нарсанинг фарқига бормай юриб бораарди.

Федот Евграфич буни билмасди, албатта. У ҳозир менинг бошимга тушадиган иш бунинг ҳам бошига тушади, деб ўйлаётган жангчиси аллақачон ўлдирилганлигини билмасди. Немисларга яқинроқ етиб бормай туриб, душманга қарата бир марта ҳам ўқ отмай туриб — у ўлдирилган эди...

Васков қўйини кўтарди: шу ердан ўнг томонга изкетган эди. Тош зарралари устида зўрга билинадиган енгил из бу ерда, моҳ орасида чуқурроқ ботиб, сув силқиб, қорайиб кўринарди. Фрицлар оғир юқ кўтариб кетаётиб, бирдан қоқилиб кетиб, ялпоқ оёқларининг изини қолдиргандек эди.

— Кутиб тур,— шивирлади старшина.

Изки босмай, ўнг томонга юрди. Буталарни эгиб қаради: чуқурликда шошиб-пишиб пала-партиш ташланган шохлар тагида инсон танаси сал билиниб турарди. Васков шохни оҳиста сурди: чуқурда икки мурда тўнкарилиб ётарди. Федот Евграфич чўккалаб ўтириб, уларга тикилди: тепадагисининг энсасида деярли қонсиз тешик қорайиб кўринди, калта қирқилган сочи оловдан жингалак бўлиб қолганди.

«Отиб ташлашибди,— аниқлади старшина — ўзларининг одамларини орқасидан отишибди. Ярадорни ўлдиришибди, демак, қонунлари шундай экан...»

Васков түфлади. Бу энг катта гуноқ бўлишига қарамай, ўликларга түфлади. Лекин уларга нафратдан бошқа туйғу сезмади: унинг учун улар ҳам қонундан ташқари эди. Инсонни инсон қиласиган фазилатлар чегарасининг нариги томонида туришарди улар.

Инсонни ҳайвондан ўзининг инсон эканлигини тушуниш ҳисси ажратиб туради. Ана шу тушунча йўї эканми,— демак, у ҳайвон; энг даҳшатли ҳайвон. Бундай ҳайвонга нисбатан ҳеч қандай инсоний туйғу бўлиши мумкин эмас: на инсонийлик, на ачиниш ва на шафқат бор. Савалаш керак бундайларни. Инига қочиб кетгунча савалаш керак. Инида ҳам бир вақт инсон бўлганлиги эсига тушгунга қадар, буни тушубниб етгунга қадар савалаш керак.

Кундузи, бундан бир неча соат бурун олдинга ғазаб етаклаб борган эди. Қонга-қон деган ташналик каби оддий ғазаб етаклаб борган эди. Энди эса бирданига ҳаммаси чекинди, сўнди, тинчланди ва ҳатто... етилди. Нафрат, онгли ўч олишга асосланган нафрат пишиб етилди. Энди бу нафратда жаҳл йўқ эди.

— Демак, қонунлари шундай экан-да?.. Ҳисобга оламиз.

Хотиржамлик билан яна иккитасини чиқариб ташлади: ўн иккита қолди. Бир дюжина.

Четвертак кутиб турган жойга қайтиб келди. Унинг кўзига кўзи тушди-ю, қўрқаётганини кўриб, ичиди нимадир узилиб кетгандек бўлди Ич-ичидан, ёмон қўрқицяпти. Бир умрга шундай бўлиб қолмаса-ку, яхши-я. Шу сабабли старшина бир дақиқада ўзини тутиб олиб, унга азиз севгилисига қарагандай жилмайди ва кўз қисиб қўйди:

— У ерда иккитасини тинчитдик, Гала! Иккитасини, демак, ўн иккитаси қолди. Бу ёғи бизга қўрқинчили эмас, ўртоқ жангчи. Биз учун арзимаган гап!..

Бунга жавобан Гала ҳеч нарса демади, ҳатто жилмайиб ҳам қўймади. Бунақа вақтда эркакларнинг жаҳлини чиқариш — болахонадор қилиб сўкиш ёки қулдфи тагига солиш керак — буни Федот Евграфич ўз тажрибасидан биларди. Қиз болани эса нима қилиш керак — буни билмасди. Тажрибаси йўқ, уставда ҳам бундай шароитда нима қилиш кераклиги ҳақида ҳеч гап йўқ.

— Павел Корчагин ҳақида ҳеч нарса ўқиганмисан?

Четвертак унга телбага қарагандек қараш қылди-ю, лекин бош иргади. Буни кўриб Федот Евграфич дадиллашди.

— Демак, ўқиган экансан. Мен эса уни худди сени кўриб турганимдек кўрганман. Ҳа. Бизни, жанговар ва сиёсий тайёргарлик аълочиларини Москвага олиб боришган. У ерда эса мавзолейни, ҳар хил саройларни, музейларни кўрдик, у билан ҳам учрашдик. У катта лавозимига қарамай, содда одам экан. Самимий. Бизни ўтқазиб, чой билан меҳмон қилди, хўш, йигитлар, қандай хизмат қилияпсизлар, деб сўради...

— Нега мени алдаяпсиз, нега? — деди секин Галля.— Корчагин фалаж бўлиб қолган. У асли Корчагин әмас, Островский. У ҳеч нарса кўрмайди, қимирилай олмайди, биз ҳам унга, бутун техникум номидан хат ёзганимиз.

— Балки бошқа Корчагиндир?..

Васков уялиб, терга ботиб кетди. Бунинг устига чивинлар қўймаяпти, кечки чивин айниқса хира бўлади.

— Эҳтимол, мен адашгандирман. Билмадим. Факат бизга...

Олдинда шох қисирлади. Оёқ остида аниқ қисирлади, старшина эса севиниб кетди. У ҳеч қачон ўз ташаббуси билан ёлғончилар қаторига қўшилиб қолмаган эди, ўз қўл остидагилар олдида шарманда бўлмаганди ва шу сабабли она сути оғзидан кетмаган қиздан таъна эшитгандан кўра бир дюжина душман билан олишишга тайёр эди.

— Бута орасига!.. — шивирлади у.— Миқ этма!..

Галляни бута орасига тиқиб, шохларни тўғрилаб қўйишига улгурди, ўзи ёнидаги қўйтош орқасига чўзилди, вақтида яшириниб улгурди. Қараса, яна иккитаси келяпти, лекин зада бўлгандай, эҳтиёткорлик билан автоматни тўғрилаб келяпти. Старшина, немислар бунча жуфт-жуфт бўлиб юришавермаса, деб ўйлаб улгурмаган ҳам эдики, ҳалиги иккитасининг орқасида ва чапроқда буталар шитирлади. У икки томонда дозорлар келаётганини ва немислар кутилмаган учрашувдан, ҳамда разведкасининг ғойиб бўлганидан ташвишланиб қолганини тушунди.

Старшина уларни кўриб туар, немислар уни кў-

Ишмас эди, бинобарин, козир туз ҳолда старшина қўлида эди. Тўгри, бу ягона устунлик, аммо у кучли зарб бериши мумкин. Фақат бу ерда шошилиш мумкин эмасди, шу боисдан Федот Евграфич бутун танаси сиздан моҳга қапишиб ётар, ҳатто тёр босган пешона сиздан чивинни ҳайдашга қўрқарди. Майли, пусиб келишаверсин, майли, орқаларини тутиб беришсан, қидирув қаёққа кетаётганини кўреатишсиз, ана шунда старшина ўйин бошлайди, ўзи юради. Ҳозир тузни юради...

Инсон бошига хавф тушганда ё ҳеч нарсага ақли сиз май қолади, ё икки кишидан кўпроқ ўйлади. Биринчидан кейин нима қилсан экан деб режа тузатганда, бошқаси шу дақиқа ташвишини қиласди: ҳамма нарсани кўриб, билиб туради. Ваксов ҳам козир туз ҳақида ўйлаётуб, диверсиячиларни бир дақиқа ҳам унутмади. Йўқ, у яхши бекинган, немислар ҳам ундан четроқдан ўтгаётгандек, хуллас, бу жойда хавф кутилмасди. Фрицлар жойни бўлакларга кесиб ўтиб боришарди, старшина эса жангчиси билан шу бўлакларнинг нақ ўртасида, рост, бошқа-бошқа бўлаклар ўртасида қолишишганди. Демак, нафас олмай кутиш, моҳлар ва буталар орасига сингиб кетиш, кейин эса ҳаракат қилиш керак эди. Кейин бирлашиб, нишонни тақсимлаб олиб, қадрдан тўппончаси-ю, немис автоматидан ўт очиш керак.

Афтидан, фрицлар яна ўша йўлни текширишпти ва эртами-кеч Осянина билан Комельковага дуч келиб қолишилари мумкин. Бу старшинани сўзсиз ташвишлантиради-ю, лекин унчалик эмасди; қизлар уруш кўрган, нима қилишга ақллари етади ва бемалол ё яшириниб олишлари, ё орқага чекинишлари мумкин. Бунинг устига у ўз юришини немислар олдидан ўтиб, икки ўт орасига кириб қолган дақиқага мўлжаллаб қўйган эди.

Диверсиячилар Четвертак яширинган бутани йигирма метрча сўл томонда қолдириб, рўпарага келишди. Иккала ён томонда келаётган дозорлар қўринмади, лекин Федот Евграфич уларнинг қаердан ўтишини билиб улгурган эди. Ҳеч ким уларга дуч келмайдигандек эди, шунга қарамай старшина автоматни оҳиста предохранителдан туширди.

Немислар энгашиб, автоматларини ўқталиб кели-

шарди. Дозорлар ҳимоясида бўлганлари учун атрофга деярли қарашмас, ҳар дақиқа рўпарадан ўқ отилишини кутиб, олдинга тикилиб келишарди. Яна бир неча қадамдан сўнг улар Четвертак билан Ваксов оралиғида бўлишлари лозим, худди шу дақиқадан бошлаб, старшина овчилик кўзини қисиб, уларнинг елкасини нишонга олган бўларди.

Буталар шитирлаб, орасидан бирдан Галия отилиб чиқди. Энгашиб, қўллари билан бошини бекитганча, ҳеч нарсаи кўрмай ва ҳеч нарсанинг фарқига бормай, ялангликдан немислар томон югурди.

— А-а-а...

Автомат қисқа тириллади. Ўн қадамча наридан нозик, югуришдан таранглашган елкасига ўқ санчилди. Галия даҳшатдан бошини чангллаган қўлларини ёзишга улгурмай, юзтубан йиқилди. Унинг сўнгги қичқириғи филқилдоқ хириллашга айланди, оёқлари эса, этик учини шохга санчиб ҳали ҳам югурап, типирчилар эди.

Ялангликда ҳамма нарса тинди. Бир неча дақиқагина тинди, ҳатто, Галияning оёқлари типирчилаши ҳам тушдагидек секинлашди. Ваксов эса ҳамма режалари барбод бўлганини, қўлида козир туз ўрнига олтилик қолганини сезмай ҳали ҳам тош ортида ётарди. Ким билади, шу тарзда қанча ётарди-ю, бундан кейин қандай ҳаракат қиласарди. Лекин орқада қирсиллаш ва гурсиллаш эшитилдию Ваксов ўнг томондаги дозор бу ерга югуриб келаётганини тушунди.

Ўйлаб ўтиришга фурсат йўқ. Энди вақт ўтган эди, шу сабабли Федот Евграфич энг муҳимини ҳал қиласди: немисларни чалғитиб, бу ердан олиб кетмоқчи бўлди. Уларни эргаштириб, чалғитиб, қолган жангчиларидан узоқлаштиromoқчи бўлди. Шу қарорга келгач, энди яширинмай, сакраб турди, Галия устида, энгашиб турган иккитасига қаратса ўқ узди, дукиллаш эшитилаётган буталар томон автоматдан сурункасига ўқ узди-да, энгашиб, Синюхин тепалигидан ўрмон томон чопиб кетди.

У бирортасига тегизолдими йўқми, буни кўрмади: бунга вақти ҳам йўқ эди. Ҳозир немислар орасидан ёриб ўтиб, ўрмонга эсон-омон етиб олиши ва қизларни асраб қолиши шарт эди. Уларни, қолганларини сўзсиз асраб қолиш лозим эди, ўзининг эркаклик ва коман-

дирлик виждони олдида асраб қолишга мажбур әди. Шунчасининг ҳалоқ бўлгани етар. Шунинг ўзи ҳам бир умрга етарли.

Старшина анчадан буён ўша кечдаги каби юурмаган әди. Буталар орасидан ғизиллаб ўтар, тошлар орасидан сакрар, йиқилар, ўрнидан туриб яна югурав ва боши устида япроқларни узаётган ўқлардан қочиб яна йиқиларди. Ҳар томонда кўзга чалинаётган немисларга қарата қисқа-қисқа ўт очар ва шовқин кўтарарди. Буталарни синдирап, топтар, овози хириллаб бақирор әди, чунки фрицларни ўз орқасидан әргаштирумай чекинишга ҳақи йўқ әди. Ўт билан ўйнашишга, фрицларни чалғитишга тўғри келарди.

У бир нарсадан деярли хотиржам әди: немислар уни қуршаб олишолмасди. Чунки бу жойларни билдишмас, бунинг устига қуршаб олиш учун оз қолишган, энг муҳими, улар ҳалиги тўқнашувни, ўша муқобил жангни унтишмаган: атрофга аланглаб чопишарди. Шу сабабли ҳозирча осонгина қочиб қутулар, фрицларни атайлаб эрмак қиласарди, улар таъқибни тўхтатмасликлари учун, ўзларини ўнглаб олиб, бу ерда унинг ёлғиз эканлигини, аслини олганда якка ўзи эканлигини тушуниб қоямасликлари учун тўхтовсиз жаҳлини чиқарарди. Якка ўзи.

Бунинг устига туман ҳам ёрдам берарди: ўша баҳор сертуман келганди. Қўёш уфққа оғиши билан пастликларни тутун қоплагандек бўлар, туман қуюқлашиб, ҳар бутага ёпишиб олар, сутдай оппоқ бу туманда бир киши әмас, бутун полк бемалол яшириниб олса бўларди. Ваксов ҳар дақиқа шу булут орасига шўнгриб кетиши мумкин әди — кейин қидираверишин!

Бироқ ноқулайлиги шундаки, бу туман кўл томонга чўзилиб кетганди. Ваксов эса, аксинча, фрицларни ўрмонга олиб боришга интиларди, шу сабабли бутунлай ҳолдан тойгандагина туман ичига шўнғирди. Кейин эса, салом фрицлар, мен тирикман... дегандай, яна туман орасидан чиқарди.

Умуман старшинанинг омади келдӣ. Кичикроқ отишмада одамлар илма-тешик бўлган ҳоллар учраган, бу ерда эса омади келди. Ўлим билан беармон бекинмачоқ ўйнади, лекин ўрмонга чопиб борган ёлғиз унинг ўзи әмасди: бутун компания орқасидан таъқиб

қилиб борди, шу ерга келганды унинг автомати сўнгги марта шиқиллади-ю, жим бўлиб қолди. Патронлар тугаган, қайта ўқлашга патрон қолмаган эди, унингиз ҳам автомат старшинанинг қўлини шундай чарчатган эдики, Федот Евграфич уни тош остига яшириб, енгиллашиб, қуролсиз чекина бошлади.

Бу ерда туман йўқ эди, ўқлар эса дарахтларга келиб санчилар, пайрахалар отилиб кетар эди. Энди ўзоқроққа кетиш мумкин, энди ўзи ҳақида ўйлайдиган пайт келди, лекин ғазаби қайнаган немислар уни ярим доира шаклида қуршаб олиб, ботқоққа қисиб қўйиш ва тирик қўлга тушириш умидида дам бермай таъқиб қилиб келишарди. Улар шундай аҳволга тушиб қолишган эдики, старшина уларнинг командири ўрнида бўлганда «тил» учун орденни аямаган, ҳовучлаб берган бўларди.

Энди шундай деб ўйлаган, мўлжаллаб отишмаса керак, деб энди ўзига таскин берганда қўлига ўқ тегди. Тирсагидан пастроққа, юмшоқ жойига тегди, Федот Евграфич эса шошилишда ўқ текканини тушунмади, фарқига бормади, қўлидан иссиқ қон оқиши билан бутага урилиб шилиб олдим, деб ўйлади. Қон кўп кетмас, лекин қуюқ эди. Ўқ венага теккан эди. Вакковни совуқ тер босди: ярадор бўлгач узоқ жанг қилолмайди. Энди у ёқ-бу ёғига қарааш, ярани боғлаш, дам олиш керак. Лекин бу ерда душман орасидан билдирмай ўтиб кетишнинг, улардан узоқлашиб кетишнинг иложи йўқ. Фақат бир йўл қолди — ботқоққа чекиниш, бор кучи билан югуриши керак.

Бутун кучини шу югуришга сарфлади. Таниш қарагай олдига етиб келганды юраги типирчилаб, нафаси бўғзига тиқилиб қолган эди. Таёқни олди ва бешта таёқ қолганини кўрди, ўйлашга вақт йўқ эди. Немислар оёғи остида ўрмон шатирлар, немислар овози жаранглар, немислар ўқи визилларди. Ботқоқдан оролга қандай ўтганини билмайди. Қийшиқ қарагайлар остида ўзига келди. Совуқдан ўзига келди: қалтирас, тиши-тишига тегиб такилларди. Қўли ҳам оғрирди. Нима, совуқдан зирқирайтимикин...

Бу ерда қанча ётганини Федот Евграфич эслай олмади. Кўп вақт ётган бўлса керак, чунки атроф сукунатга чўмган, немислар қайтиб кетишган эди. Тонгга яқин туман қуюқлашиб, чўка бошлади ва бу намлик

Васковнинг суюк-суюгигача ўтиб кетди. Аммо энди ярадан қон оқмасди. Қўли елкасигача ботқоқ лойига беланиб, ўқ ўтган тешикни лой беркитиб қўйғанга ўхшайди. Старшина лойни кўчириб ўтирмади. Бахтига чўнтағида қолган бинтни олиб, устидан ўраб, атрофга қаради.

Ўрмон ортида тонг ёриша бошлаган, ботқоқ устидага осмон туманни ерга қапиштириб, баландда ёғду билан ўйнашарди. Лекин бу ерда, пастликда эса совуқ ва туман сут каби қуюқ эди, Федот Евграфич совуқдан қалтираб, флягани орзу қилиб, маъюс ўйларди. Бу совуқдан қутулишнинг бир йўли бор, у ҳам бўлса сакраш, шунинг учун тер чиққунча сакради. Бунгача туман ҳам сийраклаша бошлади. Энди атрофга кўз югуртса бўлади.

Васков қанча тикилмасин, немислар томондан ҳеч қандай хавф сезмади. Албатта, фрицлар унинг орқага қайтишини кутиб, яшириниб олган бўлишлари мумкин. Лекин бундай бўлмаслиги ҳам мумкин, нега деганда, уларнинг назаридаги ботқоқдан ўтиб бўлмайди, демак, старшина Васковни улар аллақачон чўкиб кетган деб ўйлашади.

Биз томонга, разъездга, тўппа-тўгри Мария Никифоровна ҳузурига олиб борадиган томонга Федот Евграфич қарамади. Бу томонда ҳеч қандай хавф йўқ эди, аксинча, бу томонда ҳаёт бор: ярим кружка спирт, тухум ва меҳрибон бека кутади уни. Старшина бу томонга қарамаса бўларди, қараашга ундаётган туйғудан юз ўғирса бўларди, лекин бу томондан мадад келмаяпти, ҳамон келгани йўқ, шу сабабли старшина бу томонга ҳам назар ташлаб қўярди.

У ерда нимадир қорайиб кўринарди. Нима қорайиб кўринаётганини старшина аниқлай олмади. Бир дақиқа шу қорани бориб кўргиси ҳам келди, лекин сакрайвериб чарчаганидан олдин нафасини ростлаб олмоқчи бўлди. Нафасини ростлаб бўлгандага тонг анча ёришиб қолганди— ва — у ботқоқда нима қорайиб кўринаётганини тушунди. Тушунди-ю, дарров ўзи кесган таёқдан таниши қарагай олдида бештаси қолганини эслади. Бешта — демак, жангчи Бричкина бу лаънати ботқоқка таёқсиз тушибди...

Ундан солдатча юбкагина қолди. Бошқа ҳеч нарса — ҳатто мадад етиб келишгага умид ҳам қолмади...

...Васков бирдан ўрмондан чиқиб келган диверсантларни санаган тонгни эслади. Чоп томонида Сонянинг шивирлаганини, Лиза Бричинанинг катта очијиган кўзларини, шиппак кийган Четвертакни эслади. Эслади-ю, овозини баралла қўйиб:

— Демак, Бричкина етиб боролмапти... — деди.

Унинг шамоллашдан хириллаб қолган овози ботқоқ устида бўғиқ парвоз қилди-ю, яна ҳаммаси жим бўлиб қолди. Бу фалокат жойда ҳатто чивинлар ҳам гингилламай келиб чақарди, старшина хўрсиниб, ботқоқ томон дадил юрди. Таёққа таяниб, қирғоқ томон юрар экан; шу ботқоқ ўз бағрига абадий олган Бричкина ҳақида, бекордан-бекорга ҳалок бўлган Четвертак ҳақида, Комелькова билан Осянина тўғрисида ўйлар, уларнинг тирик эканлигига умид қиларди. У яна яккаю ягона қуроли — ёнидаги тўппонча экани ҳақида ҳам ўйларди.

Диверсиячилар бу ерда битта одам қолдиргандами, старшина Васков ўт-ўланларга муккасидан кетганча шу ерда чириб кетган бўларди. Уни икки қадам наридан отиб ташлашлари мумкин эди, чунки қирғоқ томонга қараб борар, бу ерда ҳатто яшириниш учун ётиб ҳам бўлмасди. Аммо немислар одам қолдиришмаган эди, шу сабабли Федот Евграфич эсон-омон таниш сойга етиб олди, наридан-бери ювениб, тўйиб сув ичди. Кейин чўнтағидан қоғоз топиб, қуриган моҳдан тамчаки ўради, «катюша»ни ёндириб, чекди. Энди ўйлаб олса бўларди.

Кечак душманнинг роппа-роса йигирма беш процентини сафдан чиқарган бўлса ҳам, урушни бой бериб қўйибди-да. Бой бериб қўйди, чунки немисларни тутиб тутра олмади, шахсий составининг нақ ярмидан ажради, бор ўқ-дорини сарфлаб, битта тўппонча билан қолди. Қандай важ-карсон кўрсатма, қанчалик ўзингни оқлама, расво бўлди. Энг ёмони, диверсиячиларни қаердан қидиришни билмасди.

Васков ўз ёғида ўзи қовуриларди. Очликданми, сассиқ тамакиданми, ёлғизлик ва миясида аридек гужғон ураётган ўйларданми — изтироб чекарди.

Шериклари ёнига бориши керак, албатта, Унинг

қўл остида икки нафар қиз қолди, лекин ақл-идрокли қизлар қолди. Учовлон катта куч, аммо бу кучнинг қўлида қурол йўқ. Демак, у командир сифатида нима қилиш керак ва нима билан жанг қилиш керак, деган икки саволга жавоб тайёрлаб қўйиши керак. Бунинг учун битта йўл бор: аввал ўзи шароитни аниқлаши, немисларни топиб, уларнинг қуролини қўлга киритиши керак.

Кеча югур-югурда немислар ўз уйларида гидек бемалол чопишган, шу сабабли ўрмонда излар кўп эди. Федот Евграфич харитага қарагандек, шу изларга қараб борар, мулоҳаза қилар ва санар эди. Унинг ҳисобича, орқасидан қувлаган немислар ўнтадан ортиқ әмас: бирортаси юклар олдида қолган ёки старшина отишма вақтида яна бирортасини гумдан қилиб улгурган. Аммо кеча нишонга олишга вақти бўлмагани учун ҳозирча немисларни ўн икки киши деб ҳисоблаш ва шунга қараб иш тутиш керак эди.

Шу тариқа, изма-из юриб, ўрмон четига чиқди, у ердан яна Воль-кўл ҳам, Синюхин тепалиги ҳам, ўнг томонга чўзилган кичик қарағайли бутазор ҳам намоён бўлди. Федот Евграфич атрофни кўздан кечириш учун бир оз тўхтади, лекин на ўз шерикларини, на бегоналарни — ҳеч кимни сезмади. Унинг олдида жимлик, сукунат, тонгги фароғат ётарди ва шу фароғат ичида қаердадир немис автоматчилари ва милтиқни қуучоқлаб олган икки рус қизи яширинган эди.

Ҳалиги тошлар орасида қизларни қанчалик қидириб топгиси келмасин, старшина ўрмондан чиқмади. У ўз ҳаётини хавф остида қолдириб, таваккал қилиши мумкин эмасди, сира ҳам мумкин эмасди, чунки ҳамма аламларга ва ночорликка қарамай, у ҳатто ҳаёлида ҳам ўзини мағлуб ҳисобламасди. Шу сабабли старшина учун уруш ҳали-бери тугаши мумкин эмасди. Федот Евграфич атрофдаги хотиржамликка назар ташлаб, яна ўрмон ичига шўнгиди ва қояларни айланиб, Легонт кўли томон юрди.

Унинг режаси жўнгина эди. Немислар кеча унинг орқасидан кечгача югуришди, тун ёруғ бўлса ҳам улар тусмоллаб ҳужум қилишолмасди. Бинобарин, улар эрталабгача кутишлари керак, тонгни кутиш учун эса, бирор ҳодиса юз берса, ботқоққа чекинмаслик учун Легонт кўли ёнидаги ўрмондан қулай жой йўқ. Шу

сабабли Федот Евграфич таниш тошлардан нотаниш жойларга жўнади:

Бу ерда у эҳтиёт билан, бир дараҳт панасидан иккинчисига ўтиб бораарди. Чунки излар бирдан йўқ бўлиб қолди. Лекин ўрмон жимжит, фақат қушлар сакраб ўйнашарди, уларнинг чуғур-чуғуридан Федот Евграфич яқин орада одам йўқлигини ҳис этарди.

Шу тариқа у узоқ юрди, бекорга овора бўлаётгандай, ҳисобда адашиб, энди диверсиячиларни улар йўқ жойдан қидираётгандек туюла бошлади. Аммо ҳозир унинг сезгидан бошқа белгиси йўқ эди, кўнгли эса йўл тўғри танланганини сезиб турарди. Энди ўзининг овчилик сезгисига шубҳалана бошлаган, энді ҳаммасини қайта бошдан ўйлаб, мезонга солиб кўрмоқчи бўлган ҳам эдики, олдидан қуён сакраб чиқди. Ялангликка югуриб чиқди-ю, Ваксовни сезмай, орқасига қараб орқа оёқларига турди. Одамлардан қўрқиб кетган қуён авваллари одамларни кўрмагани учун қизиқиб орқасига қаради. Старшина ҳам қуёндек қулоқларини динг қилиб, ўша томонни кузата бошлади. Бироқ у қанча кузатмасин, қанчалик диққат билан қулоқ солмасин, у ерда ҳеч қандай фавқулодда нарса сезмади. Қуён теракзорга қочиб қолди. Федот Евграфичнинг кўзлари тиниб, ёш чиқиб кетди, лекин у ҳамон қимирламай турар, чунки ўз қулоқларидан кўра ҳалиги қуёнга кўпроқ ишонарди. Шу туфайли қуён қараб турган томонга секин, соядек силжий бошлади.

Олдин у ҳеч нарса сезмади, кейин буталар орасидан қандайдир қўнғир нарса кўринди. Бу бальзи жойларини замбуруғ босган ғалати нарса эди. Ваксов нафасини ичига ютиб, олдинга юрди ва қўли билан буталар орасини ёрди-ю, чўкиб кетган эски кулбанинг могорглаган деворига дуч келди.

«Легонт кулбаси», — тушунди старшина.

Бурчакка ўтиб, қудуқнинг чириб кетган ёғоч оғзини, ўт босган сўқмоқни ва битта ошиқ-мошиққа илиниб, қийшайиб қолган эшикни кўрди. Тўппончасини чиқариб қулоқлари зингиллаб кетгудай диққат билан қулоқ солиб, эшикка яқинлашди. Кесакига қаради, занг босган дорпеч ва эзилган ўт-ўланларга қаради, зинадаги ҳали қуrimаган изни кўриб эшикни кўпи билан бир соатча олдин бузишганини тушунди.

Нега эшикни бузишди, деган савол туғиларди. Немислар ташландиқ кулба эшигини шунчаки қизиқиб бузишмагандир: демак, шундай қилиш зарур бўлган. Демак улар бошпана излашган: балки ораларида яадор бордир, уни яшириб қўйиш лозим бўлгандир. Старшина бошқа сабаб тополмади ва шу сабабли из қолдирмасликка ҳаракат қилиб, эҳтиёткорлик билан орқага — буталар орасига чекинди. Буталар қалин жойга эмаклаб келиб, қотиб кута бошлади.

Фақат чивинлар унга ҳужум қиласади, қаердадир загизон чағиллади. Кейин шох қирсиллаб синди, нимадир жиринглаб кетди ва ўрмон иҷидан Легонт кулбасига қараб бирин-кетин ўн икки немиснинг ҳаммаси чиқиб келди. Ўн биттаси юк кўтариб келар (портловчи модда, деб аниқлади старшина), ўн иккинчиси таёққа таяниб, қаттиқ оқсар эди. Кулба олдига келишгач, юкларни бир жойга қўйиши, ярадор дарровни наға ўтиради. Бирин портдовчи моддан кулбага таший бошлади, қолгланлари чекишиб, навбати билан харита-га қараб, нима ҳақдадир гаплаша бошладилар.

Васковни чивин талаб, қонини сўрар, у эса киприк қоқишига ҳам қўрқарди. У немислардан икки қадам нарида тўлончасини маҳкам ушлаб ўтирад, уларнинг ҳамма гапларини эшитар, лекин нима дейишаётганига тушунмасди. У луғатдан бор-йўғи саккизта гапни билб олган, уни ҳам руслар чўзиб гапирсагина тушунарди.

Лекин тусмоллаб ўтиришга тўғри келмади: ўртада турган (бошқалар унинг планшетига қарашаётганди) бошлиқ қўл силтади ўн киши автоматларини елкасига осиб, ўрмонга йўл олди. Улар ўрмонга кириб кетаётгандан ҳалиги юк ташигани ярадорнинг туришига ёрдамлашди ва уни кулбага судраб олиб кирди.

Ана энди Васков нафасини ростлаб, чивинларни қувди. Энди ҳамма нарса равшанлашди. Немислар Синюхин тепалиги томон мева тергани кетишаётгани йўқ. Улар Легонт кўлини лўқиллаб айланишни истамай, қайсарлик билан шу ерга ёпишиб олишди. Ҳозир юкларини қолдириб, у ерга ўтиш жойини текшириб кўриш учун кетишаётганди.

Улардан ўзиб кетиши старшина учун ҳеч гап эмасди, қизларни топиб, ҳамма ишни яна бошидан бошласа бўларди. Фақат бир нарса — қурол масаласи уни

тутиб турарди. Қуролсиз фрицларнинг йўлини тўсишни ўйламаса ҳам бўлади.

Ҳозир бу кулбада, қийшайган эшик ортида иккита автомат бор. Иккита, бу катта бойлик, лекин бу бойликни қандай қилиб қўлга киритишни Ваксов ҳозирча билмасди. Уйқусиз тундан кейин, ярадор қўл билан бостириб кириш фойдасиз. Шу сабабли Федот Евграфич шамол қаёқдан эсаётганини аниқлаб, немиснинг кулбадан чиқишини кутди.

Мана, чивин чақаверганидан юзлари шишиб кетган диверсиячи кулбадан ўз ўлимига пешвоз чиқди: сув ичгилари келганга ўхшайди. Автоматини ушлаб, белига иккита фляга осиб, эҳтиёт бўлиб чиқди. Анчагача атрофга тикилиб, қулоқ солиб турди ва ниҳоят деворга ёпишиб турган жойидан қудуқ томон юрди. Ана шунда Ваксов тўппончани кўтарди, мусобақа вақтидагидек нафас олмай, тепкини оҳиста босди. Ўқ овзи эшитилди, немисни куч билан олдинга улоқтириб юборди. Старшина ҳар ҳаётимолга қарши яна бир ўқ узди, энди яширинган жойидан чиқмоқчи бўлган эдик, тўсатдан, қийшайган эшик ёнида девор тирқишидан учи чиқиб, ялтираб турган автоматни кўриб қолди-ю, жойида қотди. Иккинчиси, ярадори дўстици қўриқлаб турган, ҳаммасини кўрган, демак, қудуқ олдига югуриш ўлимга рўбарў бўлиш билан баравар.

Ваксовни совуқ тер босди: ҳозир анави ярадор сурункасига ўқ узади. Шунчаки, осмонга қараб, бўғиқ, ташвишли ўқ узади. Немислар дарров қайтиб келиб, ўрмонни титкилаб чиқишади ва шу билан старшина-нинг бу дунёдаги хизмати тугайди. Иккинчи марта қочиб қутуоломайсан...

Лекин немис нима учундир отмаяпти. У ниманидир кутар, автомат стволини сергаклик билан қимирлатар, шерикларига сигнал бермас эди. Дўсти қудуқ оғзига қулаганини кўрди, ҳали ҳам типирчилаетганини кўриб турибди, лекин ёрдамга чақирмаяпти. Кутяпти... Нимани кутяпти?..

Ваксов тушунди. Ҳаммасини тушунди; фашист ўз жонини асраяпти. Ўлаётган дўсти, буйруқ қўлга кетган дўстлари унинг учун икки пул: у ҳозир кўринмас рақиб эътиборини ўзига қаратмасликини ўйлаяпти. Кўзга кўринмас душмандан ўлгудек қўрқади, у йўғон-

лиги бир қучоқ келадиган ходалар орқасида жон сақлаш ҳақида ўйлаяпти.

Ҳа, ажал қўзига тикилиб қараганда фриц қўрқоқлигини билдириб қўйди. Қўрқоқ экан, старшина буни тушуниб, енгил нафас олди.

Федот Евграфич тўўпончасини ғилофига солиб, эҳтиёткорлик билан эмаклаб орқасига қайтди, кулбани тез айланиб ўтиб, қудуқقا бошқа томондан яқинлашиди. Тахмин қилганидек, ярадор фриц ўлдирилган шеригига қарамасди, старшина унинг ёнига хотиржам эмаклаб келиб, автоматни, белидан запас обоймалар сақланадиган халтани олиб, сездирмай ўрмонга қайтди.

Энди ҳамма нарса тезликка боғлиқ, чунки у айланма йўлни танлади. Бу ўринда таваккал қилишга тўғри келарди, шу сабабли у таваккал қилди ва бу тўғри бўлиб чиқди. Қояларгача борадиган қарагайзорга шўнғиди ва шундан кейингина бир оз дам олди.

Бу ер ўзлари эмаклаб ўтишган таниш жойлар. Шу ернинг қаериадadir қизлар яшириниб олишган. Бирор ҳодиса юз берса, қизларга чекинишни буюрган бўлса ҳам, ҳозир Федот Евграфич қизлар бу буйруқни бажаргандарига ишонгиси келмасди. Ишонгиси келмас, ишонишни хоҳламас эди.

Шу ерда дам олиб, немисларнинг овози әшитилмаптимикин, деб қулоқ солди. Кейин бир кун олдин Осянина билан бирга келган йўлидан Синюхин қоялари томон оҳиста юрди. Унда ҳаммаси тирик эди, Лиза Бричкинадан бошқа ҳаммаси...

Улар ҳар ҳолда чекинишди. Тўғри, узоққа эмас, кеча эрталаб фрицларга томоша кўрсатишган сойнинг нариги томонига чекинишди. Федот Евграфич эса бу ҳақда ўйламай, қизларни эски позицияда, тошлар орасидан тополмай, уларни қидириш учун эмас, ўзини йўқотиб қўйганидан сой бўйига чиқди. Тўсатдан ёлғиз қолганини, ярадор аҳволда ёлғиз ўзи қолганини тушунди ва уни шундай ғам босдики, ҳаммаси миясида қоришиб кетиб, бу жойга паришон ҳолда келди. У сув ичмоқчи бўлиб энди чўккалаган ҳам әдикি, шивирлаш әшитилди:

— Федот Евграфич...

Орқасидан қичқириқ әшитилди.

— Федот Евграфич!.. Ўртоқ страшина!..

Бошини кўтарди, улар эса сув кечиб, югуриб келишяпти. Юбкаларини кўтармай, сувдан югуриб келишяпти. Уларга пешвоз югурди, шу ерда, сув ичида қучоқлашиб кетишиди. Иккаласи бараварига бўйнига осилиб, лой, тер босган, соқоли олинмаган юзидан ўпашарди...

— Қўйсаларинг-чи, қизлар, нима қиляпсизлар?!.

Ўзи эса кўз ёшларини зўрға тутиб турарди. Асаблари бўшашиб қолганга ўхшайди, кўз ёшлари кипригида осилиб турибди. Қизларни елкасидан қучоқлади, учовлон шу тарзда нариги томонга юришиди. Комелькова эса унинг пинжига суқилиб, соқол босган юзини силамоқчи бўларди.

— Эҳ, қизалоқларим, қизалоқларим! Бирор нарса едиларингми, бир оз бўлсаям ухладиларингми?

— Уйқи келмади, ўртоқ старшина...

— Энди сизларга қанақасига старшина бўлай, сингилларим? Энди сизларга акадекман. Федот деб чақираверинглар энди. Ёки бўлмаса, ойимга ўхшаб Федя деб...

Буталар орасида қоплар, шинеллар, милтиқлар тахлаб қўйилган эди. Ваксов дарров ўз халтасига ёпишиди. Энди тизимчасини ечаётганда Женя сўраб қолди:

— Галка қани?..

Секин, журъатсизлик билан сўради: улар аллақачон ҳаммасини тушунишган эди. Фақат ўнинг оғзидан эшитиб, аниқлаб олишмоқчи эди.

Старшина жавоб бермади. Индамай халтани ечди, ундан қотган нон, сурёғ ва флягани олди. Учта кружкага қуйди, нонни ушатди. Сурёғни кесди. Жангчиларга тақсимлаб, кружкани кўтарди.

— Ўртоқларимиз мардларча ҳалок бўлишиди. Четвертак отишма вақтида ҳалок бўлди, Лиза Бричкина эса ботқоққа чўкиб кетди. Хуллас, Соня билан бирга учта ўртоғимиздан жудо бўлдик. Худди шундай. Аммо бунинг эвазига бир кеча-кундуздан бери душманни шу ерда, кўллар орасида чалғитиб турибмиз. Бир кеча-кундуз!.. Энди яна бир кеча-кундуз вақтдан ютиш — бизнинг навбатимиз. Бизга ёрдам келмайди, немислар эса келишяпти. Хуллас, келинглар, сингилларимизни хотирлайлик, кейин жангга киришга тўғри көлади. Менимча, сўнгги жанг...

Мусибат бўладики, елкангдан тоғдек босади, эзади, дунё кўзингга қоронги бўлиб кетади. Қулагандан кейин қарабсанки, яшаса, нафас олса бўлади.

Аммо арзимаган хатоликлар ҳам бўлади. Ўзи арзимаган нарса-ю, оқибати шунақа бўладики, худо кўрсатмасин.

Васков нонуштадан сўнг жангга тайёрланаётуб шунақа азримас хатони аниқлади. Халтасини ағдариб, титкилаб чиқди, ҳар бир буюмни уч мартадан ушлаб кўрди, лекин тополмади.

Запал арзимаган нарса. Лекин запалсиз граната — бир бўлак темир, кесакдек жонсиз темир бўлиб қолади.

— Энди артиллериямиз йўқ, қизлар.

Қизлар хафа бўлишмасин деб кулиб гапирди. Улар эса, нодонлар, бу гапни эшитиб, жилмайишиди.

— Ҳечқиси йўқ, Федот, ҳужумни қайтарамиз!

Бу гапни сал тутилиб, Комелькова айтди. Қизариб кетди. Ўз-ўзидан равшан, тўсатдан, командирнинг исмини айтиши қийин.

Отишиш учун учта милтиқ, иккита автомат-у, тўппонча бор. Лекин ўнта автоматдан тириллатиб турганда, унчалик ўзингни бехавотир сезмайсан. Эҳтимол, жонажон ўрмонимиз ёрдам қиласар. Ўрмон билан сойнинг фойдаси тегиб қолар.

— Ушла, Рита, автоматга запас ўқдон, фақэт узоқдан отма. Сойнинг нариги томонида туришганда, милтиқдан от, автоматни асраб тур. Сойдан ўтиша бошлиганда жуда аскотади. Жудаям. Тушундингми?

— Тушундим, Федот....

Буниси ҳам тутулиб қолди. Васков жилмайиб қўйди.

— Федя десаларингиз осонроқ бўлади. Менинг исмим чиройли эмас, албатта, лекин борига барака...

Ҳар ҳолда бир кеча-кундуз немислар учун сабоқ бўлди. Улар жуда эҳтиёткор бўлиб қолишиди. Шу сабабли ҳар бир қўйтош орқасига қараб, оҳиста ҳаракат қилишарди. Қўлларидан келганча ҳаммаёқни титкилаб текшириб, қуёш анча кўтарилиб қолганда қирғоқда пайдо бўлишиди. Ҳаммаси худи олдингидек такрорланди: фақат бу гал немислар рўпарасидаги ўрмондан қизлар овози эштилмас, ўрмон ниманидир кутиб, таҳ-

дид қилиб сукут сақларди. Диверсиячилар бу таҳдидни сезиб, нариги томонда, буталар орасида қоралари кўринса ҳам анчагача сув бўйига чиқишмади.

Федот Евграфич сойнинг кенг бурилишида қизларни қолдирди, шахсан ўзи үларга позиция танлаб, ориентирларни кўрсатди. Ўзига эса бир кун олдин Женька Комелькова ўз танаси билан фрицларни тўхтатган ўша сойдаги бурунчани танлади. Бу ерда қирғоқлар деярли тулашиб кетган бўлиб, ҳар икки томонда сув бўйиданоқ ўрмон бошланар, сувни кечиб ўтиш учун бу ердан қулайроқ жой йўқ эди. Бирор асаби таранг душман ўсини тутолмай ўқ узишини кутиб, немислар худди шу ерда тез-тез пайдо бўлишарди. Аммо асабийлар ҳозирча топилгани йўқ, чунки Ваксов ўз жангчиларига фрицлар сувга тушгандан кейингина отишни қаттиқ тайинлаб қўйган, унгача қушларни ҳам чўчитмаслик учун нафасларини иchlарига ютиб ўтишни буюрган.

Ҳамма нарса ёнида, ҳаммаси таҳт қилиб қўйилган: автоматлар билан милтиқлар шай. Старшина нариги қирғоқни деярли хотиржам кузатарди, фақат лаънати қўли совуқ теккан тишдек зирқиради.

У ерда, нариги томонда бўнинг акси эди: қушлар жимиб қолган, зағизғон тинмай чағилларди. Бекин-мачоқ ўйнаш қачон фрицларнинг жонига тегишини аниқ билиб олиш учун Федот Евграфич ҳаммасини сезиб, баҳолаб, хулоса чиқарарди.

Аммо биринчи ўқни узиш унга насиб қилмади, ўқ овозини кутиб турган бўлса ҳам, старшина чўчиб кетди: ўқ ҳамиша кутилмагандан, бирданига отилади. Чап томонда, оқимнинг қуйироғида отилди, ундан кейин бўрин-кетин ўқ овози янгради. Ваксов ўша томонга ҳаради: қайилишда немис сувдан қирғоққа тирмашиб чиқяпти, орқага, шериклари турган томонга чиқялти, ёлларида ўқ визиллар, лекин унга тегмасди. Фриц тсшлоқда оёғини судраб, әмаклаб қочарди.

Шу пайт ярадорни ҳимоя қилиб, автоматлар тириллади. Старшина жойидан чиқиб, шериклари ёнига югурмоқчи бўлди-ю, ўзини тутиб қолди. Яхши қилган экан: нариги томонда буталар орасидан қирғоққа бирданига тўрттаси сирғаниб тушди, автоматлар сайраб турганда, унинг ҳимоясида сойдан чопиб ўтиб, ўрмона га яширинмоқчи бўлишса керак. Бу пайт милтиқ иш

бермасди, чунки ҳар отгандан кейин милтиқ затвори-ни тортиб, қайта ўқлаш керак, бундай қилишга эса вақт йўқ. Шунинг учун Федот Евграфич автоматни қў-лига олди. Тепкини босиши биланоқ рўпарасидаги бу-талар орасидан икки олов отилиб, боши узра ҳавони ўқлар кесиб ўтди.

Васков бир нарсани — бу жангда чекиниб бўлмас-лигини биларди. Бу қирғодан немисга бир қарич ерни ҳам бермаслиги керак. Қанчалик оғир бўлмасин, қар-шилик кўрсатиш қанчалик бефойда бўлмасин — шу ердан чекинмаслик, шу ерда ўрнашиб туриш керак. Шу позицияни ушлаб туриш зарур, акс ҳолда мажақ-лаб ташлашади,— унда ҳаммаси барбод бўлади. Федот Евграфичда шундай тўйғу пайдо бўлдики, гёё бутун Россия унинг орқасида, худди у, Федот Евграфич Васков Ватанинг ёлғиз фарзанди, ҳимоячиси эди. Ҳозир унинг назарида бошқа ҳеч ким йўқ: фақат унинг ўзи, душман ҳамда Россия бор.

У ўзи сезмаган ҳолда милтиқ отишяптими, йўқми деб қулоқ ҳам соларди. Отишяптими — демак, улар ти-рик. Демак ўз фронтларини ўз Россиясини ҳимоя қи-лишапти. Тутиб туришибди!..

У ерда ҳатто гранаталар портлай бошлагандан ҳам Васков қўрқмади. У яқин орада жимлик чўкишини се-зуб турарди, чунки немислар душман кучини аниқ билмай туриб, сурункали жанг қила олмас эдилар. Улар ҳам вазиятни эътиборга олишлари ва шунга қа-раб иш кўришлари керак эди. Рўпарасидан бостириб кела бошлаган тўртови дарҳол чекинди, чекинганда ҳам шундай эпчиллик қилишдики, старшина бирорта-сини ярадор қилдими-йўқми, сезмай қолди. Буталар орасига кириб, дағдаға қилиб, бир оз отиб туришди-ю, яна жим бўлиб қолишиди, фақат сув юзида тутун су-зуб юради.

Бир неча минут вақтдан ютишди. Рост, бугун ҳисоб минутлар билан ўлчамнамаслиги керак, нега деганда ҳеч ердан ёрдам кутиб бўлмайди, шунга қарамай, улар душманни бир узуб олишди, уларга тиш-тирноқли эканларини кўрсатиб қўйишиди, энди у иккинчи марта бу ерга эҳтиёт бўлиб бош суқади. Душман яна бирор жойдан, аниқроғи, оқим бўйлаб юқоридан ўтишга жой қидириб кўради, чунки қайлишидан қуйида қоя-тошлиар сойга тик тушган, ўтиш қийин. Демак, дарҳол

ўнг томонга югуриш, бу ерда ўз ўрнига ҳар эҳтимолга қарши қизлардан бирортасини қолдириш керак...

Васков ўз диспозициясини ўйлаб чиқишига улгурмади; орқасидан эшитилған оёқ товуши ҳалал берди, ўгирилиб қаради: Комелькова түғри буталар орасини ёриб келарди.

— Энгаш!..

— Тезроқ!.. Рита!..

Ритага нима бўлганини Федот Евграфич сўраб ўтирумади: кўзларидан тушуниб олди. Қуролини олиб, Комельковадан олдин етиб борди. Осянина дараҳтга суюниб, қарағай остида буқчайиб ўтиради. Тез-тез лабларини ялаб, кулишга уринди, қорнини ушлаб турган қўлларидан қон оқарди.

— Нима тегди? — сўради Васков.

— Граната...

Ритани чалқанча ётқизиб, қўлинини ушлади — унинг қўлинини қўйиб юборгиси келмас, оғриқнинг зўрайишидан қўрқарди. Ританинг қўлинини оҳиста четга сурди-ю, қизнинг куни битганини тушунди... Унга нима бўлганини ажратиб олиш ҳам қийин эди: ҳамма нарса — қон ҳам, йиртилган гимнастёрка ҳам, қорнига ботиб кетган солдат камари ҳам бир-бирига қоришиб кетиби.

— Мато бер! — қичқирди у. — Ич кийимидан бер!

Женъка қўллари қалтираб, халтасини йиртиб, ундан енгил, силлиқ нарса олиб тутқазди...

— Шойи эмас, ип газламадан тикилганини бер!..

— Йўқ!..

— Ҳа, жин ургур!.. — ўз сафар халтасига ташланиб, сча бошлади. Аксига, маҳкам боғлаб қўйган экан...

— Немислар... — Ританинг лаблари шивирлади.— Немислар қаерда?

Женъка бир дақиқа унга тикилиб турди, кейин автоматини олиб, орқасига қарамай қирғоқ томон югурди.

Старшина кўйлак, кальсон ва иккита запас бинт олиб қайтиб келди. Рита нимадир деди, аммо Васков эшитмади. Гимнастёрка, юбка ва қонга беланганди ич-кўйлакни пичноқ билан кесиб, тишларини ғижирлатди. Граната парчаси қорнини чавақлаб, тешиб ўтиб кетган: қоп-қора қон орасида кўкимтир ичаклари титраб

туарди. Устига кўйлакни босиб, бинт билан ўраб боғлай бошлади.

— Ҳечқиси йўқ, Рита, ҳечқиси... Ялаб ўтибди: ичаклар бутун. Тузалиб кетади...

— Қирғоқда автомат тириллади. Яна атрофда ўқлар визиллаб, барглар узилиб туша бошлади, Ваксов эса ҳамон бинт устидан бинт боғлар, латта дарров қондан хўл бўлиб кетарди.

— Бор... ўша ерга бор...— деди зўрга Рита.— Женъка ўша ерда...

Ёнгинасидан ўқлар визиллаб ўтди. Юқоридан эмас, ёнгинасидан, демак, мўлжаллаб отилган, фақат тегмади. Старшина ўгирилиб, тўппончасини чиқарди, липиллаб кўринган қорага қарата иккита ўқ узди: немислар сойдан ўтишган эди.

Женъканинг автомати эса ҳамон қаердадир тириллар, ўт сочар, тобора ўрмон ичкарисига кириб борарди. Ваксов Комелькова отишмани давом эттириб, немисларни ўз орқасидан эргаштириб кетаётганини тушунди. Эргаштириб кетяпти-ю, лекин ҳаммасини ёмас, яна қаердадир диверсиячининг қораси кўринди, старшина унга қарата ўқ узди. Бу ердан кетиш, Осяининани олиб кетиш зарур эди, чунки немислар шу ерда айланниб юришарди, ҳар дақиқа старшина ҳаётидаги сўнгги он бўлиб қолиши мумкин эди.

У, Рита, кўкарган, азобга чидолмай тишлаб қонашиб юборган титроқ лаблари билан нимани шивирлаётганига қулоқ солмай, уни кўтарди. Милтиқни ҳам олмоқчи бўлди-ю, уddалай олмади. Ҳар қадам қўйганида ярадор бўлган ва тиш оғриғидек зирқираётган чап қўлида куч қолмаётганини сезиб, буталар орасига югурди.

Юк халталар, милтиқлар, скаткалар ҳамда Женъканинг старшина отиб юборган ич кийимлари қарағай остида қолди. Яп-янги, нафис ва чиройли ичкўйлак...

Женъка чиройли кийим кийишни яхши кўрарди. У табиатан қувноқ бўлгани учун кўп нарсадан бемалол воз кечаоларди, лекин уруш олдидан онаси совға қилган ички кийимларни қайсарлик билан армия юк халтасида олиб юрарди. Бунинг учун ҳамиша ҳайфсан, навбатдан ташқари наряд ва бошқа ҳарбий кўнгилсизликларга дуч келса ҳам, ажралгиси келмасди.

Айниқса, битта ичкўйлаги бор эди — жуда ҳам ан-

тиқа эди. Ҳатто Женъканинг отаси ҳам ўзини тута олмай:

— Эй, Женъка, буниси энди ҳаддан ташқари. Қаёққа кийиб бормоқчисан? — деганди жаҳл билан.

— Кечага! — мағур жавоб берганди Женъка, отаси бутунлай бошқа нарсани кўзда тутаётганини тушунив турар.

Улар бир-бирларини яхши тушунишарди.

— Мен билан тўнғиз овига борасанми?

— Юбормайман! — онаси қўрқиб кетди. — Жинни бўлдингизми, ҳеч вақтда қиз болани ҳам овга олиб борадиларми?

— Майли, ўргансин! — отаси кулди. — Қизил командирнинг қизи ҳеч нарсадан қўрқмаслиги керак.

Женъка эса ҳеч нарсадан қўрқмасди. От миниб чоптириб юрар, тирда мерганлик қиласар, отаси билан тўнғиз өвидаги пистирмада ўтирас, отасининг мотоциклини ҳарбий шаҳарчада ҳайдарди. Яна кечаларда «Циганочка» билан «Матчиш»га рақс тушар, гитара жўрлигига қўшиқ айтар, олдиди гоз турадиган лейтенантларнинг бошини айлантиради. Севмасдан, эрмак учун уларнинг бошини айлантиради.

— Женъка, сен лейтенант Сергейчукнинг эс-ҳушини олиб қўйибсан. Биласанми, бугун у менга қандай доклад қилди: «Ўртоқ Евг... генерал...»

— Ёлғон гапирияпсиз, дада!..

Бахтили, қувноқ дамлар эди, онаси эса қовоғини солиб, хўрсинарди: кап-кatta қиз, эскича айтганда, бўйи етиб қолди-ю, ўзини тутиши... Гоҳ тир, гоҳ от билан мотоцикл, гоҳ тоғ отгунча танцабозлик, қучоқ-қучоқ гул кўтарган лейтенантлар, дераза остида сенренадалар, шеърий мактублар,— буларнинг барига тушуниш қийин.

— Женечка, бу ишинг яхшимас. Биласанми, шаҳарда сен тўғрингда нима дейишяпти?

— Майли, вайсашаверсин, ойижон!

— Айтишларича, сени полковник Лужин билан бир неча марта кўришганмиш. Унинг оиласи бор, Женечка. Шу ишинг яхшими, ахир?

— Лужинни бошимга ураманми! — Женъка елкасини қисар ва қочиб кетарди.

Лужин эса чиройли, сирли ва қаҳрамон эди: Халхин-гол жангидаги Қизил Байроқ ордени, фин урушида

Қизил Юлдуз олган эди. Женъка бу ҳақдаги гапдан ўзини олиб қочиши бежиз эмаслигини онаси сезарди. Сезарди-ю, қўрқарди...

Ота-онаси ҳалок бўлгач, ёлғиз ўзи фронтдан ўтганда Женъкани ўша Лужин топиб олди. Топиб олиб, унга суюнчиқ бўлди, қизнинг ёлғиз қолганлигидан фойдаландими, ишқилиб ўзига ром қилиб олди. У вақтда Женъкага ана шу таянч зарур эди, бошини қўйиб йифлаб олиши, нолиши, эркаланиши ва даҳшатли ҳарбий оламда яна ўзини тутиб олиши учун зарур эди. Ҳаммаси кутганидагидек бўлиб, Женъка нолимасди. У ҳеч қачон хафа бўлмасди. У ўзига ишонарди. Ҳозир немисларни Осянинадан узоқлаштириб кетаётганда ҳам ҳаммаси яхши тугашига ишонар ва бунга бир дақиқа ҳам шубҳа қилмасди.

Ҳатто биқинига биринчи ўқ текканда ажабланди, холос. Ахир ўн тўққиз ёшда ўлиб кетиш аҳмоқона, ақл бовар қилмайдиган ноҳақ иш эмасми.

Немислар уни кўрмай ярадор қилишди, япроқлар орасидан ўтган ўқ келиб тегди. Женъка пусиб, ўтиб кетишларини кутиши ва балки қўтулиб қолиши мумкин эди. Аммо у ўқи тамом бўлгунга қадар отаверди. Энди қочишига ҳаракат қилмай, ётиб отарди, чунки оқаётган қон билан бирга танасидан қувват ҳам кетаётган эди. Немислар уни рўпарадан отиб ўлдиришди. Кейин эса ўлимдан сўнг ҳам мағрур ва гўзал сиймосига узоқ қараб туришди...

## 14

Рита яраси оғирлигини, узоқ қийналиб ўлишини биларди. Ҳозирча оғриқ деярли сезилмас, фақат қорни куйиб кетаётганга ўхшар, нуқул сув ичгиси келарди. Лекин сув ичиш мумкин эмас, Рита латтани кўлмакка ботириб, лабига босарди.

Васков уни қулаган арча остига яшириб, устига шохларни ташлаб кетди. Унгача отишма давом этарди, лекин кўп ўтмай бирдан сукунат чўкди. Рита йифлаб юборди. У овоз чиқармай, хўрсингимай йифлар, юзларидан ёш оқиб тушарди: у энди Женъканинг йўқлигига тушунган эди...

Кейин эса кўз ёшлари ҳам қолмади. Улкан ва уч-

рашиш учун тайёргарлик кўриш зарур бўлган нарса олдида кўз ёши ҳам чекинди. Оёғи остида совуқ, қопқора ўпқон очиларди, Рита унга қатъият билан мардана боқарди.

У ўзига, ўз ҳаётига ва ёшлигига ачинмасди, чунки ҳамиша ўзидан муҳимроқ нарса тўғрисида ўйларди. Ўғли етим қоляпти, касалманд онаси қўлида ёлғиз қоляпти. Рита ҳозир ўғлим урушдан қандай чиқаркин, кейин унинг тақдирни қандай бўларкин, деб ўйларди.

Васков тезда қайтиб келди. Шохларни четга улоқтириб, ярадор ёнига индамай чўкди-да, унинг қўлини ушлаб, тебраниб ўтирди.

— Женя ҳалок бўлдими?

У бош иргади.

— Халталаримиз йўқ,— деди кейин у.— Халталар ҳам, милтиқлар ҳам йўқ. Ё олиб кетишган, ё бўлмаса беркитиб қўйишишган.

— Женя дарров... ўлдими?

— Дарров,— деди Васков, лекин Рита у ёлғон гапираётганини сезди.— Улар қайтиб кетишди. Портловчи моддаларни олиб келишса керак....— у Ританинг хира, ҳамма нарсани тушунувчи назарига кўзи тушиб, бирдан қичқиришга ўтди:— Улар бизни енга олишмади, тушундингми? Мен ҳали тирикман, ҳали мени қулатиш керак!..

У тишларини гижирлатиб жим бўлиб қолди, қўлини авайлаб ушлаб тебрана бошлади.

— Оғрияптими?

— Мана бу ерим оғрияпти!— у кўкрагига қўлини бигиз қилди:— Шу еримни таталаяпти, Рита. Шундай таталаяптики!... Ахир ҳаммаларингиздан ажрадим, бешалангиздан ҳам ажрадим, нима учун? Ўнта фриц учунми?

— Нега бундай дейсан.... Ҳаммаси тушунарли, уруш...

— Ҳозирча уруш кетаётган экан, сизларнинг нима учун ҳалок бўлганларинг тушунарли. Урушдан кейин-чи? Нега ҳалок бўлганларингни тушунтириб бўлармикин? Бу фрицларни нега ўтказиб юбормадим, нега шундай қарорга келдим? Сиз, әркаклар, оналаримизни ўқдан сақлаб қололмадингизми, деб сўрашса, нима деб жавоб бераман? Нега оналаримизни ўлим чангалига ташлаб, ўзларинг тирик қолдиларинг, де-

йишса-чи? Киров темир йўли билан ўртоқ Сталинномидаги Беломор каналини ҳимоя қилдикми? Ахир у ерда ҳам соқчилар бордир, бешта қиз-у, тўппончали старшинадан кўпроқ одам бордир у ерда!

— Қўй,— деди Рита секин.— Ахир Ватан каналдан бошланмайди. Бутунлай бошқа жойдан бошланади. Биз эса уни ҳимоя қилдик. Олдин Ваганни, сўнг эса канални.

— Ҳа...— Ваксов оғир хўрсиниб, жим бўлди.— Мен атрофни бир қараб келай, сен ётатур, бўлмаса, дуч келиб қолиши — кунимиз битади.— У тўппончанини чиқариб, нима учундир енги билан яхшилаб артди.— Ушла, Рита, иккита ўқи қолди, шундай бўлса ҳам тўппонча билан ўзингни хотиржамроқ сезасан.

— Тўхта!— Рита унинг юзи оша узоқларга, шохлар тўсиб турган осмонга қараб ётарди.— Разъездда немисларга дуч келиб қолганим эсингдами? Ўшандашаҳарга, ойимни олдига боргандим. У ерда ўғлим бор, уч яшар. Оти Алик — Альберт. Ойим қаттиқ бетоб, узоқ яшамайди, отам эса бедарак кетди.

— Ташвишланма, Рита, ҳаммасига тушундим.

— Раҳмёт сенга.— У кўм-кўк лаблари билан жилмайди.— Сўнгги илтимосимни бажарасанми?

— Йўқ,— деди у.

— Бефойда бу, ахир барибир ўламан. Ортиқча азоб чекаман, холос.

— Мен разведка қилиб, қайтиб келаман. Тунгача ўзимизникилар олдига етиб борамиз.

— Мени ўп.— деди у тўсатдан.

Старшина бесўнақай энгашиб, лабларини уятчаник билан Ританинг пешонасига тегизди.

— Соқолинг ўсиб кетибди...— деди у кўзини юмиб, эшитилар-эшитилмас қилиб.— Бор. Устимга шохларни ташлагину кетавер.

Унинг кўкимтири, ичига ботиб кетган ёноқларидан кўз ёши оқиб тушарди. Федот Евграфич оҳиста ўрнидан туриб, Ритани шохлар билан авайлаб бекитди ва немислар қаршисига, сой томонга тез юриб кетди.

Чўнтағида фойдасиз граната оғир силкиниб борарди. Бу унинг ягона қуроли эди...

У шохлар орасида пасайиб, секин чиқсан ўқ товушини эшитгандан кўра кўпроқ ҳис этди. Ўрмон сукунатига қулоқ солиб, қимирламай турди, сўнг ишониш

га қўрқиб, орқага, илдизи билан қулаб тушган катта арча томонга югурди.

Рита чаккасидан отган, деярли қўн чиқмаган эди. Ўқ ўтган тешик атрофида кулранг кукунлар қалин ҳошия ҳосил қилганди, Басков нима учундир шу ҳошияга узоқ тикилди. Кейин Ритани бир четга олиб бориб қўйиб, аввал ётган жойидан гўр қазий бошлади.

Бу ерда тупроқ юмшоқ, қазиш осон эди. Ёғоч билан юмшатиб, ташқарига қўли билан олиб ташлар, илдизларни пичоқ билан кесарди.

Тезда чуқур қазиди, ундан ҳам тезроқ дағнি этди ва ўзига дам бермай Женя ётган томонга жўнади. Қўли тўхтовсиз зирқирав, баъзан-баъзан қаттиқ оғрирди. Шу сабабли Комельковани тузукроқ дағнি қилолмади. Бу ҳақда тўхтовсиз ўйлар, афсусланар ва қовжираган лаблари билан:

— Кечир мени, Женечка, кечир...— деб шивирларди.

У чайқалиб ва қоқилиб Синюхин тепалиги орқали немислар томон борарди. Биттагина ўқи қолган тўп-пончани маҳкам ушлаб олган, у ҳозир фақат немислар тезроқ дуч келишини, яна биттасини қулатиб улгуришни истарди. Чунки ҳоли қолмаганди. Бутунлай ҳолдан тойган — фақат оғриқни сезарди. Бутун вужудида оғриқ...

Қизиган тошлиар устида оппоқ оқшом сузиб юрибди. Пастликларда туман тўпланяпти, шамол тиниб қолди — чивинлар старшина устида булутдек учарди. Унга эса бу оқиш туман ичида қизларнинг бешаласи кўрингандек бўлди. У ҳамон ниманидир шивирлаб, алам билан бош чайқарди.

Немислар эса кўринмади. Старшина зўрға қадам қўйиб, яширинмай борар, немислар билан дуч келиши ни истарди, шунга қарамай, немислар унга дуч келишмади, отишмади. Бу жангни тугатиш пайти келди, унга нуқта қўйиш пайти келди ва шу сўнгги нуқта тўп-пончасининг кўкиш ўқдонида турибди.

Тўғри, портлатгичи йўқ гранатаси ҳам бор. Бир парча темир. Уни нега кўтариб юрганини сўрасанг, жавоб беролмаган бўларди. Ҳарбий буюмларни асраш одатига кўра олиб юрарди.

Ҳозир унинг мақсади йўқ, фақат истаги бор эди. У айланиб из қидирмас, мурвати бураб қўйилган ўйин-

чоқдек түғри кетарди. Немислар эса ҳамон күрин-масди.

У ёш қарағайзордан ўтиб, энди ўрмон ичидан борар, ҳар дақиқа сайин Легонт кулбасига яқинлашарди. Бу ерда у әртадаб осонгина қуролни қўлга киритган эди. У нега у ерга кетаётганини ўйламасди, лекин овчилик туйгуси уни худди шу йўлдан бошлар ва у бу туйғуга бўйсуниб борарди. Шу туйғуга бўйсуниб, бирдан юришини секинлатди, қулоқ солди ва буталар орасига яширинди.

Юз метрча наридан қопқоғи чириган қудуқ ва чўкиб кетган кулба турган яланглик бошланарди. Шу юз метрча масофани Ваксов овоз чиқармай, шарпа каби босиб ўтди. У кулбада душман борлигини биларди, бунинг сабабини ўзи ҳам тушунтириб беролмас, лекин бўри қаердан қуён чиқиб қолишини билгандек аниқ биларди.

Ялангликдаги бута орасида тўхтаб, кўзлари билан қудуқни, қийшайган кулбани, қорайиб турган буталарни кузатиб узоқ туриб қолди. Қудуқ ёнида ўлдирилган немис жасади энди йўқ эди. У ерда кўзга ташланадиган ҳеч нарса йўқ эди, ҳеч нарса сезилмасди, аммо старшина сабр билан кутарди. Шунинг учун ҳам кулба бурчагидан хира дօғ бир оз ажралганда ҳам ажабланмади. У худди ўша ерда соқчи турганини билиб олган эди...

У соқчи олдига узоқ, жуда узоқ юрди. Оёгини худди ухлаётган одамдек секин кўтарар, уни вазнисиздек ерга қўяр ва бирорта шох қисирламаслиги учун оёги ни ниҳоятда эҳтиёткорлик билан босар эди. Шу тарика ғалати, қуш юриш қилиб ялангликни айланиб ўтиб қимирламай турган соқчининг орқасида пайдо бўлди. Шу қора елка томон тарин ҳам секинроқ, янада оҳиста кела бошлади. У юрмас, балки сузиб келарди.

Бир қадам нарида тўхтади. У анчагача нафасини ичига ютиб, юраги тинчланишини кутди. Тўппончани аллақачон чўнтағига солиб қўйган, ҳозир ўнг қўлида пичоқ ушлаб, бегона одамнинг қўлансанса ҳидини сезиб турар ва ягона, ҳал қилувчи зарбани бериш учун финкани оҳиста, миллиметрлаб кўтарарди.

У яна куч тўпларди. Кучи эса кам. Жуда кам, чап қўли ёрдам беролмайди.

У бутун кучини, сўнгги томчисигача шу зарбага

сафлади. Немис деярли овоз чиқармади, фақат галзати ҳиқилладио, чўккалақ қолди. Старшина унинг автоматини тортди. Лекин немис ийқилаётаб, автомат қайшишига ўралашиб қолди, бу пайтда эса ҳар бир дақиқа ҳисобда эди. Бу ҳиқиллаш ва ийқилиш товушини эшитиб, уйдан чиқиб қолишлари мумкин эди. Шу сабабли Ваксов ўзининг қуроли-тўпконча билан эшикка ташланди. Фақат чўнтағидан гранатани чиқариб, чап қўлига олишга улгурди. Отилмайдиган бефойда граната ота олмайдиган ярадор қўлида эди. Старшина қийшайган эшикни ланг очиб, сакраб кулбага кирди:

— Хенде хоҳ!..

Улар эса ухлаб ётишганди. Темир йўлга бориши учун сўнгги сафар олдидан тўйиб ухлашарди. Фақат биттаси уйгоқ экан, бурчакка, қуролини олгани ташланди, аммо Ваксов пайтни қўлдан бермай, немисни отиб ташлади. Гумбурлаш янграб, ўқ немисни деворга улоқтириди, старшина эса бирдан ҳамма немисча сўзларни унтиб қўйди ва бўғиқ овоз билан бақирди:

— Ет!.. Ет!.. Ет!..

У болохонадор қилиб сўкинарди. Остин-устин қилиб сўкинарди...

Їўқ, улар бақиришдан ҳам, старшина ўдағайлаб ушлаб турган гранатадан ҳам қўрқишимади. Унинг ёлгизлигини, неча чақирим ерда унинг ўзи якка-ю, ёлгиз эканлигини хаёлларига келтира олмас, тасаввур қила олмас әдилар. Бу тушунча уларнинг фашист миасига сифмасди, шу сабабли ерга чўзилишди. Буюрилганидек, ерга қараб ётишди. Тўртталаси ётди, бешинчиси, энг чаққони нариги дунёга равона бўлган эди.

Бир-бирларини камар билан боғлашди, маҳкам боғлашди, сўнггасини эса Федот Евграфичнинг ўзи боғлади-ю, йиғлаб юборди. Ифлос, соқоли қирилмаган юзидан кўз ёшлари оқарди, у совуқдан қалтирас, ана шу кўз ёшлари орасидан кулар ва бақиради:

— Нима қилолдинг?.. Қўлларингдан нима келди?.. Бешта қиз, бор-йўги, ҳаммаси бўлиб бешта қизалоқ эди!.. Барibir ўта олмадинглар, ҳеч қаёққа ўта олмадинглар, энди шу ерда чириб кетасанлар, ҳамманг шу ерда чириб кетасан!.. Ўз қўлим билан ҳаммангни ўлдираман, бошлиқлар жазоласа ҳам шахсан ўзим ўлдираман! Майли, кейин мени суд қиласверишишсин! Майли, суд қиласверишишсин!..

Қўли эса оғрир, шу қадар оғрирдики, бутун ғадани ловиллар, фикрлари чалкашиб кетарди. Шу сабабли у ҳушидан кетиб қолишидан жуда қўрқар ва бутун кучи билан ўзини тутишга тиришарди...

Уша сўнгги йўлни у кейин ҳам ҳеч эслолмади. Олдинда немислар боришар, улар гоҳ у томонга, гоҳ бутомонга чайқалишар, чунки Вакковнинг ўзи маст одамдек тебраниб бораради. У ана шу тўртта гавдадан бошқа ҳеч нарсани кўрмас, фақат бир нарса ҳақида — ҳушидан кетгудек бўлса; ўқ узишга улгуриш тўғрисида ўйларди. Ҳушини эса сўнгги ришта тутиб турарди, бунинг устига ғадани шу қадар оғрирдики, бу оғриқдан у инграб юборарди. Инграр ва йифлар эди: ниҳоят, ҳолдан тойган эди.

Уларни чақиришганда, рўпарадан ўзимизниклар, руслар келаётганини тушунгандан кейингина ҳушини тутиб турган сўнгги риштанинг узилишига йўл қўйди...

## ЭПИЛОГ

... Салом, қария!

Сен ишлаб чарчаб юрибсан, биз эса чанг деган нарсадан асар ҳам йўқ бир бурчакда балиқ овлаб юрибмиз. Тўғри, лаънати чивинлар тинчлик бермайди, лекин бу ер худди жаннатнинг ўзи! Кел, қария, отпуска олгин-у, биз томонга уч. Бу ерда машинадан асар ҳам йўқ. одамлар ҳам йўқ. Олдимизга ҳафтада бир марта моторли қайиқда нон келади, бошқа вақтда куни билан ялангоч юраверсанг ҳам бўлади. Иккита ажойиб кўл, зоғора балиқлар, хонбалиқ кўп, сой туристлар хизматида. Қўзиқоринларни айтмайсанми!..

Айтмоқчи, бугун моторли қайиқда соchlари оппоқ, ягриндор, бир қўли йўқ қандайдир чол, у билан бирга ракетачи капитан келди. Капитанни Альберт Федотич деб аташади (тасаввур қиляпсанми?), у эса чолни содда, хонакичасига ота дейди. Улар бу ерда ниманидир қидиришяпти, нималигини суриштирмадим...

...Кече ёзиб тугатолмадим: эрталаб ёзяпман.

Бу ерларда ҳам жанг бўлган экан... Сен билан биз дунёга келмасимиздан олдин жанг қилишган экан.

Альберт Федотич билан отаси мармар тахта олиб

келишибди. Биз қабрни қидириб топдик — сойнинг нариги томонида, ўрмонда экан. Капитаннинг отаси қабрни ўзи биладиган қандайдир белгиларга қараб топди. Мен мармар тахтани кўтаришиб бормоқчи бўлдим-у — ботинолмадим.

Бу ерда эса тонглар сокин, жуда сокин, фақат бугун эътибор бердим.